1 # برقی و مقناطیسیات

خالد خان یوسفزئی
کامسیٹ انسٹیٹیوٹ آف انفارمیشن ٹیکنالوجی، اسلام آباد
2 khalidyousafzai@comsats.edu.pk

عنوان

باب 3

گاؤس کا قانون اور پھیلاو

3.1 ساکن چارج

3.2 فیراڈے کا تجربہ

اس باب کا آغاز جناب مائکل فیراڈے[1] کے ایک تجربے سے کرتے ہیں جس کے نتیجے کو یوں بیان کیا جا سکتا ہے۔ چارج Q کو غیر چارج شدہ موصل سطح میں مکمل طور پر یوں بند کرنے کے بعد، کہ چارج اور سطح کہیں بھی ایک دونوں کو نہ چھوئیں، موصل سطح کو زمین کے ساتھ ایک لمحے کے لئے ملانے سے موصل سطح پر $Q-$ چارج پیدا ہو جاتا ہے۔ دیکھا یہ گیا ہے کہ چارج اور بیرونی سطح کے درمیان فاصلہ کم یا زیادہ کرنے سے نتیجے پر کوئی اثر نہیں ہوتا۔ اسی طرح چارج اور سطح کے درمیان مختلف غیر موصل مواد بھرنے سے بھی نتیجے پر کوئی اثر نہیں ہوتا۔ مزید یہ کہ سطح کی شکل کا بھی نتیجے پر کوئی اثر نہیں ہوتا۔ اسی طرح جس چیز پر چارج Q رکھا گیا ہو، اس کی شکل کا بھی نتیجے پر کوئی اثر نہیں ہوتا۔

ایسا معلوم ہوتا ہے جیسے اندرونی چارج سے بیرونی سطح تک چارج کی مقدار اور قطب کی خبر پہنچتی ہے۔ اس حقیقت کو تصوراتی جامع یوں پہنایا جا سکتا ہے کہ ہم سمجھیں کہ مثبت چارج سے ہر جانب یکساں طور پر کچھ خارج ہوتا ہے۔ اس چیز کو ہم برقی بہاو[2] کہیں گے اور اس کو ψ سے ظاہر کریں گے۔ برقی بہاو کو چارج کے برابر تصور کیا جاتا ہے۔

$$\psi = Q \tag{3.1}$$

برقی بہاو کی اکائی کولومب C ہی تصور کی جاتی ہے۔ منفی چارج کی صورت میں برقی بہاو کی سمت الٹی ہو گی اور یہ چارج میں داخل ہو گا۔

تصور کریں کہ اندرونی چارج r_1 رداس کی کرہ پر پایا جاتا ہے جبکہ اسے r_2 رداس کی کرہ نے گھیرا ہوا ہے۔ کرہ کی سطح $4\pi r^2$ کے برابر ہوتی ہے۔ اندرونی کرہ سے ψ برقی بہاو خارج ہوتا ہے۔ یوں اندرونی کرہ سے $\frac{\psi}{4\pi r_1^2}$ برقی بہاو فی اکائی رقبہ خارج ہوتا ہے جسے $\frac{Q}{4\pi r_1^2}$ لکھا جا سکتا ہے۔ اسی طرح بیرونی کرہ پر $\frac{Q}{4\pi r_2^2}$ برقی بہاو فی اکائی رقبہ پہنچتی ہے۔ برقی بہاو فی اکائی رقبے کو کثافت برقی بہاو[3] D کہا جائے گا۔ یوں اگر اندرونی کرہ کے رداس کو اتنا کم کر دیا جائے کہ اس کو نقطہ تصور کرنا ممکن ہو اور اس نقطہ چارج کو رداس r کے کرہ کے مرکز پر رکھا جائے تو کرہ پر

$$\boldsymbol{D} = \frac{Q}{4\pi r^2}\boldsymbol{a}_{\mathrm{r}} \tag{3.2}$$

---

[1] Michael Faraday
[2] electric flux
[3] electric flux density

سمتیہ کثافت برقی بہاو پائی جائے گی۔ صفحہ 44 پر مساوات 2.19 سے موازنہ کرنے سے ثابت ہوتا ہے کہ خالی خلاء میں

$$\boldsymbol{D} = \epsilon_0 \boldsymbol{E} \qquad \text{خالی خلاء} \tag{3.3}$$

کے برابر ہے۔ اگر نقطہ چارج کو کروی محدد کے مرکز پر نہ رکھا جائے تب کسی بھی مقام پر کثافت برقی بہاو حاصل کرنے کی خاطر مساوات 3.2 یوں لکھی جائے گی

$$\boldsymbol{D} = \frac{Q}{4\pi R^2}\boldsymbol{a}_R \tag{3.4}$$

831 جہاں $\boldsymbol{a}_R$ چارج سے اس مقام کی جانب اکائی سمتیہ ہے اور R ان کے درمیان فاصلہ ہے۔

کسی بھی حجم جس میں تغیر پذیر چارج کی کثافت پائی جائے میں مقام $\mathbf{r}'$ پر $\Delta h'$ حجم میں $\rho_h' \Delta h'$ چارج پایا جائے گا جو مقام $\mathbf{r}$ پر

$$\Delta \boldsymbol{D}(\boldsymbol{r}) = \frac{\rho_h' \Delta h'}{4\pi |\boldsymbol{r} - \boldsymbol{r'}|^2} \frac{\boldsymbol{r} - \boldsymbol{r'}}{|\boldsymbol{r} - \boldsymbol{r'}|}$$

کثافت برقی بہاو پیدا کرے گا۔ قانون کولومب خطی ہونے کی بنا پر $\boldsymbol{D}$ بھی خطی نوعیت کا ہوتا ہے لہٰذا حجم کے تمام چارجوں سے

$$\boldsymbol{D}(\boldsymbol{r}) = \int_h \frac{\rho_h' \,\mathrm{d}h'}{4\pi |\boldsymbol{r} - \boldsymbol{r'}|^2} \frac{\boldsymbol{r} - \boldsymbol{r'}}{|\boldsymbol{r} - \boldsymbol{r'}|} \tag{3.5}$$

حاصل ہو گا۔ مساوات 3.5 کا صفحہ 56 پر مساوات 2.48 کے ساتھ موازنہ کرنے سے ثابت ہوتا ہے کہ حجمی کثافت کے لئے بھی مساوات 3.3 خالی خلاء میں $\mathbf{D}$ اور $\mathbf{E}$ کا تعلق بیان کرتا ہے۔ اسی طرح ρ_S اور ρ_L سے پیدا $\boldsymbol{D}$ اور $\boldsymbol{E}$ کا خالی خلاء میں تعلق بھی مساوات 3.3 ہی بیان کرتا ہے۔ یوں مساوات 3.3 ایک عمومی مساوات ہے۔

3.3 گاؤس کا قانون

834

835 فیراڈے کے تجربے کو قانون کی شکل میں یوں پیش کیا جا سکتا ہے جسے گاؤس کا قانون[4] کہتے ہیں۔

836 کسی بھی مکمل بند سطح سے کل گزرتی برقی بہاو سطح میں گھیرے چارج کے برابر ہوتی ہے۔

837 جناب گاؤس[5] نے اس قانون کو ریاضیاتی شکل دی جس کی بنا پر یہ قانون انہیں کے نام سے منسوب ہے۔ آئیں گاؤس کے قانون کی ریاضیاتی شکل حاصل کریں۔

838

شکل 3.1 میں بند سطح دکھائی گئی ہے جس کی کوئی مخصوص شکل نہیں ہے۔ اس سطح کے اندر یعنی سطح کے گھیرے حجم میں کل Q چارج پایا جاتا ہے۔ سطح پر کسی بھی مقام سے گزرتا برقی بہاو اس مقام پر سطح کی عمودی سمت میں کثافت برقی بہاو اور اس مقام کے رقبہ کے حاصل ضرب کے برابر ہو گا۔ یوں شکل کو دیکھتے ہوئے چھوٹے سے رقبہ ΔS پر سطح کے عمودی سمت میں برقی بہاو کے کثافت کی قیمت $D_S \cos\alpha$ ہو گی لہٰذا

$$\Delta\psi = D_S \cos\alpha \Delta S$$

ہو گا۔ کثافتِ برقی بہاو D_S لکھتے ہوئے زیر نوشت میں S اس حقیقت کی یاد دہانی کراتا ہے کہ سطح پر کثافتِ برقی بہاو کی قیمت کی بات کی جا رہی ہے۔ اس مساوات کو ضرب نقطہ کے استعمال سے

$$\Delta\psi = \boldsymbol{D}_S \cdot \Delta \boldsymbol{S}$$

[4] Gauss's law
[5] Carl Friedrich Gauss



شکل 3.1: مکمل بند سطح سے گزرتی برقی بہاو سطح میں گھیرے کل چارج کے برابر ہے۔

لکھا جا سکتا ہے۔ مکمل سطح سے گزرتے کل برقی بہاو تکملہ سے حاصل ہو گی جو گاؤس کے قانون کے مطابق گھیرے ہوئے چارج Q کے برابر ہے۔ یوں

$$\psi = \oint_S \boldsymbol{D}_S \cdot \Delta\boldsymbol{S} = Q \tag{3.6}$$

لکھا جا سکتا ہے۔ یہ تکملہ دراصل دو درجی تکملہ ہے جسے ہم عموماً ایک درجی تکملہ سے ہی ظاہر کریں گے۔ تکملہ کے نشان پر گول دائرہ بند تکملہ[6] کو ظاہر کرتا ہے جبکہ 839
بند تکملہ کے نیچے S اس بند سطح کو ظاہر کرتا ہے جس پر بند تکملہ حاصل کیا جا رہا ہو۔ اس بند سطح کو عموماً گاؤس سطح[7] کہتے ہیں۔ 840

جس مقام پر چارج کی کثافت ρ_h ہو، وہاں چھوٹی سی حجم Δh میں کل چارج $\rho_h \Delta h$ پایا جاتا ہے۔ یوں کسی بھی حجم کو چھوٹے چھوٹے حصوں میں تقسیم کرتے ہوئے تمام حصوں میں پائے جانے والے چارجوں کا مجموعہ پوری حجم میں چارج کے برابر ہو گا یعنی

$$Q = \int_h \rho_h \,\mathrm{d}h \tag{3.7}$$

جہاں تین درجی حجم کے تکملہ کو ایک درجی تکملہ کے نشان سے ظاہر کیا گیا ہے۔ 841

مندرجہ بالا دو مساوات سے

$$\oint_S \boldsymbol{D}_S \cdot \Delta\boldsymbol{S} = \int_h \rho_h \,\mathrm{d}h \tag{3.8}$$

حاصل ہوتا ہے جو گاؤس کے قانون کی تکملہ شکل ہے۔ اس مساوات کو یوں پڑھا جاتا ہے کہ کسی بھی بند سطح سے گزرتی کل برقی بہاو اس سطح کے اندر گھیرے کل چارج
کے برابر ہے۔ 843

یہ ضروری نہیں کہ گھیرے ہوئے حجم یعنی بند حجم میں حجمی کثافت ہی پائی جائے۔ بند حجم کے اندر سطحی کثافت، لکیری کثافت، علیحدہ علیحدہ نقطہ چارج یا ان تینوں اقسام کا مجموعہ پایا جا سکتا ہے۔ حجم گھیرنے والے بند بیرونی سطح کے اندر کسی سطح پر سطحی کثافت کی صورت میں مساوات 3.7 کی جگہ

$$Q = \int_S \rho_S \,\mathrm{d}S \tag{3.9}$$

لکھا جائے گا جہاں چارج بردار سطح از خود بند یا کھلی سطح ہو سکتی ہے۔ لکیری کثافت کی صورت میں

$$Q = \int_L \rho_L \,\mathrm{d}L \tag{3.10}$$

---

[6] closed integral
[7] gaussian surface



شکل 3.2: کرہ کے مرکز پر نقطہ چارج کا کرہ کے سطح پر کثافتِ برقی بہاو

جبکہ n عدد نقطہ چارج کی صورت میں

$$Q=\sum_{n} Q = Q_1+Q_2+Q_3+\cdots+Q_n \tag{3.11}$$

لکھا جائے گا، وغیرہ وغیرہ۔ بہر حال مساوات 3.7 سے مراد یہ تمام صورتیں لی جاتی ہیں اور یوں ان تمام صورتوں کے لئے گاؤس کے قانون کی تکملہ شکل مساوات 3.8 ہی ہے۔

3.4 گاؤس کے قانون کا استعمال

گزشتہ باب میں ہم نے کولومب کے قانون سے نقطہ چارج، لامحدود لکیری چارج اور لامحدود سطحی چارج سے پیدا برقی میدان حاصل کئے۔ آئیں انہیں کو گاؤس کے قانون کی مدد سے بھی حاصل کریں۔ آپ دیکھیں گے کہ ان تینوں صورتوں میں گاؤس کے قانون کا استعمال شرم ناک حد تک سادہ ثابت ہو گا۔ یہاں یہ بتلانا ضروری ہے کہ ایسے مسائل جن میں گاؤس کا قانون استعمال کیا جا سکے کی تعداد بہت کم ہیں۔

3.4.1 نقطہ چارج

شکل 3.2 میں کرہ کے مرکز پر نقطہ چارج دکھایا گیا ہے۔ نقطہ چارج کو کروی محدد[8] کے مرکز پر رکھتے ہوئے ہم نے مختلف مقامات سے دیکھتے ہوئے مسئلے کی مشابہت کی بنا پر اخذ کیا تھا کہ کثافتِ برقی میدان صرف رداس کی سمت میں ممکن ہے اور اس کی حتمی قیمت صرف اور صرف رداس r تبدیل کرنے سے تبدیل ہو گی۔ اس کا مطلب ہے کہ کروی محدد کے مرکز کے گرد رداس r کے کرہ پر $\mathbf{D}$ تبدیل نہیں ہو گا۔

کروی محدد استعمال کرتے ہوئے کرہ پر چھوٹی سی سطح

$$\mathrm{d}S = r^2 \sin\theta \,\mathrm{d}\theta \,\mathrm{d}\phi$$

[8] spherical coordinates

لکھی جا سکتی ہے۔اسی کی سمتی شکل

$$\mathrm{d}\boldsymbol{S} = r^2 \sin\theta \,\mathrm{d}\theta \,\mathrm{d}\phi \boldsymbol{a}_{\mathrm{r}}$$

ہو گی۔اس سطح پر کثافتِ برقی بہاو کی قیمت D_S اور سمت $\boldsymbol{a}_{\mathrm{r}}$ ہو گی لہٰذا سمتی کثافتِ برقی بہاو

$$\boldsymbol{D}_S = D_S \boldsymbol{a}_{\mathrm{r}}$$

لکھی جائے گی۔یوں اس چھوٹی سی سطح سے گزرتی برقی بہاو

$$\begin{aligned}
\mathrm{d}\psi &= \boldsymbol{D}_S \cdot \mathrm{d}\boldsymbol{S} \\
&= (D_S \boldsymbol{a}_{\mathrm{r}}) \cdot \left(r^2 \sin\theta \,\mathrm{d}\theta \,\mathrm{d}\phi \boldsymbol{a}_{\mathrm{r}}\right) \\
&= D_S r^2 \sin\theta \,\mathrm{d}\theta \,\mathrm{d}\phi
\end{aligned}$$

ہو گی۔اس طرح پوری کرہ سے گزرتی برقی بہاو تکملہ سے یوں حاصل ہو گی۔

$$\begin{aligned}
\psi &= D_S r^2 \int_{\phi=0}^{\phi=2\pi} \int_{\theta=0}^{\theta=\pi} \sin\theta \,\mathrm{d}\theta \,\mathrm{d}\phi \\
&= D_S r^2 \int_{\phi=0}^{\phi=2\pi} -\cos\theta \Big|_0^{\pi} \mathrm{d}\phi \\
&= D_S r^2 \int_{\phi=0}^{\phi=2\pi} 2 \,\mathrm{d}\phi \\
&= 4\pi r^2 D_S
\end{aligned}$$

گاؤس کے قانون کے تحت یہ برقی بہاو گھیرے گئے چارج Q کے برابر ہے لہٰذا

$$4\pi r^2 D_S = Q$$

ہو گا جس سے

$$D_S = \frac{Q}{4\pi r^2}$$

854 حاصل ہوتا ہے۔یہی جواب بغیر زیادہ حساب و کتاب کے یوں حاصل کیا جا سکتا ہے۔

کرہ پر کثافتِ برقی بہاو D_S عمودی ہے اور اس کی قیمت کرہ پر تبدیل نہیں ہوتی۔کرہ کی سطح $4\pi r^2$ کے برابر ہے لہٰذا پوری سطح سے $4\pi r^2 D_S$ برقی بہاو گزرے گی جو گاؤس کے قانون کے تحت Q کے برابر ہے لہٰذا $4\pi r^2 D_S = Q$ ہو گا جس سے $D_S = \frac{Q}{4\pi r^2}$ حاصل ہوتا ہے۔اس کی سمتی شکل

$$\boldsymbol{D}_S = \frac{Q}{4\pi r^2} \boldsymbol{a}_{\mathrm{r}} \tag{3.12}$$

اور $\boldsymbol{D} = \epsilon_0 \boldsymbol{E}$ سے

$$\boldsymbol{E} = \frac{Q}{4\pi \epsilon_0 r^2} \boldsymbol{a}_{\mathrm{r}} \tag{3.13}$$

855 حاصل ہوتا ہے۔اس مساوات کا صفحہ 44 پر مساوات 2.19 کے ساتھ موازنہ کریں اور دیکھیں کہ موجودہ جواب کتنی آسانی سے حاصل ہوا۔

3.4.2 یکساں چارج بردار کروی سطح

صفحہ 59 پر حصہ 2.11 میں کروی محدد کے مرکز پر a رداس کی کروی سطح جس پر یکساں ρ_S چارج کثافت پائی جائے کا میدان بیرونِ کرہ اور اندرونِ کرہ حاصل کیا گیا۔ آئیں گاوس کے قانون سے انہیں جوابات کو دوبارہ حاصل کریں۔

کرہ کے اندر r رداس کا کرہ لیتے ہیں۔ یوں $a > r$ رداس کے کرہ میں صفر چارج پایا جائے گا۔ یوں اس کی سطح پر صفر میدان ہو گا۔ اس کے برعکس $r > a$ رداس کا کرہ a رداس کے کرہ کو گھیرتا ہے لہٰذا یہ $4\pi a^2 \rho_S$ چارج کو گھیرے گا لہٰذا یہاں

$$\boldsymbol{D} = \frac{4\pi a^2 \rho_S}{4\pi r^2} \boldsymbol{a}_{\mathrm{r}}$$

ہو گا جس سے

$$\boldsymbol{E} = \frac{Q}{4\pi \epsilon_0 r^2} \boldsymbol{a}_{\mathrm{r}}$$

حاصل ہوتا ہے جہاں کل چارج کو Q لکھا گیا ہے۔ یہ نتائج گاوس کے قانون کے استعمال سے حاصل کئے گئے۔ ساتھ ہی ساتھ اس حقیقت کو مد نظر رکھا گیا کہ میدان صرف رداسی سمت میں ممکن ہے۔

آپ دیکھ سکتے ہیں کہ اس مسئلے کو حل کرنے کا موجودہ طریقہ نہات آسان ہے۔

3.4.3 یکساں چارج بردار سیدھی لامحدود لکیر

ایسی لامحدود لکیر جس پر چارج کی یکساں کثافت پائی جائے کے گرد رداس پر گھومتے ہوئے صورت حال میں کوئی تبدیلی نظر نہیں آتی۔ اسی طرح اس لکیر کے ساتھ ساتھ چلتے ہوئے بھی صورت حال میں کسی قسم کی تبدیلی پیدا نہیں ہوتی۔ لامحدود لکیر کو نلکی محدد کی z محدد تصور کرتے ہوئے ان حقائق کی روشنی میں ہم توقع کرتے ہیں کہ برقی میدان صرف رداس تبدیل کرنے سے ہی تبدیل ہو گا۔ مزید، جیسا کہ پچھلی باب میں بتلایا گیا، کسی بھی نقطے کے ایک جانب لکیر پر چارج سے پیدا برقی میدان کا وہ حصہ جو $\boldsymbol{a}_{\mathrm{Z}}$ کی سمت میں ہو کو لکیر پر نقطے کی دوسری جانب برابر فاصلے پر چارج سے پیدا برقی میدان کا وہ حصہ جو $\boldsymbol{a}_{\mathrm{Z}}$ کی سمت میں ہو ختم کرتا ہے۔ یوں یہ اخذ کیا جا سکتا ہے کہ کثافتِ برقی بہاو صرف رداس کی سمت میں ہی پایا جائے گا۔ آئیں ان معلومات کی روشنی میں گاوس کے قانون کی مدد سے کثافتِ برقی بہاو حاصل کریں۔

چارج بردار لکیر جس پر یکساں کثافتِ چارج ρ_L پایا جائے کی لمبائی L میں کل چارج $\rho_L L$ ہو گا۔ اس لمبائی کے گرد ρ رداس کی نلکی سطح تصور کرتے ہیں جس کے دونوں آخری سرے[9] بند تصور کریں۔ چونکہ برقی بہاو صرف رداس کی سمت میں ہے لہٰذا ان دونوں آخری سروں سے کوئی برقی بہاو نہیں ہو گا۔ نلکی سطح کا رقبہ $2\pi\rho L$ ہے جبکہ اس سطح پر ہر جگہ کثافتِ برقی بہاو D_ρ ہے لہٰذا پوری سطح سے $2\pi\rho L D_\rho$ برقی بہاو ہو گا جو گاوس کے قانون کے تحت گھیرے گئے چارج $\rho_L L$ کے برابر ہو گا۔ اس طرح

$$2\pi\rho D_\rho = \rho_L L$$

لکھتے ہوئے

$$D_\rho = \frac{\rho_L}{2\pi\rho}$$

[9] آخری سروں کو غیر موصل چادر سے بند کیا جا سکتا ہے۔ یوں اس نلکی سطح تک چارج نہیں پہنچ پائے گا۔



شکل 3.3: ہم محوری تار

حاصل ہوتا ہے جس کی سمتی شکل

$$\boldsymbol{D}_\rho = \frac{\rho_L}{2\pi\rho}\boldsymbol{a}_\rho \tag{3.14}$$

سے

$$\boldsymbol{E}_\rho = \frac{\rho_L}{2\pi\epsilon_0\rho}\boldsymbol{a}_\rho \tag{3.15}$$

حاصل ہوتا ہے۔ صفحہ 50 پر مساوات 2.30 کے ساتھ موازنہ کریں اور دیکھیں کہ موجودہ طریقہ کتنا سادہ ہے۔

3.5 ہم محوری تار

یکساں چارج بردار سیدھی لامحدود لکیر کے قصے کو آگے بڑھاتے ہوئے تصور کریں کہ اس تار کا رداس ρ_1 ہے۔ اگر تار پر کسی بھی جگہ L لمبائی میں Q چارج پایا جائے تو تار پر چارج کی لکیری کثافت $\rho_L = \frac{Q}{L}$ ہو گی جبکہ اس پر چارج کی سطحی کثافت $\frac{Q}{2\pi\rho_1 L}$ ہو گی۔ جیسا آپ جانتے ہیں ہیں ٹھوس موصل میں چارجوں کے مابین قوت دفع کی وجہ سے تمام چارج موصل کے بیرونی سطح پر دکھیلے جاتے ہیں۔ یوں چارج Q تار کے بیرونی سطح، محور سے ρ_1 فاصلے، پر پایا جائے گا۔

اب تصور کریں کہ پہلی تار کے اوپر نلکی نما دوسری تار چڑھائی جائے جس کا اندرونی رداس ρ_2 ہو جہاں $\rho_1 > \rho_2$ ہو گا۔ ایسی تار جسے ہم محوری تار[10] کہتے ہیں کو شکل 3.3 میں دکھایا گیا ہے۔ تصور کریں کہ بیرونی تار پر کسی بھی جگہ L لمبائی پر $-Q$ چارج پایا جاتا ہے۔ دونوں تاروں پر الٹ اقسام کے چارج ہیں جن میں قوت کشش پائی جائے گی۔ یوں بیرونی تار پر چارج تار کے اندرونی سطح یعنی محور سے ρ_2 رداس پر پایا جائے گا۔ بیرونی تار پر $\rho_L = \frac{-Q}{L}$ جبکہ $\rho_S = \frac{-Q}{2\pi\rho_2 L}$ ہو گی۔

دونوں تاروں کے درمیانی فاصلے میں رداس ρ کی فرضی نلکی سطح صرف اندرونی تار کے چارج کو گھیرتی ہے لٰہذا L لمبائی کی ایسی نلکی پر مساوات 3.14 کی طرح

$$\begin{aligned}\boldsymbol{D} &= \frac{\rho_L}{2\pi\rho}\boldsymbol{a}_\rho\\ &= \frac{Q}{2\pi\rho L}\boldsymbol{a}_\rho\end{aligned} \tag{3.16}$$

---

[10] coaxial cable

پایا جائے گا۔ آپ دیکھ سکتے ہیں کہ بیرونی تار پر چارج کا اس میدان پر کوئی اثر نہیں پایا جاتا۔ یوں اندرونی تار کے بیرونی سطح پر

$$\boldsymbol{D}_1 = \frac{Q}{2\pi\rho_1 L}\boldsymbol{a}_\rho \tag{3.17}$$

جبکہ بیرونی تار کے اندرونی سطح پر

$$\boldsymbol{D}_2 = \frac{Q}{2\pi\rho_2 L}\boldsymbol{a}_\rho \tag{3.18}$$

پایا جائے گا۔ بیرونی تار کے باہر فرضی نلکی سطح میں کل صفر چارج پایا جاتا ہے لہٰذا ہم محوری تار کے باہر (یعنی بیرونی تار کے باہر)

$$\boldsymbol{D}_{\text{تار کے باہر}} = 0 \tag{3.19}$$

877 ہو گا۔ مساوات 3.14 انتہائی اہم نتیجہ ہے۔ اس کے مطابق ہم محوری تار کے باہر کسی قسم کا برقی میدان نہیں پایا جاتا لہٰذا تار کے باہر سے کسی طرح بھی یہ معلوم نہیں کیا جا سکتا کہ تار پر کس قسم کا چارج پائے جاتے ہیں۔ یوں ہم محوری تار کے ذریعہ اشارات کی منتقلی محفوظ ہوتی ہے۔ ہم محوری تار میں بیرونی تار اندرونی تار کو پناہ ہی دیتا ہے۔ لہٰذا ہم محوری تار کو **پناہ دار تار**[11] بھی کہا جائے گا۔
879

880

881 مثال 3.1: ہم محوری تار کے اندروری تار کا رداس 1 mm جبکہ اس کے بیرونی تار کا اندرونی رداس 5 mm ہے۔ 3 mm رداس پر کثافتِ برقی بہاو $-5\,\frac{\mu\text{Wb}}{\text{m}^2}$ ہے جبکہ تار کے باہر کوئی برقی میدان نہیں پایا جاتا۔ دونوں تاروں پر چارج کی سطحی کثافت حاصل کریں۔
882

حل: تار کے گرد برقی میدان صرف رداس کی سمت میں پایا جاتا ہے۔ اگر تار پر چارج کی لکیری کثافت ρ_L ہو تب مساوات

$$-5\times10^{-6} = \frac{\rho_L}{2\pi\times0.003}$$

سے $\rho_L = -94.26\,\frac{\text{nC}}{\text{m}}$ حاصل ہوتا ہے۔ یوں اندرونی تار کے ایک میٹر لمبائی پر $-94.26\,\text{nC}$ چارج پایا جائے گا جس سے اس کی سطحی کثافت

$$\rho_{S1} = \frac{-0.09426\times10^{-9}}{2\pi\times0.001\times1} = -15\,\frac{\mu\text{C}}{\text{m}^2}$$

حاصل ہوتی ہے۔ بیرونی تار کے ایک میٹر فاصلے پر $94.26\,\text{nC}$ چارج پایا جائے گا جس سے یہاں

$$\rho_{S2} = \frac{94.26\times10^{-9}}{2\pi\times0.005\times1} = 3\,\frac{\mu\text{C}}{\text{m}^2}$$

883 حاصل ہوتا ہے۔

884

[11]shielded

3.6 یکساں چارج بردار ہموار لامحدود سطح 885

اگر چارج بردار ہموار لامحدود سطح سے برابر فاصلے پر کسی بھی مقام سے دیکھا جائے تو صورت حال بالکل یکساں معلوم ہو گا۔ کسی بھی نقطے کے ایک جانب چارجوں سے پیدا برقی میدان کا وہ حصہ جو چارج بردار سطح کے متوازی ہو کو نقطے کے دوسری جانب چارجوں سے پیدا برقی میدان کا وہ حصہ جو چارج بردار سطح کے متوازی ہو کو ختم کرتا ہے۔ ان حقائق سے ہم اخذ کر سکتے ہیں کہ ایسی سطح کا برقی میدان سطح کی عمودی سمت میں ہو گا اور سطح سے یکساں فاصلے پر برقی میدان کی حتمی قیمت برابر ہو گی۔ صفحہ 52 پر ایسی لامحدود سطح شکل 2.5 میں دکھائی گئی ہے۔ 889

اس شکل میں چارج بردار سطح کے متوازی دونوں اطراف برابر فاصلے پر تصوراتی لامحدود سطح تصور کرتے ہیں۔ ان سطحوں پر آمنے سامنے رقبہ S لیتے ہوئے انہیں عمودی سطحوں سے بند کرتے ہوئے حجم گھیرتے ہیں۔ سامنے سطح پر $D\boldsymbol{a}_{\mathrm{X}}$ جبکہ پیچھے سطح پر $-D\boldsymbol{a}_{\mathrm{X}}$ ہو گا جبکہ ان رقبوں کو $S\boldsymbol{a}_{\mathrm{X}}$ اور $-S\boldsymbol{a}_{\mathrm{X}}$ لکھا جا سکتا ہے۔ چونکہ برقی میدان سطحوں کے عمودی ہے لہٰذا دونوں سطحوں کو ملانے والے عمودی سطحوں میں سے کوئی برقی بہاو نہیں ہو گا۔ یوں حجم سے برقی بہاو صرف ان آمنے سامنے رقبوں سے یعنی

$$
\begin{aligned}
\psi_{\text{سامنے}} &= D\boldsymbol{a}_{\mathrm{X}} \cdot S\boldsymbol{a}_{\mathrm{X}} = SD \\
\psi_{\text{پیچھے}} &= (-D\boldsymbol{a}_{\mathrm{X}}) \cdot (-S\boldsymbol{a}_{\mathrm{X}}) = SD
\end{aligned}
$$

جو گھیرے گئی چارج کے برابر ہو گا۔ اگر چارج بردار سطح پر ρ_S ہو تب حجم میں $\rho_S S$ چارج پایا جائے گا۔ یوں

$$\psi_{\text{سامنے}} + \psi_{\text{پیچھے}} = 2DS = \rho_S S$$

لکھتے ہوئے

$$D = \frac{\rho_S}{2}$$

حاصل ہوتا ہے جس کی سمتی شکل

$$\boldsymbol{D} = \frac{\rho_S}{2}\boldsymbol{a}_N \tag{3.20}$$

لکھی جا سکتی ہے جہاں $\boldsymbol{a}_N$ سے مراد سطح کی اکائی سمتیہ ہے۔ یوں

$$\boldsymbol{E} = \frac{\rho_S}{2\epsilon_0}\boldsymbol{a}_N \tag{3.21}$$

حاصل ہوتا ہے۔ آپ دیکھ سکتے ہیں کہ مساوات 2.42 کے حصول کا موجودہ طریقہ زیادہ آسان ہے۔ 890

3.7 انتہائی چھوٹی حجم پر گاؤس کے قانون کا اطلاق 891

ی محدد کے نقطہ $N(x_0, y_0, z_0)$ پر چھوٹا مستطیلی ڈبہ دکھایا گیا ہے جس کے اطراف Δx، Δy اور Δz ہیں۔ یہ ڈبہ برقی میدان $\boldsymbol{D} = D_x\boldsymbol{a}_{\mathrm{X}} + D_y\boldsymbol{a}_{\mathrm{Y}} + D_z\boldsymbol{a}_{\mathrm{Z}}$ میں ہے۔ اس چھوٹی ڈبیہ پر گاؤس کے قانون

$$\oint_S \boldsymbol{D} \cdot \mathrm{d}\boldsymbol{S} = Q = \int_h \rho_h \,\mathrm{d}h \tag{3.22}$$



شکل 3.4: انتہائی چھوٹی حجم پر گاؤس کے قانون کا اطلاق

کا اطلاق کرتے ہیں۔ ڈبیہ کے چھ اطراف ہیں۔ یوں مندرجہ بالا تکملہ کے بائیں بازو کو

$$\oint_S \boldsymbol{D}\cdot \mathrm{d}\boldsymbol{S} = \int_{\text{سامنے}} + \int_{\text{پیچھے}} + \int_{\text{بائیں}} + \int_{\text{دائیں}} + \int_{\text{اوپر}} + \int_{\text{نیچے}}$$

لکھا جا سکتا ہے جہاں

$$\begin{aligned}\int_{\text{سامنے}} &\doteq \boldsymbol{D}_{\text{سامنے}}\cdot \Delta\boldsymbol{S}_{\text{سامنے}}\\ &\doteq \left(D_x\boldsymbol{a}_{\mathrm{x}} + D_y\boldsymbol{a}_{\mathrm{y}} + D_z\boldsymbol{a}_{\mathrm{z}}\right)_{\text{سامنے}}\cdot \Delta y\Delta z\boldsymbol{a}_{\mathrm{x}}\\ &\doteq D_{x,\text{سامنے}}\Delta y\Delta z\end{aligned}$$

کے برابر ہے۔ 892

ہمیں $\boldsymbol{D}$ کی قیمت ڈبیہ کے وسط میں معلوم ہے۔ ٹیلر تسلسل[12] کے مطابق کسی بھی تفاعل جس کی قیمت نقطہ a پر معلوم ہو کو اس نقطے کے قریبی نقطوں پر

$$f(x+a) = f(a) + \frac{1}{1!}(x-a)f'(a) + \frac{1}{2!}(x-a)^2 f''(a) + \cdots$$

سے حاصل کیا جا سکتا ہے۔ ڈبیہ کے وسط میں نقطہ $N(x_0, y_0, z_0)$ پر

$$\boldsymbol{D}(x_0, y_0, z_0) = D_{x0}\boldsymbol{a}_{\mathrm{x}} + D_{y0}\boldsymbol{a}_{\mathrm{y}} + D_{z0}\boldsymbol{a}_{\mathrm{z}}$$

کی قیمت سے وسط سے $+\frac{\Delta x}{2}$ فاصلے پر ڈبیہ کے سامنے سطح پر D_x ٹیلر تسلسل سے یوں حاصل کیا جا سکتا ہے۔

$$\begin{aligned}D_{x,\text{سامنے}} &= D_{x0} + \frac{1}{1!}\frac{\Delta x}{2}\frac{\partial D_x}{\partial x} + \frac{1}{2!}\left[\frac{\Delta x}{2}\right]^2\frac{\partial^2 D_x}{\partial x^2}\cdots\\ &\doteq D_{x0} + \frac{\Delta x}{2}\frac{\partial D_x}{\partial x}\end{aligned}$$

جہاں دوسرے قدم پر تسلسل کے صرف پہلے دو اجزاء لئے گئے ہیں۔ تفاعل کے ایک سے زیادہ متغیرات x، y اور z ہیں لہٰذا تسلسل میں جزوی تفرق[13] کا استعمال کیا 893
گیا۔ 894

یوں

$$\int_{\text{سامنے}} \doteq \left(D_{x0} + \frac{\Delta x}{2}\frac{\partial D_x}{\partial x}\right)\Delta y\Delta z$$

---

[12] Taylor series
[13] partial differential

895 حاصل ہوتا ہے۔

بند سطح کی سمت باہر جانب ہوتی ہے لہٰذا پچھلی سطح $-\Delta y \Delta z \boldsymbol{a}_{\mathrm{X}}$ ہے اور یوں ڈبیہ کی پچھلی سطح کے لئے

$$
\begin{aligned}
\int_{\text{پیچھے}} &\doteq \boldsymbol{D}_{\text{پیچھے}} \cdot \Delta \boldsymbol{S}_{\text{پیچھے}} \\
&\doteq \left(D_x \boldsymbol{a}_{\mathrm{X}} + D_y \boldsymbol{a}_{\mathrm{Y}} + D_z \boldsymbol{a}_{\mathrm{Z}} \right)_{\text{پیچھے}} \cdot \left(-\Delta y \Delta z \boldsymbol{a}_{\mathrm{X}} \right) \\
&\doteq -D_{x,\text{پیچھے}} \Delta y \Delta z
\end{aligned}
$$

لکھا جا سکتا ہے جہاں وسط سے $\frac{\Delta x}{2}$ – فاصلے پر ڈبیہ کی پچھلی سطح پر D_x ٹیلر تسلسل سے

$$
D_{x,\text{پیچھے}} = D_{x0} - \frac{\Delta x}{2} \frac{\partial D_x}{\partial x}
$$

حاصل ہوتا ہے۔ یوں

$$
\int_{\text{پیچھے}} \doteq - \left(D_{x0} - \frac{\Delta x}{2} \frac{\partial D_x}{\partial x} \right) \Delta y \Delta z
$$

اور

$$
\begin{aligned}
\int_{\text{سامنے}} + \int_{\text{پیچھے}} &\doteq \left(D_{x0} + \frac{\Delta x}{2} \frac{\partial D_x}{\partial x} \right) \Delta y \Delta z - \left(D_{x0} - \frac{\Delta x}{2} \frac{\partial D_x}{\partial x} \right) \Delta y \Delta z \\
&\doteq \frac{\partial D_x}{\partial x} \Delta x \Delta y \Delta z
\end{aligned}
$$

حاصل ہوتا ہے۔ اسی عمل کو دہراتے ہوئے بائیں اور دائیں سطحوں کے لئے

$$
\int_{\text{بائیں}} + \int_{\text{دائیں}} \doteq \frac{\partial D_y}{\partial y} \Delta x \Delta y \Delta z
$$

اور اوپر، نیچے سطحوں کے لئے

$$
\int_{\text{اوپر}} + \int_{\text{نیچے}} \doteq \frac{\partial D_z}{\partial z} \Delta x \Delta y \Delta z
$$

حاصل ہوتا ہے۔ اس طرح

$$
\oint_S \boldsymbol{D} \cdot \mathrm{d}\boldsymbol{S} = Q \doteq \left(\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} \right) \Delta x \Delta y \Delta z \tag{3.23}
$$

896 حاصل ہوتا ہے۔

اس مساوات کے تحت کسی بھی نقطے پر انتہائی چھوٹی حجم Δh میں چارج تقریباً

$$
Q \doteq \left(\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} \right) \Delta h \tag{3.24}
$$

کے برابر ہے۔ حجم کی جسامت جتنی کم کی جائے جواب اتنا زیادہ درست ہو گا۔ اگلے حصے میں حجم کو کم کرتے کرتے نقطہ نما بنا دیا جائے گا۔ ایسی صورت میں مندرجہ بالا
898 مساوات مکمل طور صحیح جواب مہیا کرے گا۔

مثال 3.2: اگر $\boldsymbol{D} = 2x\boldsymbol{a}_{\mathrm{x}} + 3y\boldsymbol{a}_{\mathrm{y}} + 5\boldsymbol{a}_{\mathrm{z}}\,\mathrm{C/m^2}$ ہو تب کار تیسی محدد کے مرکز پر $10^{-9}\,\mathrm{m^3}$ کے انتہائی چھوٹی حجم میں چارج حاصل کریں۔

حل:

$$\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} = 2 + 3 + 0$$

900 سے اس حجم میں $5 \times 10^{-9} = 5\,\mathrm{nC}$ چارج پایا جائے گا۔

901

---

902 ## 3.8 پھیلاو

مساوات 3.23 میں حجم کو اتنا کم کرتے ہوئے کہ اس کو صفر تصور کرنا ممکن ہو

$$\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} = \lim_{\Delta h \to 0} \frac{\oint_S \boldsymbol{D} \cdot \mathrm{d}\boldsymbol{S}}{\Delta h} = \lim_{\Delta h \to 0} \frac{Q}{\Delta h}$$

لکھا جا سکتا ہے۔ چارج فی حجم کو حجمی کثافت کہتے ہیں۔ یوں مساوات کا دایاں بازو نقطے پر حجمی کثافت ρ_h دیتا ہے۔ اس طرح اس مساوات سے دو مساوات حاصل کئے جا سکتے ہیں یعنی

$$\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} = \rho_h \tag{3.25}$$

اور

$$\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} = \lim_{\Delta h \to 0} \frac{\oint_S \boldsymbol{D} \cdot \mathrm{d}\boldsymbol{S}}{\Delta h} \tag{3.26}$$

مساوات 3.25 میکس ویل[14][15] کی پہلی مساوات ہے جبکہ مساوات 3.26 سمتیہ $\boldsymbol{D}$ کا پھیلاو[16] بیان کرتا ہے۔ اس مساوات کا دایاں بازو پھیلاو کی تعریف جبکہ اس کا بایاں بازو پھیلاو حاصل کرنے کا طریقہ دیتا ہے۔ یوں کار تیسی محدد میں

$$\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} \qquad \text{کارتیسی محدد میں پھیلاو کی مساوات} \tag{3.27}$$

903 سے سمتیہ $\boldsymbol{D}$ کا پھیلاو حاصل کیا جاتا ہے۔

---

[14] Maxwell equation
[15] جناب جیمس کلارک میکس ویل (1831-1879) کے مساوات میکس ویل مساوات کہلاتے ہیں۔
[16] divergence

انجنیئرنگ کے شعبے میں ایسے کئی مسئلے پائے جاتے ہیں جن میں چھوٹی سی حجم کو گھیرنے والے بند سطح پر کسی سمتیہ $\boldsymbol{K}$ کا $\oint_S \boldsymbol{K} \cdot \mathrm{d}\boldsymbol{S}$ درکار ہو۔ گزشتہ حصے میں سمتیہ $\boldsymbol{D}$ کے لئے ایسا ہی کیا گیا۔ غور کرنے سے معلوم ہوتا ہے کہ ایسا کرتے ہوئے $\boldsymbol{D}$ کی جگہ $\boldsymbol{K}$ لکھا جا سکتا ہے جس سے

$$\frac{\partial K_x}{\partial x} + \frac{\partial K_y}{\partial y} + \frac{\partial K_z}{\partial z} = \lim_{\Delta h \to 0} \frac{\oint_S \boldsymbol{K} \cdot \mathrm{d}\boldsymbol{S}}{\Delta h} \tag{3.28}$$

حاصل ہوتا۔ سمتیہ $\boldsymbol{K}$ پانی کا بہاو، ایٹموں کی رفتار یا سیلیکان کی پتری میں درجہ حرارت ہو سکتا ہے۔ ہم $\boldsymbol{K}$ کو سمتی بہاو کی کثافت تصور کریں گے۔ مندرجہ بالا مساوات $\boldsymbol{K}$ کا پھیلاو بیان کرتا ہے۔ پھیلاو کے عمل سے مراد مساوات کے بائیں بازو کا عمل ہے جبکہ مساوات کا دایاں بازو اس کی تعریف بیان کرتا ہے جس کے تحت

کسی بھی سمتی کثافتی بہاو کے پھیلاو سے مراد کسی چھوٹی حجم کو صفر کرتے ہوئے اس سے خارج کل بہاو فی اکائی حجم ہے۔

یہ ضروری ہے کہ آپ کو پھیلاو کی تعریف کی سمجھ ہو۔ یاد رہے کہ پھیلاو کا عمل سمتیہ پر کیا جاتا ہے جبکہ اس سے حاصل جواب مقداری ہوتا ہے۔ کسی نقطے پر چھوٹی حجم سے باہر جانب کل بہاو فی چھوٹی حجم کو پھیلاو کہتے ہیں۔ پھیلاو کی کوئی سمت نہیں ہوتی۔ پھیلاو کی تعریف جانتے ہوئے کئی مرتبہ بغیر قلم اٹھائے جواب حاصل کیا جا سکتا ہے۔ اسی نوعیت کے چند مسئلوں پر اب غور کرتے ہیں۔

پانی سے بھری بالٹی میں پانی میں ڈوبے کسی بھی نقطے پر پانی کی رفتار کا پھیلاو صفر ہو گا چونکہ اس نقطے سے نہ پانی باہر نکل رہا ہے اور نا ہی اس میں داخل ہو رہا ہے۔ اسی طرح دریا میں پانی میں ڈھوبے نقطے پر بھی پانی کے رفتار کا پھیلاو صفر ہو گا چونکہ ایسے نقطے سے جتنا پانی نکلتا ہے، اتنا ہی پانی اس میں داخل ہوتا ہے۔ البتہ اگر بھری بالٹی کے تہہ میں سوراخ کر دیا جائے تو جب تک نقطہ پانی میں ڈھوبا ہے اس وقت تک یہاں پھیلاو صفر رہے گا البتہ جیسے ہی نقطہ پانی سے نمودار ہونے لگے یہاں مثبت پھیلاو پایا جائے گا اور جب نقطہ پانی سے مکمل طور باہر آ جائے تب ایک بار پھر یہاں پھیلاو صفر ہو جائے گا۔ جتنی دیر نقطہ پانی کی سطح سے باہر نمودار ہو رہا ہوتا ہے اتنی دیر اس نقطے سے پانی کی انخلاء پائی جاتی ہے جس کی وجہ سے یہاں پھیلاو پایا جاتا ہے۔

ایک اور دلچسپ مثال سائیکل کے ٹائر میں ہوا کی ہے۔ اگر ٹائر پنکچر ہو جائے اور اس سے ہوا نکلنی شروع ہو جائے تو ٹائر میں کسی بھی نقطے پر سمتی رفتار کا پھیلاو پایا جائے گا چونکہ کسی بھی نقطے پر دیکھا جائے تو یہاں سے ہوا پھیلتے ہوئے خارج ہو گا۔ یوں مثبت پھیلاو سے مراد نقطے سے انخلاء جبکہ منفی پھیلاو سے مراد نقطے میں داخل ہونا ہے۔

ریاضیاتی عمل کو بیان کرنے کے لئے عموماً علامت استعمال کی جاتی ہے۔ یوں جمع کے لئے $+$، ضرب کے لئے $\times$ اور تکملہ کے لئے $\int$ استعمال کئے جاتے ہیں۔ آئیں ایک نئی علامت جسے نیبلا[17] کہتے اور ∇ سے ظاہر کرتے ہیں سیکھیں۔ نیبلا یونانی حروف تہجی کا حرف ہے۔ تصور کریں کہ

$$\nabla = \frac{\partial}{\partial x}\boldsymbol{a}_{\mathrm{X}} + \frac{\partial}{\partial y}\boldsymbol{a}_{\mathrm{y}} + \frac{\partial}{\partial z}\boldsymbol{a}_{\mathrm{Z}} \tag{3.29}$$

لکھا جاتا ہے جہاں مقداری متغیرہ f کے سامنے لکھنے سے مراد

$$\nabla f = \frac{\partial f}{\partial x}\boldsymbol{a}_{\mathrm{X}} + \frac{\partial f}{\partial y}\boldsymbol{a}_{\mathrm{y}} + \frac{\partial f}{\partial z}\boldsymbol{a}_{\mathrm{Z}} \tag{3.30}$$

جبکہ سمتیہ $\boldsymbol{K}$ کے ساتھ نقطہ ضرب سے مراد

$$\begin{aligned}\nabla \cdot \boldsymbol{K} &= \left(\frac{\partial}{\partial x}\boldsymbol{a}_{\mathrm{X}} + \frac{\partial}{\partial y}\boldsymbol{a}_{\mathrm{y}} + \frac{\partial}{\partial z}\boldsymbol{a}_{\mathrm{Z}}\right) \cdot \left(K_x\boldsymbol{a}_{\mathrm{X}} + K_y\boldsymbol{a}_{\mathrm{y}} + K_z\boldsymbol{a}_{\mathrm{Z}}\right) \\ &= \frac{\partial K_x}{\partial x} + \frac{\partial K_y}{\partial y} + \frac{\partial K_z}{\partial z}\end{aligned} \tag{3.31}$$

[17] nabla, del

لیا جاتا ہے۔ یہ علامت انجنیئرنگ کے شعبے میں انتہائی مقبول ہے۔ اسے استعمال کرتے ہوئے پھیلاو کو $\nabla \cdot \boldsymbol{D}$ لکھا جا سکتا ہے جہاں

$$\nabla \cdot \boldsymbol{D} = \frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z} \tag{3.32}$$

کے برابر ہے۔ پھیلاو کے عمل کو ہم اسی علامت سے ظاہر کریں گے۔ مساوات 3.25 یعنی میکس ویل کی پہلی مساوات اب یوں لکھی جا سکتی ہے۔

$$\nabla \cdot \boldsymbol{D} = \rho_h \quad \text{میکس ویل کی پہلی مساوات} \tag{3.33}$$

918 میکس ویل کی پہلی مساوات در حقیقت گاؤس کے قانون کی تفرق[18] شکل ہے۔ اسی طرح گاؤس کا قانون میکس ویل مساوات کی تکمل[19] شکل ہے۔

919 مساوات 3.30 کے طرز پر مساوات صفحہ 108 پر دیا گیا ہے۔

920 3.9 نلکی محدد میں پھیلاو کی مساوات

حصہ 3.7 میں کارتیسی محدد استعمال کرتے ہوئے چھوٹی حجم پر گاؤس کے قانون کے اطلاق سے پھیلاو کی مساوات حاصل کی گئی۔ اس حصے میں نلکی محدد استعمال کرتے ہوئے شکل میں دکھائے چھوٹی حجم کو استعمال کرتے ہوئے پھیلاو کی مساوات حاصل کی جائے گی۔ شکل کو دیکھتے ہوئے

$$\begin{aligned}
\Delta_{S_{\text{سامنے}}} &= -\Delta\rho\Delta z \boldsymbol{a}_\phi \\
\Delta_{S_{\text{پیچھے}}} &= +\Delta\rho\Delta z \boldsymbol{a}_\phi \\
\Delta_{S_{\text{بائیں}}} &= -\left(\rho - \frac{\Delta\rho}{2}\right)\Delta\phi\Delta z \boldsymbol{a}_\rho \\
\Delta_{S_{\text{دائیں}}} &= +\left(\rho + \frac{\Delta\rho}{2}\right)\Delta\phi\Delta z \boldsymbol{a}_\rho \\
\Delta_{S_{\text{اوپر}}} &= +\rho\Delta\phi\Delta\rho \boldsymbol{a}_{\text{z}} \\
\Delta_{S_{\text{نیچے}}} &= -\rho\Delta\phi\Delta\rho \boldsymbol{a}_{\text{z}}
\end{aligned}$$

لکھا جا سکتا ہے۔ کارتیسی محدد میں آمنے سامنے رقبے برابر تھے۔ نلکی محدد میں بائیں اور دائیں رقبے برابر نہیں ہیں۔ اس فرق کی بنا پر نلکی محدد میں پھیلاو کی مساوات قدر مختلف حاصل ہو گی۔ چھوٹی حجم کے وسط میں

$$\boldsymbol{D} = D_{\rho 0}\boldsymbol{a}_\rho + D_{\phi 0}\boldsymbol{a}_\phi + D_{z0}\boldsymbol{a}_{\text{z}} \tag{3.34}$$

---

[18] differential
[19] integral

کے برابر ہے جس سے ٹیلر تسلسل کی مدد سے

$$\begin{aligned}
\boldsymbol{D}_{\text{سامنے}} &= \left(D_{\phi 0} - \frac{\Delta\phi}{2}\frac{\partial D_\phi}{\partial \phi}\right)\boldsymbol{a}_\phi \\
\boldsymbol{D}_{\text{پیچھے}} &= \left(D_{\phi 0} + \frac{\Delta\phi}{2}\frac{\partial D_\phi}{\partial \phi}\right)\boldsymbol{a}_\phi \\
\boldsymbol{D}_{\text{بائیں}} &= \left(D_{\rho 0} - \frac{\Delta\rho}{2}\frac{\partial D_\rho}{\partial \rho}\right)\boldsymbol{a}_\rho \\
\boldsymbol{D}_{\text{دائیں}} &= \left(D_{\rho 0} + \frac{\Delta\rho}{2}\frac{\partial D_\rho}{\partial \rho}\right)\boldsymbol{a}_\rho \\
\boldsymbol{D}_{\text{اوپر}} &= \left(D_{z 0} + \frac{\Delta z}{2}\frac{\partial D_z}{\partial z}\right)\boldsymbol{a}_{\text{z}} \\
\boldsymbol{D}_{\text{نیچے}} &= \left(D_{z 0} - \frac{\Delta z}{2}\frac{\partial D_z}{\partial z}\right)\boldsymbol{a}_{\text{z}}
\end{aligned}$$

لکھا جا سکتا ہے۔ یوں

$$\int\limits_{\text{سامنے}} + \int\limits_{\text{پیچھے}} = \frac{\partial D_\phi}{\partial \phi}\Delta\rho\Delta\phi\Delta z$$

حاصل ہوتا ہے۔ اسی طرح

$$\int\limits_{\text{بائیں}} + \int\limits_{\text{دائیں}} = \left(D_{\rho 0} + \rho\frac{\partial D_\rho}{\partial \rho}\right)\Delta\rho\Delta\phi\Delta z$$

حاصل ہوتا ہے جسے

$$\int\limits_{\text{بائیں}} + \int\limits_{\text{دائیں}} = \frac{\partial(\rho D_\rho)}{\partial \rho}\Delta\rho\Delta\phi\Delta z$$

بھی لکھا جا سکتا ہے۔ ایسا لکھتے وقت یاد رہے کہ نقطہ $N(\rho_0, \phi_0, z_0)$ پر

$$\left.\frac{\partial(\rho D_\rho)}{\partial \rho}\right|_N = \left. D_\rho + \rho\frac{\Delta D_\rho}{\Delta \rho}\right|_N = D_{\rho 0} + \rho\frac{\partial D_\rho}{\partial \rho}$$

کے برابر ہے۔ اسی طرح

$$\int\limits_{\text{اوپر}} + \int\limits_{\text{نیچے}} = \rho\frac{\partial D_z}{\partial z}\Delta\rho\Delta\phi\Delta z$$

حاصل ہوتا ہے۔ ان تمام کو استعمال کرتے ہوئے

$$\oint\limits_S \boldsymbol{D}_S \cdot \mathrm{d}\boldsymbol{S} = \left(\frac{\partial(\rho D_\rho)}{\partial \rho} + \frac{\partial D_\phi}{\partial \phi} + \rho\frac{\partial D_z}{\partial z}\right)\Delta\rho\Delta\phi\Delta z$$

ملتا ہے۔ چھوٹی حجم $\Delta h = \rho \Delta \rho \Delta \phi \Delta z$ کے استعمال سے

$$\frac{1}{\rho}\frac{\partial(\rho D_\rho)}{\partial \rho} + \frac{1}{\rho}\frac{\partial D_\phi}{\partial \phi} + \frac{\partial D_z}{\partial z} = \lim_{\Delta h \to 0} \frac{\oint\limits_S \boldsymbol{D}_S \cdot \mathrm{d}\boldsymbol{S}}{\Delta h} \tag{3.35}$$

حاصل ہوتا ہے۔ مساوات 3.28 کا دایاں بازو پھیلاو کی تعریف بیان کرتا ہے جس کے ساتھ موازنہ کرنے سے آپ دیکھ سکتے ہیں کہ مساوات 3.35 نلکی محدد میں پھیلاو دیتا ہے۔ 922

آپ دیکھ سکتے ہیں کہ نلکی محدد میں پھیلاو کی مساوات سادہ شکل نہیں رکھتی۔ مساوات 3.29 میں دی گئی ∇ کو استعمال کرتے ہوئے نلکی محدد میں پھیلاو کی مساوات ہرگز حاصل نہیں کی جا سکتی ہے۔ اس کے باوجود نلکی محدد میں بھی پھیلاو کے عمل کو $\nabla \cdot \boldsymbol{D}$ سے ہی ظاہر کیا جا سکتا ہے جہاں اس سے مراد

$$\nabla \cdot \boldsymbol{D} = \frac{1}{\rho}\frac{\partial(\rho D_\rho)}{\partial \rho} + \frac{1}{\rho}\frac{\partial D_\phi}{\partial \phi} + \frac{\partial D_z}{\partial z} \tag{3.36}$$

لیا جاتا ہے۔ مندرجہ بالا مساوات نلکی محدد میں پھیلاو کی مساوات ہے جو کسی بھی سمتیہ کے لئے درست ہے۔ یوں سمتیہ $\boldsymbol{K}$ کے لئے اسے یوں لکھا جا سکتا ہے۔

$$\nabla \cdot \boldsymbol{K} = \frac{1}{\rho}\frac{\partial(\rho K_\rho)}{\partial \rho} + \frac{1}{\rho}\frac{\partial K_\phi}{\partial \phi} + \frac{\partial K_z}{\partial z} \tag{3.37}$$

3.10 پھیلاو کی عمومی مساوات 923

کارتیسی محدد میں چھوٹی حجم کے آمنے سامنے اطراف کا رقبہ برابر ہوتا ہے جس سے پھیلاو کی مساوات آسانی سے حاصل ہوتی ہے۔ نلکی محدد میں چھوٹی حجم کے رداسی سمت کے آمنے سامنے رقبے مختلف ہوتے ہیں جن کا خصوصی خیال رکھتے ہوئے پھیلاو کی قدر مشکل مساوات گزشتہ حصے میں حاصل کی گئی۔ اس حصے میں پھیلاو کی مساوات حاصل کرنے کا ایسا طریقہ دیکھتے ہیں جسے استعمال کرتے ہوئے پھیلاو کی عمومی مساوات حاصل کی جا سکتی ہے جو تمام محدد کے لئے کارآمد ہے۔ 926

کارتیسی محدد کے متغیرات (x, y, z) جبکہ نلکی محدد کے (ρ, ϕ, z) اور کروی محدد کے متغیرات (r, θ, ϕ) ہیں۔ اس حصے میں **عمومی محدد**[20] استعمال کیا جائے گا جس کے متغیرات (u, v, w) اور تین عمودی اکائی سمتیات $(\boldsymbol{a}_u, \boldsymbol{a}_v, \boldsymbol{a}_w)$ ہیں۔ عمومی محدد کسی بھی محدد کے لئے استعمال کیا جا سکتا ہے۔ یوں اگر اسے کارتیسی 928 محدد کے لئے استعمال کیا جا رہا ہو تب (u, v, w) سے مراد (x, y, z) ہو گا۔ 929

شکل میں عمومی محدد استعمال کرتے ہوئے چھوٹی حجم دکھائی گئی ہے۔ عمومی محدد کے تین اطراف

$$\begin{aligned}
\mathrm{d}L_1 &= k_1\,\mathrm{d}u \\
\mathrm{d}L_2 &= k_2\,\mathrm{d}v \\
\mathrm{d}L_3 &= k_3\,\mathrm{d}w
\end{aligned}$$

ہیں۔ کارتیسی محدد میں $k_1 = k_2 = k_3 = 1$ کے برابر لیا جائے گا اور یوں $\mathrm{d}L_1 = \mathrm{d}x$ کے برابر ہو گا۔ نلکی محدد میں

$$\begin{aligned}
k_1 &= 1 \\
k_2 &= \rho \\
k_3 &= 1
\end{aligned} \tag{3.38}$$

---

[20] generalized coordinates

جبکہ کروی محدد میں

$$
\begin{aligned}
k_1 &= 1 \\
k_2 &= r \\
k_3 &= r\sin\theta
\end{aligned}
\tag{3.39}
$$

کے برابر ہیں۔اسی طرح تین سمتی رقبے

$$
\begin{aligned}
&\mathrm{d}L_2\,\mathrm{d}L_3\boldsymbol{a}_u \\
&\mathrm{d}L_1\,\mathrm{d}L_3\boldsymbol{a}_v \\
&\mathrm{d}L_1\,\mathrm{d}L_2\boldsymbol{a}_w
\end{aligned}
$$

ہوں گے۔

930

گزشتہ حصوں میں چھوٹی حجم کے آمنے سامنے سطحوں پر بہاو حاصل کرتے وقت پہلے ان سطحوں پر $\boldsymbol{D}$ کی قیمت اور ان سطحوں کے رقبے حاصل کئے گئے جن کے نقطہ ضرب سے بہاو حاصل کیا گیا۔یہاں چھوٹی حجم کے وسط میں تین اکائی سمتیات کی سمت میں بہاو سے ٹیلر تسلسل کے استعمال سے حجم کے سطحوں پر بہاو حاصل کیا جائے گا۔حجم کے وسط میں تین اکائی سمتیات کے رخ میں سطحوں پر بہاو

$$
\begin{aligned}
&\mathrm{d}L_2\,\mathrm{d}L_3 D_{u0} \\
&\mathrm{d}L_1\,\mathrm{d}L_3 D_{v0} \\
&\mathrm{d}L_1\,\mathrm{d}L_2 D_{w0}
\end{aligned}
$$

ہے۔ٹیلر تسلسل سے سامنے اور پیچھے سطحوں پر ان مساوات سے

$$
\begin{aligned}
\mathrm{d}L_2\,\mathrm{d}L_3 D_{u0} + \frac{1}{2}\frac{\partial}{\partial u}\left(\mathrm{d}L_2\,\mathrm{d}L_3 D_u\right)\mathrm{d}u &\quad \text{سامنے} \\
-\mathrm{d}L_2\,\mathrm{d}L_3 D_{u0} + \frac{1}{2}\frac{\partial}{\partial u}\left(\mathrm{d}L_2\,\mathrm{d}L_3 D_u\right)\mathrm{d}u &\quad \text{پیچھے}
\end{aligned}
$$

یعنی

$$
\begin{aligned}
k_2 k_3\,\mathrm{d}v\,\mathrm{d}w D_{u0} + \frac{1}{2}\frac{\partial}{\partial u}\left(k_2 k_3 D_u\right)\mathrm{d}u\,\mathrm{d}v\,\mathrm{d}w &\quad \text{سامنے} \\
-k_2 k_3\,\mathrm{d}v\,\mathrm{d}w D_{u0} + \frac{1}{2}\frac{\partial}{\partial u}\left(k_2 k_3 D_u\right)\mathrm{d}u\,\mathrm{d}v\,\mathrm{d}w &\quad \text{پیچھے}
\end{aligned}
$$

لکھتے ہوئے دونوں سطحوں پر بہاو کا مجموعہ

$$
\frac{\partial}{\partial u}\left(k_2 k_3 D_u\right)\mathrm{d}u\,\mathrm{d}v\,\mathrm{d}w
$$

حاصل ہوتا ہے۔اسی طرح بائیں اور دائیں سطحوں پر کل

$$
\frac{\partial}{\partial v}\left(k_1 k_3 D_v\right)\mathrm{d}u\,\mathrm{d}v\,\mathrm{d}w
$$

اور اوپر، نیچے کا مجموعہ

$$
\frac{\partial}{\partial w}\left(k_1 k_2 D_w\right)\mathrm{d}u\,\mathrm{d}v\,\mathrm{d}w
$$

حاصل ہوتا ہے۔چھوٹی حجم

$$
\begin{aligned}
\mathrm{d}h &= \mathrm{d}L_1\,\mathrm{d}L_2\,\mathrm{d}L_3 \\
&= k_1 k_2 k_3\,\mathrm{d}u\,\mathrm{d}v\,\mathrm{d}w
\end{aligned}
$$

لکھتے ہوئے گاؤس کے قانون سے

$$\oint_S \boldsymbol{D}\cdot \mathrm{d}\boldsymbol{S} = \left[\frac{\partial}{\partial u}(k_2k_3D_u)+\frac{\partial}{\partial v}(k_1k_3D_v)+\frac{\partial}{\partial w}(k_1k_2D_w)\right]\mathrm{d}u\,\mathrm{d}v\,\mathrm{d}w$$

یعنی

$$\frac{1}{k_1k_2k_3}\left[\frac{\partial}{\partial u}(k_2k_3D_u)+\frac{\partial}{\partial v}(k_1k_3D_v)+\frac{\partial}{\partial w}(k_1k_2D_w)\right] = \lim_{\mathrm{d}h\to 0}\frac{\oint_S \boldsymbol{D}\cdot\mathrm{d}\boldsymbol{S}}{\mathrm{d}h}$$

حاصل ہوتا ہے۔اس مساوات کا دایاں بازو پھیلاو کی تعریف ہے۔یوں پھیلاو کی عمومی مساوات

$$\nabla\cdot\boldsymbol{D} = \frac{1}{k_1k_2k_3}\left[\frac{\partial}{\partial u}(k_2k_3D_u)+\frac{\partial}{\partial v}(k_1k_3D_v)+\frac{\partial}{\partial w}(k_1k_2D_w)\right] \tag{3.40}$$

931 حاصل ہوتی ہے۔

---

932 مثال 3.3: مساوات 3.40 سے نلکی اور کروی محدد میں پھیلاو کی مساوات حاصل کریں۔

حل: u, v, w کی جگہ ρ, ϕ, z اور مساوات 3.38 کے استعمال سے نلکی محدد میں پھیلاو

$$\begin{aligned}\nabla\cdot\boldsymbol{D} &= \frac{1}{\rho}\left[\frac{\partial}{\partial\rho}(\rho D_\rho)+\frac{\partial}{\partial\phi}(D_\phi)+\frac{\partial}{\partial z}(\rho D_z)\right]\\ &= \frac{1}{\rho}\frac{\partial}{\partial\rho}(\rho D_\rho)+\frac{1}{\rho}\frac{\partial}{\partial\phi}(D_\phi)+\frac{\partial}{\partial z}(D_z) \qquad \text{نلکی محدد میں پھیلاو کی مساوات}\end{aligned} \tag{3.41}$$

حاصل ہوتا ہے۔اسی طرح u, v, w کی جگہ r, θ, ϕ اور مساوات 3.39 کے استعمال سے کروی محدد میں پھیلاو

$$\begin{aligned}\nabla\cdot\boldsymbol{D} &= \frac{1}{r^2\sin\theta}\left[\frac{\partial}{\partial r}(r^2\sin\theta D_r)+\frac{\partial}{\partial\theta}(r\sin\theta D_\theta)+\frac{\partial}{\partial\phi}(rD_\phi)\right]\\ &= \frac{1}{r^2}\frac{\partial}{\partial r}(r^2D_r)+\frac{1}{r\sin\theta}\frac{\partial}{\partial\theta}(\sin\theta D_\theta)+\frac{1}{r\sin\theta}\frac{\partial}{\partial\phi}(D_\phi) \qquad \text{کروی محدد میں پھیلاو کی مساوات}\end{aligned} \tag{3.42}$$

933 حاصل ہوتا ہے۔

934

935

3.11 مسئلہ پھیلاو

صفحہ 77 پر مساوات 3.22 میں

$$\nabla\cdot\boldsymbol{D} = \rho_h$$



شکل 3.5: بند سطح پر سمتیہ کا عمودی حصے کا تکملہ بند حجم میں سمتیہ کے تکملہ کے برابر ہوتا ہے۔

لکھتے ہوئے

$$\oint_S \boldsymbol{D}\cdot \mathrm{d}\boldsymbol{S} = \int_h \nabla\cdot\boldsymbol{D}\,\mathrm{d}h \tag{3.43}$$

لکھا جا سکتا ہے جو مسئلہ پھیلاو[21] بیان کرتا ہے۔ اگرچہ ہم نے اس مسئلے کو برقی بہاو $\boldsymbol{D}$ کے لئے حاصل کیا حقیقت میں یہ ایک عمومی نتیجہ ہے جو کسی بھی تین درجی تکملہ کو دو درجی تکملہ اور دو درجی تکملہ کو تین درجی تکملہ میں تبدیل کرتا ہے۔ مسئلہ پھیلاو کو یوں بیان کیا جا سکتا ہے

کسی بھی بند سطح پر سمتیہ کے عمودی حصے کا تکملہ بند حجم میں اسی سمتیہ کے پھیلاو کے تکملہ کے برابر ہوتا ہے۔

مسئلہ پھیلاو کی سمجھ شکل 3.5 کی مدد سے با آسانی ممکن ہے۔ جیسے شکل میں دکھایا گیا ہے کہ کسی بھی چھوٹی حجم سے بہاو قریبی چھوٹی حجم کی منفی بہاو ثابت ہوتی ہے لہٰذا دونوں کا مجموعی بہاو حاصل کرتے ہوئے ان کے درمیانی دیوار پر بہاو رد کیا جائے گا۔ یہی سلسلہ تمام حجم پر لاگو کرتے ہوئے ظاہر ہے کہ پوری حجم سے بہاو کے حصول میں اندرونی تمام دیواروں پر بہاو کا کوئی کردار نہیں ہوتا اور صرف بیرونی سطح پر بہاو سے ہی جواب حاصل کیا جا سکتا ہے۔

مثال 3.4: نقطہ چارج کے $\boldsymbol{D}$ سے پھیلاو کی مساوات سے مختلف مقامات پر کثافت چارج ρ_h حاصل کریں۔

حل: کروی محدد کے مرکز پر نقطہ چارج کا

$$\boldsymbol{D} = \frac{Q}{4\pi r^2}\boldsymbol{a}_{\mathrm{r}}$$

ہوتا ہے۔ کروی محدد میں پھیلاو کی مساوات کے تحت

$$\nabla\cdot\boldsymbol{D} = \frac{1}{r^2}\frac{\partial}{\partial r}(r^2 D_r) + \frac{1}{r\sin\theta}\frac{\partial}{\partial\theta}(\sin\theta D_\theta) + \frac{1}{r\sin\theta}\frac{\partial}{\partial\phi}(D_\phi)$$

کے برابر ہے۔ چونکہ D_θ اور D_ϕ صفر کے برابر ہیں لہٰذا مندرجہ بالا مساوات سے

$$\nabla\cdot\boldsymbol{D} = \frac{1}{r^2}\frac{\partial}{\partial r}\left(r^2\frac{Q}{4\pi r^2}\right) = \begin{cases} 0 & r>0 \\ \infty & r=0\end{cases}$$

حاصل ہوتا ہے جس کے تحت مرکز کے علاوہ تمام خلاء میں کوئی چارج نہیں پایا جاتا۔ مرکز پر لامحدود کثافت کا چارج پایا جاتا ہے۔ یاد رہے کہ نقطہ چارج سے مراد ایسا چارج ہے جس کا حجم صفر ہو۔ ایسی صورت میں اس نقطے پر نقطہ چارج کی کثافت لامحدود ہی ہو گی۔

---

[21] divergence theorem

سوالات

سوال3.1: محدد کے مرکز پر $20\,\mathrm{nC}$ چارج پایا جاتا ہے۔اس کے علاوہ $z=0$ سطح پر $5\,\frac{\mathrm{nC}}{\mathrm{m}}$ کے لکیری چارج $y=-1$ اور $y=-3$ پر پائے جاتے ہیں۔نقطہ $(0,-2,0)$ پر $\boldsymbol{D}$ حاصل کریں۔ $(0,1,0)$ پر رداس $r=1.5$ کے کرہ کی سطح پر کل برقی بہاو حاصل کریں۔

جوابات: $-\frac{5}{4\pi}\boldsymbol{a}_{\mathrm{y}}\,\frac{\mathrm{C}}{\mathrm{m}^2}$ ، $20\,\mathrm{nC}$

سوال3.2: رداس $\rho=10\,\mathrm{cm}$ کے نلکی سطح کے $z>0$ حصے پر سطحی کثافت چارج $\rho_S=2ze^{-z^2}\,\frac{\mathrm{nC}}{\mathrm{m}^2}$ پائی جاتی ہے۔ سطح پر کل چارج دریافت کریں۔اس سطح سے $z=1$ تا $z=2$ زاویہ $\phi=45^\circ$ تا $\phi=75^\circ$ کتنی برقی بہاو خارج ہوتی ہے۔

جوابات: $0.2\pi\,\mathrm{nC}$ ، $18.3\,\mathrm{pC}$

سوال3.3: رداس $\rho=2$ ، $\rho=4$ اور $\rho=5$ پر بالترتیب سطحی کثافت چارج $-3\,\frac{\mathrm{nC}}{\mathrm{m}^2}$ ، $1.5\,\frac{\mathrm{nC}}{\mathrm{m}^2}$ اور $0.25\,\frac{\mathrm{nC}}{\mathrm{m}^2}$ پائی جاتی ہے۔ $z=3$ تا $z=6$ پر رداس $\rho=4.5$ نلکی سطح سے کل کتنی برقی بہاو ہوتی ہے۔ $z=3$ تا $z=6$ پر رداس $\rho=6$ نلکی سطح سے کل کتنی برقی بہاو ہوتی ہے۔نقطہ $(6,8,2)$ پر $\boldsymbol{D}$ حاصل کریں۔

$0\,\mathrm{C}$ ، $28.27\,\mathrm{nC}$ ، $\boldsymbol{D}=0.09\boldsymbol{a}_{\mathrm{x}}+0.15\boldsymbol{a}_{\mathrm{y}}\,\frac{\mathrm{nC}}{\mathrm{m}^2}$

سوال3.4: بند خطہ $0\le x\le 2,\ 0\le y\le 2,\ 0\le z\le 2$ میں $\boldsymbol{D}=xy^2\boldsymbol{a}_{\mathrm{x}}+xyz\boldsymbol{a}_{\mathrm{y}}+z(x+y)\boldsymbol{a}_{\mathrm{z}}\,\frac{\mathrm{\mu C}}{\mathrm{m}^2}$ ہے۔اس خطے سے کل برقی بہاو کتنی ہے۔

$28\,\mathrm{\mu C}$

سوال3.5: محدد z پر لکیری کثافت چارج $50\,\frac{\mathrm{nC}}{\mathrm{m}}$ پایا جاتا ہے۔محدد کے مرکز پر رداس $r=5\,\mathrm{m}$ کی کرہ سے خارج کل برقی بہاو حاصل کریں۔اگر کرہ کے مرکز کو نقطہ $(0,2,2)$ منتقل کیا جائے تب جواب کیا ہو گا۔

جوابات: $500\,\mathrm{nC}$ ، $458\,\mathrm{nC}$

سوال3.6: رداس $r=1.1\,\mathrm{m}$ کی کرہ کے اندر حجمی کثافت چارج $\rho_h=30e^{-r^3}\,\mathrm{nC/m^3}$ پائی جاتی ہے۔کرہ کے اندر کل چارج حاصل کریں۔گاؤس کے قانون سے کرہ کی سطح پر برقی بہاو کی کثافت حاصل کریں۔

جوابات: $92.46\,\mathrm{nC}$ ، $6.08\,\frac{\mathrm{nC}}{\mathrm{m}^2}$

سوال3.7: نلکی محدد میں کثافت برقی بہاو $\boldsymbol{D}=\frac{\rho\boldsymbol{a}_\rho+z\boldsymbol{a}_{\mathrm{z}}}{4\pi(\rho^2+z^2)^{3/2}}$ دیا گیا ہے۔لا محدود لمبائی کی نلکی جس کا رداس $\rho=5$ ہے سے کل کتنی برقی بہاو خارج ہو گی۔

جواب: $1\,\mathrm{C}$

سوال3.8: مرکز پر رداس 5 ، 9 اور 14 کے کرہ پر بالترتیب سطحی کثافت چارج $20\,\frac{\mathrm{\mu C}}{\mathrm{m}^2}$ ، $-8\,\frac{\mathrm{\mu C}}{\mathrm{m}^2}$ اور $\rho_S\,\frac{\mathrm{C}}{\mathrm{m}^2}$ پائے جاتے ہیں۔نقطہ $(20,0,0)$ پر صفر $\boldsymbol{D}$ حاصل کرنے کے لئے ρ_S دریافت کریں۔تمام خطوں میں D کی مساوات حاصل کریں۔

جوابات: $0.7551\,\frac{\mu\mathrm{C}}{\mathrm{m}^2}$ ، $r<5$ پر $D_r=0$ ہے، $5<r<9$ پر $D_r=\frac{500}{r^2}\,\frac{\mu\mathrm{C}}{\mathrm{m}^2}$ ہے، $9<r<14$ پر $D_r=-\frac{148}{r^2}\,\frac{\mathrm{C}}{\mathrm{m}^2}$ ہے جبکہ $r>14$ پر $D_r=0$ ہے۔

سوال 3.9: لامحدود سطح $z=4$ پر $\rho_S=2\,\frac{\mathrm{nC}}{\mathrm{m}^2}$ سطحی کثافت پائی جاتی ہے۔ محدد کے مرکز پر $r=5$ رداس کا کرہ رکھا جاتا ہے۔ کرہ کتنے چارج کو گھیرے گا۔ کرے سے کتنی برقی بہاو خارج ہو گی۔

جوابات: $56.549\,\mathrm{nC}$ ، $56.549\,\mathrm{nC}$

سوال 3.10: محدد کے مرکز پر $r=5$ رداس کا کرہ جبکہ $z=4$ پر لامحدود سطح پائی جاتی ہے۔ لامحدود سطح کے بالائی جانب کرہ کے اندر حجمی کثافت چارج $\rho_h=25\,\mathrm{nC/m^3}$ پائی جاتی ہے۔ کرہ سے کل خارج برقی بہاو حاصل کریں۔

جواب: $1.1812\,\mu\mathrm{C}$

سوال 3.11: خطہ $\rho<3\,\mathrm{mm}$ میں حجمی کثافت چارج $\rho_h=\frac{\rho^2}{1000}\,\mathrm{C/m^3}$ جبکہ خطہ $3\,\mathrm{mm}<\rho<5\,\mathrm{mm}$ میں $\rho_h=2\,\mu\mathrm{C/m^3}$ پائی جاتی ہے۔ موزوں گاوسی سطحیں چنتے ہوئے رداس $\rho=0$ ، $\rho=2\,\mathrm{mm}$ ، $\rho=4\,\mathrm{mm}$ اور $6\,\mathrm{mm}$ پر D_ρ حاصل کریں۔

جوابات: $0\,\frac{\mathrm{C}}{\mathrm{m}^2}$ ، $2\,\frac{\mathrm{pC}}{\mathrm{m}^2}$ ، $1.756\,\frac{\mathrm{nC}}{\mathrm{m}^2}$ ، $2.67\,\frac{\mathrm{nC}}{\mathrm{m}^2}$

سوال 3.12: خطہ $r<3\,\mathrm{mm}$ میں $\rho_h=22\,\mu\mathrm{C/m^3}$ جبکہ $5\,\mathrm{mm}<r<7\,\mathrm{mm}$ خطے میں $\rho_h=\frac{55}{r}\,\mathrm{nC/m^3}$ حجمی کثافت چارج پایا جاتا ہے۔ موزوں گاوسی سطحیں چنتے ہوئے $r=5\,\mathrm{mm}$ اور $r=10\,\mathrm{mm}$ پر D_r دریافت کریں۔

جوابات: $22\,\frac{\mathrm{nC}}{\mathrm{m}^2}$ ، $8.58\,\frac{\mathrm{nC}}{\mathrm{m}^2}$

سوال 3.13: تفاعل $\boldsymbol{D}=2x^2\boldsymbol{a}_\mathrm{X}+(x+z)\boldsymbol{a}_\mathrm{Y}+z\boldsymbol{a}_\mathrm{Z}$ مکعب $0<x,y,z,<a$ میں پایا جاتا ہے۔ تفاعل کی پھیلاو $\nabla\cdot\boldsymbol{D}$ حاصل کریں۔ مکعب کے تمام سطحوں پر تفاعل کے سطحی تکمل کا مجموعہ حاصل کرتے ہوئے مکعب میں کل چارج حاصل کریں۔ یہی جواب مسئلہ پھیلاو کی مدد سے حاصل کریں۔

جوابات: $\nabla\cdot\boldsymbol{D}=4x+1$ ، $2a^4+a^3$

سوال 3.14: مکعب $2<x,y,z<5$ میں $\boldsymbol{G}=\frac{5x^2y}{z}\boldsymbol{a}_\mathrm{Y}$ ہے۔ مسئلہ پھیلاو کے دونوں اطراف کو مکعب کے لئے حل کریں۔

جواب: 536.03

سوال 3.15: مندرجہ ذیل تفاعل کے پھیلاو حاصل کرتے ہوئے پھیلاو کی قیمت نقطہ $N(3,4,6)$ پر حاصل کریں۔

$$\boldsymbol{D}=10(xy-\frac{y}{\sqrt{z}})\boldsymbol{a}_\mathrm{X}+y^2(x+2)\boldsymbol{a}_\mathrm{Y}-(6z^2+3x^2y)\boldsymbol{a}_\mathrm{Z}$$

$$\boldsymbol{D}=8\rho\sin\phi\boldsymbol{a}_\rho+4\rho\cos\phi\boldsymbol{a}_\phi+z^2\boldsymbol{a}_\mathrm{Z}$$

$$\boldsymbol{D}=2r\sin\theta\cos\phi\boldsymbol{a}_\mathrm{r}+r\cos\theta\cos\phi\boldsymbol{a}_\theta+r\cos\phi\boldsymbol{a}_\phi$$

جوابات: $10y+2y(x+2)-12z$ ، $12\sin\phi$ ، $6\sin\theta\sin\phi+\frac{\cos2\theta\sin\phi}{\sin\theta}-\frac{\sin\phi}{\sin\theta}$ ، 80 ، 9.6 ، 2.0486

سوال3.16: مندرجہ ذیل تفاعل کی پھیلاو نقطہ $N(3,5-2)$ پر حاصل کریں۔

$$
\begin{aligned}
\boldsymbol{D} &= (x+yz)(3x\boldsymbol{a}_{\mathrm{X}}-5z\boldsymbol{a}_{\mathrm{y}}+2y^2z\boldsymbol{a}_{\mathrm{Z}})\\
\boldsymbol{D} &= \frac{x\boldsymbol{a}_{\mathrm{X}}+y\boldsymbol{a}_{\mathrm{y}}+z\boldsymbol{a}_{\mathrm{Z}}}{\sqrt{x^2+y^2+z^2}}\\
\boldsymbol{D} &= 0.24\boldsymbol{a}_{\mathrm{X}}-0.55\boldsymbol{a}_{\mathrm{y}}+0.12\boldsymbol{a}_{\mathrm{Z}}\\
\boldsymbol{D} &= x^2yz^3(2\boldsymbol{a}_{\mathrm{X}}-3\boldsymbol{a}_{\mathrm{y}}+\boldsymbol{a}_{\mathrm{Z}})
\end{aligned}
$$

جوابات: -882، 0.324، 0، 276

سوال3.17: مندرجہ ذیل تفاعل کی پھیلاو نقطہ $N(3,45^\circ,30^\circ)$ پر حاصل کریں۔

$$
\begin{aligned}
\boldsymbol{D} &= (2r\sin\theta\cos\phi+\cos\theta)\boldsymbol{a}_{\mathrm{r}}+(r\cos\theta\cos\phi-\sin\theta)\boldsymbol{a}_{\theta}-r\sin\phi\boldsymbol{a}_{\phi}\\
\boldsymbol{D} &= \sin^2\theta\sin\phi\boldsymbol{a}_{\mathrm{r}}+\sin 2\theta\sin\phi\boldsymbol{a}_{\theta}+\sin\theta\cos\phi\boldsymbol{a}_{\phi}\\
\boldsymbol{D} &= 0.2\boldsymbol{a}_{\mathrm{r}}-0.15\boldsymbol{a}_{\theta}+0.23\boldsymbol{a}_{\phi}\\
\boldsymbol{D} &= 0.2r^3\phi\sin^2\theta(\boldsymbol{a}_{\mathrm{r}}+\boldsymbol{a}_{\theta}+\boldsymbol{a}_{\phi})
\end{aligned}
$$

جوابات: 4.899، 0.1667، 0، 5.043

سوال3.18: کارتیسی محدد کے مرکز $(0,0,0)$ پر نقطہ چارج Q سے پیدا $\boldsymbol{D}$ کی عمومی مساوات کارتیسی اور کروی محدد میں حاصل کرتے ہوئے $\boldsymbol{D}$ کی پھیلاو نقطہ $(0,0,0)$ سے ہٹ کر حاصل کریں۔ محدد کے مرکز پر پھیلاو کی قیمت بھی دریافت کریں۔

جوابات: $0\,\frac{\mathrm{C}}{\mathrm{m}^2}$، $0\,\frac{\mathrm{C}}{\mathrm{m}^2}$، $\infty\,\frac{\mathrm{C}}{\mathrm{m}^2}$

سوال3.19: z محدد پر لکیری کثافت چارج ρ_L پائی جاتی ہے۔ ثابت کریں کہ اس محدد سے ہٹ کر تمام خلاء میں $\nabla\cdot\boldsymbol{D}=0$ کے برابر ہے۔ اگر لکیری چارج کی جگہ حجمی کثافت چارج ρ_h خطہ $0<\rho<a$ میں پائی جائے تب پوری خلاء میں $\nabla\cdot\boldsymbol{D}$ کی قیمت کیا ہو گی۔

جوابات: خطہ $0<\rho<a$ میں $\nabla\cdot\boldsymbol{D}=\rho_h$ ہو گا جبکہ بقایا خلاء میں $\nabla\cdot\boldsymbol{D}=0$ ہو گا۔

سوال3.20: اگر $\boldsymbol{D}=2x^2\boldsymbol{a}_{\mathrm{X}}+x(z-22)\boldsymbol{a}_{\mathrm{y}}+x^2y^3\boldsymbol{a}_{\mathrm{Z}}$ ہو تب حجمی کثافت چارج کی مساوات کیا ہو گی۔ مکعب $0<x,y,z<2$ میں کل چارج کتنا ہو گا۔

جوابات: $\rho_h=4x$، $32\,\mathrm{C}$

سوال3.21: نلکی $\rho<3\,\mathrm{m}$ میں $\boldsymbol{D}=3\rho\boldsymbol{a}_{\rho}\,\frac{\mathrm{C}}{\mathrm{m}^2}$ ہے۔ نقطہ $(1.5,45^\circ,3)$ پر حجمی کثافت چارج اور کثافت برقی بہاو حاصل کریں۔ نلکی $\rho=2.5$، $0<z<2$ سے کل کتنی برقی بہاو کا اخراج ہوتا ہے اور اس نلکی میں کل کتنا چارج پایا جاتا ہے۔

جوابات: $6\,\mathrm{C/m^3}$، $4.5\,\frac{\mathrm{C}}{\mathrm{m}^2}$، $235.62\,\mathrm{C}$، $235.62\mathrm{C}$

سوال3.22: کرہ $r<4\,\mathrm{m}$ میں کثافت برقی بہاو $3r\boldsymbol{a}_{\mathrm{r}}$ ہے۔ نقطہ $(3,30^\circ,70^\circ)$ پر حجمی کثافت چارج اور کثافت برقی بہاو کیا ہوں گے؟ کرہ $r=3\,\mathrm{m}$ سے کل کتنی برقی بہاو کا اخراج ہو گا اور اس کرہ میں کل کتنا چارج پایا جائے گا؟

جوابات: $9\,\mathrm{C/m^3}$، $9\,\frac{\mathrm{C}}{\mathrm{m}^2}$، $1017.9\,\mathrm{C}$، $1017.9\,\mathrm{C}$

سوال 3.23: خطہ $0 \le x \le 1$ ، $0 \le y \le 1$ ، $0 \le z \le 1$ میں $\boldsymbol{G} = (4x - x^2)\boldsymbol{a}_{\mathrm{X}} - 3y^2z^2\boldsymbol{a}_{\mathrm{y}} - (2y^3z^2 - z)\boldsymbol{a}_{\mathrm{Z}}$ پر مسئلہ پھیلاو کے دونوں اطراف کے تکمل حاصل کرتے ہوئے ثابت کریں کہ دونوں جوابات برابر ہیں۔

جوابات: 2.5 ، 2.5

سوال 3.24: خطہ $2 \le r \le 5$ ، $0 \le \theta \le \frac{\pi}{4}$ ، $0 \le \phi \le 2\pi$ میں $\boldsymbol{D} = \frac{0.1}{r}\cos\theta\,\boldsymbol{a}_\theta$ پایا جاتا ہو۔ اس خطے میں کل چارج مسئلہ پھیلاو کے دونوں اطراف کی مدد سے حاصل کریں۔

جوابات: 0.942 C ، 0.942 C

1016 # باب 4

1017 # توانائی اور برقی دباو

1018 ## 4.1 توانائی اور کام

قوت F کی سمت میں فاصلہ $\mathrm{d}L$ طے کرنے سے

$$\mathrm{d}W = F\,\mathrm{d}L$$

کام کیا جاتا ہے۔ اگر قوت اور طے کردہ فاصلہ ایک ہی سمت میں نہ ہوں تب قوت کا وہ حصہ جو طے کردہ فاصلے کی سمت میں ہو اور طے شدہ فاصلے کے حاصل ضرب کو کام[1] کہتے ہیں۔ شکل 4.1 کو دیکھتے ہوئے سمتیات کے استعمال سے

$$\begin{aligned}\mathrm{d}W &= F\cos\alpha\,\mathrm{d}L\\ &= \boldsymbol{F}\cdot\mathrm{d}\boldsymbol{L}\end{aligned}$$

1019 لکھا جا سکتا ہے جہاں $F\cos\alpha\,\mathrm{d}L$ کو نقطہ ضرب کی مدد سے $\boldsymbol{F}\cdot\mathrm{d}\boldsymbol{L}$ لکھا گیا ہے۔

زمین اور کمیت m کے درمیان قوت ثقل $\boldsymbol{F}_G = -\frac{GMm}{r^2}\boldsymbol{a}_\mathrm{r}$ پایا جاتا ہے[2] جس میں $g = \frac{GM}{r^2}$ لکھتے ہوئے $\boldsymbol{F}_G = -mg\boldsymbol{a}_\mathrm{r}$ لکھا جا سکتا ہے۔ کام کرتے ہوئے کمیت کو $\Delta h\boldsymbol{a}_\mathrm{r}$ اونچائی پر منتقل کرنے کی خاطر قوت ثقل کے خلاف

$$\boldsymbol{F}_{\text{لاگو}} = -\boldsymbol{F}_G$$

لاگو کرتے ہوئے

$$\Delta W = \boldsymbol{F}_{\text{لاگو}}\cdot\Delta h\boldsymbol{a}_\mathrm{r} = mg\Delta h$$

---

[1] work

[2] $\boldsymbol{a}_\mathrm{r}$ اکائی سمتیہ ہے۔



شکل 4.1: طے فاصلہ اور فاصلے کی سمت میں قوت کا حاصل ضرب کام کہلاتا ہے

توانائی درکار ہو گی۔کام کرنے کے لئے درکار توانائی کمیت میں منتقل ہو جاتی ہے جسے مخفی توانائی[3] کہتے ہیں۔اگر Δh کی قیمت r کی نسبت سے بہت کم نہ ہو تب g کو مستقل تصور کرنا ممکن نہ ہو گا اور مخفی توانائی تکملہ کے ذریعہ حاصل کی جائے گی۔

$$W = -\int_{\text{ابتدا}}^{\text{اختتام}} \boldsymbol{F}_G \cdot \mathrm{d}\boldsymbol{r} = \int_{\text{ابتدا}}^{\text{اختتام}} \frac{GMm}{r^2} dr$$

ثقلی میدان میں کمیت کو ابتدائی نقطے سے اختتامی نقطے تک پہنچاتے ہوئے کوئی بھی راستہ اختیار کیا جا سکتا ہے۔اختیار کردہ راستے کا مخفی توانائی پر کسی قسم کا کوئی اثر نہیں ہوتا۔ایسے میدان جن میں دو نقطوں کے مابین مخففی توانائی کا دارومدار، ابتدائی نقطے سے اختتامی نقطے تک پہنچنے کے راستے، پر نہیں ہوتا قائم میدان[4] کہلاتے ہیں۔

برقی میدان میں چارجوں کے حرکت کے مسئلے کو بھی اسی طرح حل کیا جاتا ہے۔برقی میدان E میں چارج q پر قوت $\boldsymbol{F}_E = q\boldsymbol{E}$ عمل کرتا ہے۔چارج کو فاصلہ $\mathrm{d}\boldsymbol{L}$ ہلانے کی خاطر اس قوت کے خلاف بیرونی

$$\boldsymbol{F}_{\text{لاگو}} = -\boldsymbol{F}_E$$

قوت لاگو کرتے ہوئے

$$\mathrm{d}W = -q\boldsymbol{E} \cdot \mathrm{d}\boldsymbol{L} \tag{4.1}$$

کام[5] کیا جاتا ہے۔کسی بھی ابتدائی نقطے سے اختتامی نقطے تک یوں

$$W = -q \int_{\text{ابتدا}}^{\text{اختتام}} \boldsymbol{E} \cdot \mathrm{d}\boldsymbol{L} \tag{4.2}$$

1022 توانائی درکار ہو گی۔

1023 4.2 لکیری تکملہ

مساوات 4.2 لکیری تکملہ ہے جس پر مزید غور کرتے ہیں۔شکل 4.2 میں یکساں[6] اور وقت کے ساتھ نہ تبدیل ہونے والے میدان $\boldsymbol{E}$ میں نقطہ O سے نقطہ N تک چارج کی منتقلی دکھائی گئی ہے۔یکساں میدان سے مراد ایسا میدان ہے جس میں $\boldsymbol{E}$ کی قیمت جگہ جگہ تبدیل نہیں ہوتی بلکہ اس کی قیمت ہر جگہ یکساں ہوتی ہے۔اسی طرح وقت کے ساتھ تبدیل ہوتے میدان کو وقت کے ساتھ تغیر پذیر میدان کہا جائے گا۔یکساں میدان وقت کے ساتھ غیر تغیر پذیر میدان ہے۔ 1026

شکل 4.2 میں پورے راستے کو چھوٹے چھوٹے ٹکڑے $\Delta\boldsymbol{L}_1$، $\Delta\boldsymbol{L}_2$، . . . میں تقسیم کرتے ہوئے ایک ایک ٹکڑے پر حرکت کے لئے درکار توانائی مساوات 4.1 کی مدد سے حاصل کی جا سکتی ہے۔یوں $\Delta\boldsymbol{L}_1$ کے ابتدائی نقطے سے اختتامی نقطے تک چارج q منتقل کرنے کی خاطر $\Delta W = -q\boldsymbol{E} \cdot \Delta\boldsymbol{L}_1$ توانائی درکار ہو گی۔یہی عمل راستے کے بقایا ٹکڑوں پر بھی لاگو کرتے ہوئے کل درکار توانائی

$$\begin{aligned} W &= -q\boldsymbol{E} \cdot \Delta\boldsymbol{L}_1 - q\boldsymbol{E} \cdot \Delta\boldsymbol{L}_2 - q\boldsymbol{E} \cdot \Delta\boldsymbol{L}_3 - q\boldsymbol{E} \cdot \Delta\boldsymbol{L}_4 - q\boldsymbol{E} \cdot \Delta\boldsymbol{L}_5 \\ &= -q\boldsymbol{E} \cdot (\Delta\boldsymbol{L}_1 + \Delta\boldsymbol{L}_2 + \Delta\boldsymbol{L}_3 + \Delta\boldsymbol{L}_4 + \Delta\boldsymbol{L}_5) \end{aligned} \tag{4.3}$$

لکھی جا سکتی ہے۔قوسین میں بند $\Delta\boldsymbol{L}_1 + \Delta\boldsymbol{L}_2 + \Delta\boldsymbol{L}_3 + \Delta\boldsymbol{L}_4 + \Delta\boldsymbol{L}_5$ در حقیقت نقطہ O سے N تک کا کل سمتی راستہ $\boldsymbol{L}_{ON}$ ہے۔یوں مندرجہ بالا مساوات کو

$$W = -q\boldsymbol{E} \cdot \boldsymbol{L}_{ON} \tag{4.4}$$

---

potential energy[3]
conservative field[4]
work[5]
uniform[6]



شکل 4.2: تکملہ دراصل چھوٹے حصوں کا مجموعہ ہوتا ہے۔

شکل 4.3: چارج منتقل کرنے کے دو راستے۔

لکھا جا سکتا ہے۔ اگر شکل 4.2 میں منتقلی کے راستے کے نہایت چھوٹے چھوٹے ٹکڑے $\mathrm{d}\boldsymbol{L}$ بنائے جائیں تو مساوات 4.3 کو تکمل کی شکل میں یوں لکھا جا سکتا ہے۔

$$W = \int_O^N -q\boldsymbol{E}\cdot\mathrm{d}\boldsymbol{L} \tag{4.5}$$

چونکہ q اور $\boldsymbol{E}$ کی قیمتیں مستقل ہیں لہٰذا انہیں تکمل کے باہر لکھا جا سکتا ہے۔ ایسا کرتے ہوئے

$$\begin{aligned} W &= -q\boldsymbol{E}\cdot\int_O^N \mathrm{d}\boldsymbol{L} \\ &= -q\boldsymbol{E}\cdot\boldsymbol{L}_{ON} \end{aligned} \tag{4.6}$$

حاصل ہوتا ہے۔ اس جواب سے ہم دیکھتے ہیں کہ درکار توانائی کا دارومدار q، $\boldsymbol{E}$ اور $\boldsymbol{L}_{ON}$ پر ہے جہاں $\boldsymbol{L}_{ON}$ نقطہ O سے نقطہ N تک سیدھی کھینچی لکیر ہے۔ درکار توانائی کا اس سے کسی قسم کا کوئی تعلق نہیں کہ ابتدائی نقطے سے اختتامی نقطے جاتے ہوئے کون سا راستہ اختیار کیا گیا۔ جیسا کہ پہلے ذکر کیا گیا، ایسے میدان کو قدامت پسند میدان کہتے ہیں۔ ہم جلد دیکھیں گے کہ غیر یکساں برقی میدان بھی قدامت پسند میدان ہوتا ہے البتہ تغیر پذیر برقی میدان غیر قدامت پسند ہو سکتا ہے۔

مثال 4.1: غیر یکساں، غیر تغیر پذیر میدان

$$\boldsymbol{E} = (y+z)\boldsymbol{a}_{\mathrm{x}} + (x+z)\boldsymbol{a}_{\mathrm{y}} + (x+y)\boldsymbol{a}_{\mathrm{z}} \quad \frac{\mathrm{V}}{\mathrm{m}}$$

میں $N_1(1,0,2)$ سے $N_2(0,1,2)$ تک سیدھی لکیر پر $0.1\,\mathrm{C}$ کا چارج منتقل کرنے کے لئے درکار توانائی حاصل کریں۔

حل: شکل 4.3 میں چارج منتقل کرنے کا سیدھا راستہ دکھایا گیا ہے۔ پہلے اس سیدھی لکیر کا مساوات حاصل کرتے ہیں۔ اس لکیر کا ڈھلوان[7]

$$\text{ڈھلوان} = m = \frac{y_2-y_1}{x_2-x_1} = \frac{1-0}{0-1} = -1$$

---

[7] slope

ہے لہٰذا سیدھی لکیر کی مساوات $y = mx + c$ میں نقطہ N_1 پُر کرتے ہوئے $0 = -1 \times 1 + c$ سے $c = 1$ حاصل ہوتا ہے۔یوں لکیر کی مساوات

$$y = -x + 1 \tag{4.7}$$

ہے۔کارتیسی محدد میں کسی بھی راستے پر حرکت کرتے ہوئے مساوات 1.3 کے مطابق

$$\mathrm{d}\boldsymbol{L} = \mathrm{d}x\boldsymbol{a}_{\mathrm{X}} + \mathrm{d}y\boldsymbol{a}_{\mathrm{Y}} + \mathrm{d}z\boldsymbol{a}_{\mathrm{Z}} \tag{4.8}$$

لکھا جاتا ہے۔یوں مساوات 4.2 سے حاصل ہو گا۔

$$\begin{aligned}
W &= -q\int_{\text{ابتدا}}^{\text{اختتام}} \boldsymbol{E}\cdot\mathrm{d}\boldsymbol{L}\\
&= -0.1\int_{N_1}^{N_2}\Big[(y+z)\boldsymbol{a}_{\mathrm{X}} + (x+z)\boldsymbol{a}_{\mathrm{Y}} + (x+y)\boldsymbol{a}_{\mathrm{Z}}\Big]\cdot(\mathrm{d}x\boldsymbol{a}_{\mathrm{X}} + \mathrm{d}y\boldsymbol{a}_{\mathrm{Y}} + \mathrm{d}z\boldsymbol{a}_{\mathrm{Z}})\\
&= -0.1\int_1^0 (y+z)\,\mathrm{d}x - 0.1\int_0^1 (x+z)\,\mathrm{d}y - 0.1\int_2^2 (x+y)\,\mathrm{d}z
\end{aligned}$$

آخری قدم پر تکمل کو تین حصوں میں لکھا گیا ہے جہاں پہلے حصے میں تکمل کو x کے ساتھ حاصل کیا گیا ہے جبکہ دوسرے حصے میں تکمل کو y کے ساتھ اور آخری حصے میں اسے z کے ساتھ حاصل کیا گیا ہے۔پہلے حصے میں $(y+z)$ کا تکمل x کے ساتھ ہے لہٰذا $(y+z)$ کو x کی صورت میں لکھنا ہو گا۔ منتقلی کے راستے پر $z = 2$ ہے جبکہ مساوات 4.7 میں y کو x کی صورت میں لکھا گیا ہے۔یوں پہلا تکمل

$$\begin{aligned}
-0.1\int_1^0 [y+z]\,\mathrm{d}x &= -0.1\int_1^0 [(-x+1)+2]\,\mathrm{d}x\\
&= -0.1\left(\frac{-x^2}{2} + 3x\right)\Bigg|_1^0\\
&= 0.25\,\mathrm{J}
\end{aligned}$$

یعنی جاول کے ایک چوتھائی کے برابر حاصل ہوتا ہے۔دوسرا تکمل y کے ساتھ ہے لہٰذا تمام متغیرات y کی صورت میں لکھنے ہوں گے۔سیدھی لکیر کے مساوات سے $x = -y + 1$ لکھا جا سکتا ہے جبکہ پورے راستے پر $z = 2$ کے برابر ہے لہٰذا

$$\begin{aligned}
-0.1\int_0^1 [x+z]\,\mathrm{d}y &= -0.1\int_0^1 [(-y+1)+2]\,\mathrm{d}y\\
&= -0.1\left(\frac{-y^2}{2} + 3y\right)\Bigg|_0^1\\
&= -0.25\,\mathrm{J}
\end{aligned}$$

ہو گا۔تیسرے تکمل میں ابتدائی اور اختتامی نقطے ایک ہی ہیں لہٰذا یہ تکمل صفر کے برابر ہے۔

$$-0.1\int_2^2 (x+y)\,\mathrm{d}z = 0\,\mathrm{J}$$

اس طرح کل درکار توانائی تینوں جوابات کا مجموعہ یعنی $0\,\mathrm{J}$ ہو گی۔مثبت جواب کا مطلب یہ ہے کہ چارج کو منتقل کرنے کی خاطر بیرونی لاگو قوت توانائی فراہم کرے گی۔

1036 مثال 4.2: گزشتہ مثال میں سیدھی لکیر پر چارج منتقل کرنے کے لئے درکار توانائی حاصل کرنے کو کہا گیا۔ اس مثال میں شکل 4.3 میں بائیں جانب گول دائرے
1037 کے راستے $(1,0,2)$ سے $(0,1,2)$ تک $\boldsymbol{E} = (y+z)\boldsymbol{a}_{\mathrm{X}} + (x+z)\boldsymbol{a}_{\mathrm{y}} + (x+y)\boldsymbol{a}_{\mathrm{z}}\ \frac{\mathrm{V}}{\mathrm{m}}$ میدان میں $0.1\,\mathrm{C}$ کے چارج کو منتقل کرنے کی خاطر
1038 درکار توانائی حاصل کریں۔ گول دائرے کا راستہ $z = 2$ سطح پر پایا جاتا ہے۔

حل: اکائی رداس کے گول دائرے کی مساوات $x^2 + y^2 = 1^2$ ہے۔ یوں مساوات 4.2 سے حاصل تین تکملوں

$$W = -0.1\int_1^0 (y+z)\,\mathrm{d}x - 0.1\int_0^1 (x+z)\,\mathrm{d}y - 0.1\int_2^2 (x+y)\,\mathrm{d}z$$

میں پہلی تکمل میں $z = 2$ اور $y = \sqrt{1-x^2}$ پُر کرنا ہو گا۔ یاد رہے کہ ربع اول[8] میں x اور y دونوں کی قیمتیں مثبت ہوتی ہیں۔ اس طرح کے تکمل حل کرتے وقت ربع کو مد نظر رکھنا ضروری ہے۔

$$\begin{aligned}
-0.1\int_1^0 (y+z)\,\mathrm{d}x &= -0.1\int_1^0 (\sqrt{1-x^2}+2)\,\mathrm{d}x \\
&= -0.1\left(\frac{\sin^{-1}x}{2} + \frac{x\sqrt{1-x^2}}{2} + 2x\right)\Bigg|_1^0 \\
&= -0.025\pi - 0.2
\end{aligned}$$

جاول، دوسرے تکمل میں $z = 2$ ہی رہے گا جبکہ $x = \mp\sqrt{1-y^2}$ میں سے $x = \sqrt{1-y^2}$ کا استعمال ہو گا۔ یوں

$$\begin{aligned}
-0.1\int_0^1 (x+z)\,\mathrm{d}y &= -0.1\int_0^1 (\sqrt{1-y^2}+2)\,\mathrm{d}y \\
&= -0.1\left(\frac{\sin^{-1}y}{2} + \frac{y\sqrt{1-y^2}}{2} + 2x\right)\Bigg|_0^1 \\
&= 0.025\pi + 0.2
\end{aligned}$$

جاول حاصل ہوتا ہے۔ تیسرے تکمل میں ابتدائی اور اختتامی نقطے ایک ہی ہیں لہٰذا یہ تکمل صفر کے برابر ہے۔

$$-0.1\int_2^2 (x+y)\,\mathrm{d}z = 0\,\mathrm{J}$$

1039 کل توانائی ان تین جوابات کا مجموعہ یعنی $0\,\mathrm{J}$ ہو گا۔

1040

1041

1042 مشق 4.1: گزشتہ دو مثالوں میں ابتدائی نقطہ $(1,0,2)$ اور اختتامی نقطہ $(\frac{1}{\sqrt{2}}, \frac{1}{\sqrt{2}}, 2)$ تصور کرتے ہوئے دوبارہ حل کریں۔

1043 جوابات: $-0.1328\,\mathrm{J}$، $-0.1328\,\mathrm{J}$

1044

[8] first quadrant



شکل 4.4: نقطہ چارج کے گرد صرف θ تبدیل کرتے ہوئے حرکت کا راستہ

محدد کے مرکز پر موجود نقطہ چارج Q کا میدان ہم حاصل کر چکے ہیں جسے یہاں دوبارہ پیش کرتے ہیں۔

$$\boldsymbol{E}=\frac{Q}{4\pi\epsilon_0 r^2}\boldsymbol{a}_{\mathrm{r}} \tag{4.9}$$

1045 آئیں دیکھیں کہ رداس تبدیل کئے بغیر اس میدان میں چارج q کو حرکت دیتے ہوئے کتنی توانائی درکار ہو گی۔ چونکہ میدان رداس کی سمت میں ہے اور رداس تبدیل
1046 کئے بغیر حرکت صرف اُس صورت ممکن ہے کہ ہم $\boldsymbol{a}_{\mathrm{r}}$ یعنی $\boldsymbol{E}$ کے عمود میں سفر کریں۔ ایسی صورت میں چارج پر میدان سے رونما ہونے والی قوت اور طے فاصلہ
1047 عمودی ہوں گے لہٰذا درکار توانائی صفر کے برابر ہو گی۔ آئیں تکمل کے ذریعہ یہی جواب حاصل کریں۔

تصور کریں کہ $r=r_0$ اور $\phi=\phi_0$ رکھتے ہوئے ہم θ کو θ_1 تا θ_2 ریڈیئن تبدیل کرتے ہوئے چارج کو نقطہ N_1 سے N_2 تک حرکت دیتے ہیں۔ یہ صورت حال شکل 4.4 میں دکھائی گئی ہے۔ مساوات 1.3، مساوات 1.44 اور مساوات 1.64 جنہیں یہاں دوبارہ پیش کرتے ہیں

$$\begin{aligned}
\mathrm{d}\boldsymbol{L}&=\mathrm{d}x\boldsymbol{a}_{\mathrm{X}}+\mathrm{d}y\boldsymbol{a}_{\mathrm{y}}+\mathrm{d}z\boldsymbol{a}_{\mathrm{Z}}\\
\mathrm{d}\boldsymbol{L}&=\mathrm{d}\rho\boldsymbol{a}_{\rho}+\rho\,\mathrm{d}\phi\boldsymbol{a}_{\phi}+\mathrm{d}z\boldsymbol{a}_{\mathrm{Z}}\\
\mathrm{d}\boldsymbol{L}&=\mathrm{d}r\boldsymbol{a}_{\mathrm{r}}+r\,\mathrm{d}\theta\boldsymbol{a}_{\theta}+r\sin\theta\,\mathrm{d}\phi\boldsymbol{a}_{\phi}
\end{aligned} \tag{4.10}$$

کارتیسی، نلکی اور کروی متغیرات تبدیل کرنے سے پیدا چھوٹا فاصلہ $\mathrm{d}\boldsymbol{L}$ دیتے ہیں۔ یوں درکار توانائی

$$\begin{aligned}
W&=-q\int_{\text{ابتدا}}^{\text{اختتام}}\boldsymbol{E}\cdot\mathrm{d}\boldsymbol{L}\\
&=-q\int_{r_0,\theta_1,\phi_0}^{r_0,\theta_2,\phi_0}\frac{Q}{4\pi\epsilon_0 r^2}\boldsymbol{a}_{\mathrm{r}}\cdot\left(\mathrm{d}r\boldsymbol{a}_{\mathrm{r}}+r\,\mathrm{d}\theta\boldsymbol{a}_{\theta}+r\sin\theta\,\mathrm{d}\phi\boldsymbol{a}_{\phi}\right)\\
&=-q\int_{r_0}^{r_0}\frac{Q\,\mathrm{d}r}{4\pi\epsilon_0 r^2}\\
&=0
\end{aligned}$$

1048 صفر ہی حاصل ہوتی ہے۔ یہاں دوسرے قدم پر $\boldsymbol{a}_{\mathrm{r}}\cdot\boldsymbol{a}_{\mathrm{r}}=1$ کے علاوہ $\boldsymbol{a}_{\mathrm{r}}\cdot\boldsymbol{a}_{\theta}=0$ اور $\boldsymbol{a}_{\mathrm{r}}\cdot\boldsymbol{a}_{\phi}=0$ کا استعمال کیا گیا۔

اس کے برعکس اگر نقطہ (r_1,θ_1,ϕ_1) تا نقطہ (r_2,θ_2,ϕ_2) چارج کو حرکت دی جائے تب

$$
\begin{aligned}
W &= -q\int_{r_1,\theta_1,\phi_1}^{r_2,\theta_2,\phi_2} \frac{Q}{4\pi\epsilon_0 r^2}\boldsymbol{a}_{\mathrm{r}}\cdot\left(\mathrm{d}r\boldsymbol{a}_{\mathrm{r}}+r\,\mathrm{d}\theta\boldsymbol{a}_{\theta}+r\sin\theta\,\mathrm{d}\phi\boldsymbol{a}_{\phi}\right)\\
&= -q\int_{r_1}^{r_2}\frac{Q\,\mathrm{d}r}{4\pi\epsilon_0 r^2}\\
&= \frac{qQ}{4\pi\epsilon_0}\left(\frac{1}{r_2}-\frac{1}{r_1}\right)
\end{aligned}
$$

ہو گا۔یوں $r_1 > r_2$ کی صورت میں جواب مثبت ہو گا اور چارج کو ابتدائی نقطے سے اختتامی نقطے منتقل کرنے کے خاطر بیرونی توانائی درکار ہو گی جبکہ $r_2 > r_1$ کی صورت میں جواب منفی حاصل ہوتا ہے لہٰذا چارج کے حرکت سے ہمیں توانائی حاصل ہو گی۔

مشق 4.2: میدان $\boldsymbol{E}=3x^2yz^2\boldsymbol{a}_{\mathrm{x}}+x^3z^2\boldsymbol{a}_{\mathrm{y}}+2x^3yz\boldsymbol{a}_{\mathrm{z}}\,\frac{\mathrm{V}}{\mathrm{m}}$ میں محدد کے مرکز $(0,0,0)$ سے نقطہ $(2,3,5)$ تک دو کولمب کا چارج مندرجہ ذیل راستوں منتقل کرنے کے لئے درکار توانائی حاصل کریں۔

- دو نقطوں کے مابین سیدھی لکیر۔
- ایسا راستہ جس پر $y=\frac{3}{4}x^2$ اور $z=\frac{x}{2}+x^2$ ہوں۔

جوابات: سیدھی لکیر پر $y=\frac{3}{2}x$ اور $z=\frac{5}{2}x$ لکھا جائے گا۔جوابات کے مطابق توانائی درکار نہیں بلکہ حاصل ہو گی۔ $-1200\,\mathrm{J}$، $-1200\,\mathrm{J}$

4.3 برقی دباو

چارج q کے منتقلی کے لئے درکار توانائی سے زیادہ اہم اکائی چارج کے منتقلی کے لئے درکار توانائی ہے۔اس توانائی کو برقی دباو[9] کہتے ہیں۔برقی دباو کے اکائی $\mathrm{J/C}$ کو وولٹ[10] کا نام دیا گیا ہے جسے V سے ظاہر کیا جاتا ہے۔چونکہ توانائی غیر سمتی یعنی مقداری ہے لہٰذا برقی دباو بھی مقداری ہے۔مساوات 4.2 سے برقی دباو یوں حاصل ہوتا ہے

$$
V_{AB}=\frac{W}{q}=-\int_B^A \boldsymbol{E}\cdot\mathrm{d}\boldsymbol{L} \tag{4.11}
$$

جہاں ابتدائی نقطے کو B، اختتامی نقطے کو A اور حاصل جواب کو V_{AB} لکھا گیا ہے۔V_{AB} لکھتے ہوئے زیر نوشت میں پہلے اختتامی نقطہ A اور بعد میں ابتدائی نقطہ B لکھا گیا ہے۔مساوات 4.6 میں فاصلہ $\boldsymbol{L}_{ON}$ لکھتے ہوئے زیر نوشت میں ابتدائی نقطہ O پہلے اور اختتامی نقطہ N بعد میں لکھا گیا۔برقی دباو V_{AB} لکھتے ہوئے اس فرق کو مد نظر رکھنا ہو گا۔

برقی دباو دو نقطوں کے مابین ناپی جاتی ہے۔کسی نقطے کی حتمی برقی دباو معنی نہیں رکھتی۔برقی دباو بالکل اونچائی کے مترادف ہے۔یوں کسی پہاڑی کے قریب کھڑے ہو کر اگر اس کی اونچائی تین سو میٹر ناپی جائے تو اسی پہاڑی کی اونچائی سطح سمندر سے ناپتے ہوئے سات سو میٹر حاصل ہو سکتی ہے۔آپ دیکھ سکتے ہیں کہ اونچائی ناپتے ہوئے نقطہ حوالہ[11]، جہاں کی نسبت سے اونچائی ناپی جائے، نہایت اہمیت کا حامل ہے۔نقطہ حوالہ کی اونچائی صفر تصور کی جاتی ہے۔دو یا دو سے زیادہ عمارتوں کی

---

[9] voltage
[10] volt
[11] reference point

اونچائی کا موازنہ کرتے وقت ان تمام عمارتوں کی اونچائی پہلے کسی ایک نقطے سے ناپی جاتی ہے۔ یہ نقطہ عموماً زمین کی سطح ہوتی ہے۔ اس کے برعکس مختلف شہروں یا پہاڑیوں کی اونچائی عموماً سطح سمندر سے ناپی جاتی ہے۔ اگر تمام افراد کسی ایک نقطہ حوالہ پر اتفاق کریں تب اس نقطے کی نسبت سے کسی مقام کی اونچائی کو اس مقام کی حتمی اونچائی تصور کی جاتی ہے۔ بالکل اسی طرح مختلف نقطوں کے برقی دباو کا موازنہ کرتے ہوئے ان تمام نقطوں کی برقی دباو کسی ایک نقطے کی نسبت سے ناپے جائیں گے۔ ایسے نقطے کو برقی زمین[12]، کہا جاتا ہے جہاں برقی زمین کو صفر برقی دباو پر تصور کیا جاتا ہے۔ عموماً کرہ ارض کی سطح کو ہی برقی زمین تصور کیا جاتا ہے۔

موٹر گاڑی میں نسب بیٹری کے مثبت سرے کی برقی دباو، بیٹری کے منفی سرے کی نسبت سے ناپنا زیادہ مطلب آمیز ہو گا جبکہ گھریلو برقی دباو مہیا کردہ ٹھنڈی اور گرم تار کے مابین ناپنا مطلب رکھتا ہے۔ کبھی کبھار برقی دباو ناپنا نسبتاً مشکل ہوتا ہے، مثلاً کرہ ارض کی برقی دباو کو کس نقطہ حوالہ سے ناپا جائے گا۔ طبیعیات کے میدان میں عموماً ایسے ہی مسئلے در پیش آتے ہیں جہاں نقطہ حوالہ تعین کرنا دشوار ہوتا ہے۔ ایسی صورت میں نقطہ حوالہ کو لا محدود فاصلے پر تصور کیا جاتا ہے اور نقطہ A کے برقی دباؤ کو V_A لکھا جاتا ہے۔ یوں لا محدود فاصلے سے اکائی چارج کو کرہ ارض تک لانے کے لئے درکار توانائی دریافت کرتے ہوئے کرہ ارض کی برقی دباو حاصل کی جائے گی۔

ہم محوری تار کے مسائل پر غور کرتے ہوئے عموماً اس کی بیرونی نلکی سطح کو نقطہ حوالہ لیا جاتا ہے۔ اسی طرح کروی تناسب رکھنے والے سطحوں کے مابین برقی دباو حاصل کرتے وقت ان میں کسی ایک سطح کو حوالہ سطح چنا جائے گا۔

اگر نقطہ A کی برقی دباو V_A جبکہ نقطہ B کی برقی دباو V_B ہو تب ان کے مابین برقی دباو

$$V_{AB}=V_A-V_B \tag{4.12}$$

ہو گا جہاں نقطہ B کو نقطہ حوالہ تصور کیا گیا ہے۔ یہ مساوات صرف اور صرف اسی صورت درست ہو گی جب V_A اور V_B از خود ایک ہی نقطہ حوالہ سے ناپے گئے ہوں۔

4.3.1 نقطہ چارج کا برقی دباو

شکل 4.5 میں خالی خلاء میں کروی محدد کے مرکز پر پائے جانے والے چارج Q کے میدان میں کسی بھی راستے پر q کولمب کے پیمائشی چارج کو نقطہ B سے نقطہ A لانا دکھایا گیا ہے۔ Q سے r فاصلے پر اس راستے کے چھوٹی لمبائی $\mathrm{d}\boldsymbol{L}$ پر اوسط برقی میدان $\boldsymbol{E}=\frac{Q}{4\pi\epsilon_0 r^2}\boldsymbol{a}_{\mathrm{r}}$ ہو گا۔ یوں اتنا راستہ طے کرنے کے لئے

$$\begin{aligned}
\mathrm{d}W &= -q\boldsymbol{E}\cdot\mathrm{d}\boldsymbol{L}\\
&= -q\left(\frac{Q}{4\pi\epsilon_0 r^2}\boldsymbol{a}_{\mathrm{r}}\right)\cdot\left(\mathrm{d}r\boldsymbol{a}_{\mathrm{r}}+r\,\mathrm{d}\theta\boldsymbol{a}_\theta+r\sin\theta\,\mathrm{d}\phi\boldsymbol{a}_\phi\right)\\
&= -\frac{qQ\,\mathrm{d}r}{4\pi\epsilon_0 r^2}
\end{aligned}$$

توانائی درکار ہو گی۔ اس طرح پورا راستہ طے کرنے کے لئے

$$W=-\int_{r_B}^{r_A}\frac{qQ\,\mathrm{d}r}{4\pi\epsilon_0 r^2}=\left.\frac{qQ}{4\pi\epsilon_0 r}\right|_{r_B}^{r_A}=\frac{qQ}{4\pi\epsilon_0}\left(\frac{1}{r_A}-\frac{1}{r_B}\right)$$

توانائی درکار ہو گی جس سے ان دو نقطوں کے مابین برقی دباو $V_{AB}=\frac{W}{q}$ یوں حاصل ہوتا ہے۔

$$V_{AB}=\frac{Q}{4\pi\epsilon_0}\left(\frac{1}{r_A}-\frac{1}{r_B}\right) \tag{4.13}$$

---
[12] electrical ground



شکل 4.5: نقطہ چارج کی برقی دباو۔

اس مساوات سے صاف ظاہر ہے کہ نقطہ چارج Q کے میدان میں دو نقطوں کے مابین برقی دباو کا انحصار چارج سے نقطوں کے فاصلوں r_A اور r_B پر ہے ناکہ ایک نقطے سے دوسرے نقطے تک پہنچنے کے راستے پر۔ یوں نقطہ B کے حوالے سے نقطہ A پر برقی دباو مساوات 4.13 سے حاصل ہوتا ہے۔ اگر نقطہ B کو لامحدود فاصلے پر رکھا جائے یعنی اگر $r_B=\infty$ لیا جائے تب $\frac{1}{\infty}=0$ ہونے کی وجہ سے یہ مساوات

$$V_A=\frac{Q}{4\pi\epsilon_0 r_A} \tag{4.14}$$

صورت اختیار کر لیتی ہے۔ اگر ہم حوالہ نقطہ کے لامحدود فاصلے پر ہونے پہ اتفاق کریں تو ایسی صورت میں $\frac{Q}{4\pi\epsilon_0 r_A}$ کو نقطہ A کی حتمی برقی دباو تصور کیا جا سکتا ہے جسے V_A لکھا جاتا ہے۔ نقطہ حوالے کو لامحدود فاصلے پر رکھنے کا مطلب ہے کہ برقی زمین لامحدود فاصلے پر ہے۔ نقطہ حوالہ پر اتفاق کے بعد برقی دباو کی بات کرتے ہوئے بار بار برقی زمین کی نشاندہی کرنا ضروری نہیں لہٰذا برقی دباو لکھتے ہوئے زیر نوشت میں B لکھنے سے گریز کیا جاتا ہے اور اسے صرف V_A لکھا جاتا ہے۔ مساوات 4.14 نقطہ A کی حتمی برقی دباو دیتا ہے جو Q سے r_A فاصلے پر ہے۔ یہ نقطہ کوئی بھی نقطہ ہو سکتا ہے لہٰذا اسے r_A فاصلے پر نقطہ A کی بجائے r فاصلے پر نقطہ کہا جا سکتا ہے۔ ایسی صورت میں مساوات 4.14 کو یوں لکھا جا سکتا ہے

$$V=\frac{Q}{4\pi\epsilon_0 r} \tag{4.15}$$

1077 جو کروی محدد کے مرکز پر پائے جانے والے نقطہ چارج Q سے r فاصلے پر برقی دباو V دیتا ہے جہاں نقطہ حوالہ لامحدود فاصلے پر ہے۔

1078 برقی دباو مقداری ہے لہٰذا مساوات 4.15 میں اکائی سمتیات نہیں پائے جاتے۔

1079 ایسی سطح جس پر حرکت کرنے سے برقی دباو تبدیل نہ ہو کو ہم قوہ سطح[13] کہتے ہیں۔ مساوات 4.15 کے مطابق کروی محدد کے مرکز پر نقطہ چارج کے گرد کسی بھی
1080 رداس کا کرہ ہم قوہ سطح ہو گی۔ ایسی سطح پر حرکت کرنے کی خاطر کسی توانائی کی ضرورت نہیں ہوتی۔

1081 4.3.2 لکیری چارج کثافت سے پیدا برقی دباو

z محدد پر لامحدود لمبائی کے لکیری چارج کثافت کا میدان صفحہ 75 پر مساوات 3.15

$$\boldsymbol{E}_\rho=\frac{\rho_L}{2\pi\epsilon_0\rho}\boldsymbol{a}_\rho$$

دیتا ہے۔ اس میدان میں ρ_0 اور ρ_1 سطحوں کے مابین

$$V=-\int_{\rho_0}^{\rho_1}\frac{\rho_L\,\mathrm{d}\rho}{2\pi\epsilon_0\rho}=\frac{\rho_L}{2\pi\epsilon_0}\ln\frac{\rho_0}{\rho_1} \tag{4.16}$$

1082 برقی دباو پایا جائے گا۔

---

[13] equipotential surface

4.3.3 ہم محوری تار کا برقی دباو 1083

ہم محوری تار میں اندرونی اور بیرونی تاروں کے درمیانی جگہ پر برقی میدان صفحہ 75 پر مساوات 3.16 میں دیا گیا ہے جسے $\boldsymbol{D} = \epsilon \boldsymbol{E}$ کے استعمال سے

$$\boldsymbol{E} = \frac{\rho_L}{2\pi\epsilon\rho}\boldsymbol{a}_\rho \tag{4.17}$$

لکھا جا سکتا ہے جہاں اندرونی تار پر ρ_L لکیری چارج کثافت پایا جاتا ہے۔ اندرونی تار کے اکائی لمبائی پر $+Q$ جبکہ بیرونی تار کے اکائی لمبائی پر $-Q$ چارج پایا جاتا ہے۔ بیرونی تار کو برقی زمین تصور کرتے ہوئے اندرونی تار پر برقی دباو

$$V = -\int_{\rho_2}^{\rho_1} \frac{\rho_L}{2\pi\epsilon\rho}\boldsymbol{a}_\rho \cdot \mathrm{d}\rho\boldsymbol{a}_\rho = -\frac{\rho_L}{2\pi\epsilon}\ln\frac{\rho_1}{\rho_2}$$

یعنی

$$V = \frac{\rho_L}{2\pi\epsilon}\ln\frac{\rho_2}{\rho_1} \tag{4.18}$$

1084 ہو گا جہاں اندرونی تار کا رداس ρ_1 اور بیرونی تار کا رداس ρ_2 ہے۔

4.4 متعدد نقطہ چارجوں کی برقی دباو 1085

شکل 4.6-الف میں چارج Q_1 اور Q_2 کے برقی میدان میں B سے A تک پیمائشی چارج q کی حرکت دکھائی گئی ہے۔ Q_1 کو کروی محدد کے مرکز پر تصور کرتے ہوئے، B سے A تک راستے پر کسی بھی نقطہ N پر اس کا میدان $\boldsymbol{E}_1 = \frac{Q_1}{4\pi\epsilon_0 r_1^2}\boldsymbol{a}_{\mathrm{r}1}$ لکھا جا سکتا ہے جہاں r_1 مرکز سے N تک کا فاصلہ ہے۔ اسی طرح Q_2 کو ایک اور کروی محدد کے مرکز پر تصور کرتے ہوئے نقطے N پر اس کا میدان $\boldsymbol{E}_2 = \frac{Q_2}{4\pi\epsilon_0 r_2^2}\boldsymbol{a}_{\mathrm{r}2}$ لکھا جا سکتا ہے جہاں r_2 اس محدد کے مرکز سے N تک کا فاصلہ ہے۔ شکل-الف میں B سے A تک راستے پہ نقطہ N پر Q_1 اور Q_2 کے میدان $\boldsymbol{E}_1$ اور $\boldsymbol{E}_2$ دکھائے گئے ہیں۔ یوں N پر کل میدان $\boldsymbol{E} = \boldsymbol{E}_1 + \boldsymbol{E}_2$ ہو گا۔ نقطہ N پر B سے A کے راستے چھوٹی سی لمبائی $\mathrm{d}\boldsymbol{L}$ پر کل میدان یہی ہو گا۔ جس کروی محدد کے مرکز پر Q_1 پایا جاتا ہے اس نظام میں اس چھوٹے فاصلے کو

$$\mathrm{d}\boldsymbol{L} = \mathrm{d}r_1\boldsymbol{a}_{\mathrm{r}1} + r_1\,\mathrm{d}\theta_1\boldsymbol{a}_{\theta 1} + r_1\sin\theta_1\,\mathrm{d}\phi_1\boldsymbol{a}_{\phi_1} \tag{4.19}$$

لکھا جا سکتا ہے جبکہ جس کروی محدد کے مرکز پر Q_2 پایا جاتا ہے اس نظام میں اسی چھوٹے فاصلے کو

$$\mathrm{d}\boldsymbol{L} = \mathrm{d}r_2\boldsymbol{a}_{\mathrm{r}2} + r_2\,\mathrm{d}\theta_2\boldsymbol{a}_{\theta 2} + r_2\sin\theta_2\,\mathrm{d}\phi_2\boldsymbol{a}_{\phi_2} \tag{4.20}$$

لکھا جائے گا۔ $\mathrm{d}\boldsymbol{L}$ فاصلہ طے کرنے کی خاطر

$$\begin{aligned}\mathrm{d}W &= -q\boldsymbol{E}\cdot\mathrm{d}\boldsymbol{L}\\ &= -q(\boldsymbol{E}_1 + \boldsymbol{E}_2)\cdot\mathrm{d}\boldsymbol{L}\\ &- \frac{qQ_1}{4\pi\epsilon_0 r_1^2}\boldsymbol{a}_{\mathrm{r}1}\cdot\mathrm{d}\boldsymbol{L} - \frac{qQ_2}{4\pi\epsilon_0 r_2^2}\boldsymbol{a}_{\mathrm{r}2}\cdot\mathrm{d}\boldsymbol{L}\end{aligned}$$

توانائی درکار ہو گی۔ اس مساوات میں $\boldsymbol{a}_{\mathrm{r}1}\cdot\mathrm{d}\boldsymbol{L}$ حاصل کرتے وقت $\mathrm{d}\boldsymbol{L}$ کی قیمت مساوات 4.19 سے لیتے ہوئے $\boldsymbol{a}_{\mathrm{r}1}\cdot\mathrm{d}\boldsymbol{L} = \mathrm{d}r_1$ ملتا ہے۔ اسی طرح $\boldsymbol{a}_{\mathrm{r}2}\cdot\mathrm{d}\boldsymbol{L}$ حاصل کرتے وقت $\mathrm{d}\boldsymbol{L}$ کی قیمت مساوات 4.20 سے لیتے ہوئے $\boldsymbol{a}_{\mathrm{r}2}\cdot\mathrm{d}\boldsymbol{L} = \mathrm{d}r_2$ ملتا ہے۔ ان قیمتوں کے پُر کرنے سے

$$\mathrm{d}W = -\frac{qQ_1\,\mathrm{d}r_1}{4\pi\epsilon_0 r_1^2} - \frac{qQ_2\,\mathrm{d}r_2}{4\pi\epsilon_0 r_2^2}$$



شکل 4.6: دو نقطہ چارج کے میدان میں حتمی برقی دباو۔

حاصل ہوتا ہے۔ یوں B سے A تک کا پورا راستہ طے کرنے کی خاطر

$$
\begin{aligned}
W = \int_B^A \mathrm{d}W &= -\frac{qQ_1}{4\pi\epsilon_0}\int_{r_{1B}}^{r_{1A}}\frac{\mathrm{d}r_1}{r_1^2} - \frac{qQ_2}{4\pi\epsilon_0}\int_{r_{2B}}^{r_{2A}}\frac{\mathrm{d}r_2}{r_2^2} \\
&= \frac{qQ_1}{4\pi\epsilon_0}\left(\frac{1}{r_{1A}} - \frac{1}{r_{1B}}\right) + \frac{qQ_2}{4\pi\epsilon_0}\left(\frac{1}{r_{2A}} - \frac{1}{r_{2B}}\right)
\end{aligned}
$$

توانائی درکار ہو گی۔ نقطہ B کو لا محدود فاصلے پر لیتے ہوئے یوں نقطہ A پر حتمی برقی دباو

$$V_A = \frac{W}{q} = \frac{1}{4\pi\epsilon_0}\left(\frac{Q_1}{r_{1A}} + \frac{Q_2}{r_{2A}}\right) \tag{4.21}$$

حاصل ہوتی ہے۔

مساوات 4.21 میں دائیں ہاتھ پہلا جزو Q_1 کے میدان میں نقطہ A کی حتمی برقی دباو جبکہ دوسرا جزو Q_2 کے میدان میں نقطہ A کی حتمی برقی دباو دیتا ہے۔ مساوات 4.21 کے مطابق Q_1 اور Q_2 دونوں کے موجودگی میں نقطہ A کا برقی دباو حاصل کرنے کی خاطر ان دو چارجوں کو باری باری علیحدہ لیتے ہوئے A پر برقی دباو حاصل کیا جاتا ہے اور پھر دونوں برقی دباو کا مجموعہ لیا جاتا ہے۔ آپ دیکھ سکتے ہیں کہ یہی طریقہ کار دو سے زیادہ نقطہ چارجوں کے لئے بھی بروئے کار لایا جا سکتا ہے۔ یوں کسی بھی نقطے کی برقی دباو حاصل کرتے ہوئے مختلف نقطہ چارجوں کے برقی دباو علیحدہ علیحدہ حاصل کرتے ہوئے انہیں جمع کرتے حاصل کیا جا سکتا ہے۔

اگر کسی کروی محدد کے مرکز سے Q_1 تک کا سمتیہ $\boldsymbol{r}_1$ جبکہ مرکز سے Q_2 تک کا سمتیہ $\boldsymbol{r}_2$ اور مرکز سے نقطہ A تک سمتیہ $\boldsymbol{r}$ ہوں تب نقطہ A کے لئے مساوات 4.21 کو ہم یوں لکھ سکتے ہیں

$$V_A = \frac{1}{4\pi\epsilon_0}\left(\frac{Q_1}{|\boldsymbol{r}-\boldsymbol{r}_1|} + \frac{Q_2}{|\boldsymbol{r}-\boldsymbol{r}_2|}\right) \tag{4.22}$$

جہاں Q_1 سے A تک فاصلہ $|\boldsymbol{r}-\boldsymbol{r}_1|$ اور Q_2 سے A تک فاصلہ $|\boldsymbol{r}-\boldsymbol{r}_2|$ ہے۔ یہ صورت حال شکل 4.6-ب میں دکھائی گئی ہے۔ متعدد نقطہ چارجوں کے لئے مساوات 4.22

$$
\begin{aligned}
V(\boldsymbol{r}) &= \frac{1}{4\pi\epsilon_0}\left(\frac{Q_1}{|\boldsymbol{r}-\boldsymbol{r}_1|} + \frac{Q_2}{|\boldsymbol{r}-\boldsymbol{r}_2|} + \cdots + \frac{Q_n}{|\boldsymbol{r}-\boldsymbol{r}_n|}\right) \\
&= \frac{1}{4\pi\epsilon_0}\sum_{j=1}^{n}\frac{Q_j}{|\boldsymbol{r}-\boldsymbol{r}_j|}
\end{aligned} \tag{4.23}
$$

لکھی جائے گی جہاں نقطہ A کا مقام زیر نوشت میں A لکھنے کی بجائے $V(\boldsymbol{r})$ میں $\boldsymbol{r}$ سے واضح کیا گیا ہے۔



شکل 4.7: (الف) گول دائرے پر لکیری چارج کثافت سے z محدد پر پیدا برقی دباو۔ (ب)بند دائرے کی برقی دباو صفر ہے۔

متغیر حجمی چارج کثافت ρ_h کے چھوٹے حجم Δh میں پائے جانے والے چارج $\Delta Q = \rho_h \Delta h$ کو نقطہ چارج تصور کیا جا سکتا ہے۔ پورے حجم کے n چھوٹے ٹکڑے کرتے ہوئے مساوات 4.23 کو یوں لکھا جا سکتا ہے

$$V(\boldsymbol{r}) = \frac{1}{4\pi\epsilon_0}\left(\frac{\rho_h(\boldsymbol{r}_1)\Delta h_1}{|\boldsymbol{r}-\boldsymbol{r}_1|} + \frac{\rho_h(\boldsymbol{r}_2)\Delta h_2}{|\boldsymbol{r}-\boldsymbol{r}_2|} + \cdots + \frac{\rho_h(\boldsymbol{r}_n)\Delta h_n}{|\boldsymbol{r}-\boldsymbol{r}_n|}\right) \tag{4.24}$$

جہاں $\boldsymbol{r}$ کو کثافت کا آزاد متغیرہ لیتے ہوئے مقام $\boldsymbol{r}_j$ پر کثافت کو $\rho_h(\boldsymbol{r}_j)$ اور چھوٹی حجم کو Δh_j لکھا گیا ہے۔ چھوٹی حجم Δh کو کم سے کم کرتے ہوئے ایسے نقطوں کی تعداد زیادہ سے زیادہ بناتے ہوئے اس مجموعہ سے مندرجہ ذیل حجمی تکمل حاصل ہوتا ہے۔

$$V(\boldsymbol{r}) = \int_{\text{حجم}} \frac{\rho_h(\boldsymbol{r}')\,\mathrm{d}h'}{4\pi\epsilon_0|\boldsymbol{r}-\boldsymbol{r}'|} \tag{4.25}$$

یہاں رک کر مندرجہ بالا مساوات کو دوبارہ دیکھتے ہیں۔ ρ_h حجمی چارج کثافت ہے۔ مقام $\boldsymbol{r}'$ پر چھوٹی حجم $\mathrm{d}h'$ میں تھوڑا سا چارج $\rho_h(\boldsymbol{r}')\,\mathrm{d}h'$ پایا جاتا ہے جسے نقطہ چارج تصور کیا جاتا ہے۔ مساوات 4.25 نقطہ $\boldsymbol{r}$ پر برقی دباو دیتا ہے جہاں برقی زمین کو لامحدود فاصلے پر تصور کیا گیا ہے۔ یوں اکائی چارج کو لامحدود فاصلے سے نقطہ $\boldsymbol{r}$ تک کسی بھی راستے لانے کے لئے اس مساوات سے حاصل $V(\boldsymbol{r})$ برابر توانائی درکار ہو گی۔

اگر حجمی چارج کثافت کی جگہ سطحی چارج کثافت ρ_S یا لکیری چارج کثافت ρ_L پایا جاتا تب مندرجہ بالا مساوات کو

$$V(\boldsymbol{r}) = \int_{\text{سطح}} \frac{\rho_S(\boldsymbol{r}')\,\mathrm{d}S'}{4\pi\epsilon_0|\boldsymbol{r}-\boldsymbol{r}'|} \tag{4.26}$$

$$V(\boldsymbol{r}) = \int_{\text{لکیر}} \frac{\rho_L(\boldsymbol{r}')\,\mathrm{d}L'}{4\pi\epsilon_0|\boldsymbol{r}-\boldsymbol{r}'|} \tag{4.27}$$

لکھتے۔ ان مساوات میں $\mathrm{d}h'$، $\mathrm{d}S'$ اور $\mathrm{d}L'$ غیر سمتی یعنی مقداری ہیں۔ تینوں اقسام کے چارج کثافت پائے جانے کی صورت میں باری باری ہر ایک سے پیدا برقی دباو حاصل کرتے ہوئے ان کا مجموعہ لیا جائے گا۔

مثال 4.3: $z = 0$ سطح پر z محدد کے گرد b رداس کے گول دائرے پر ρ_L چارج کثافت پایا جاتا ہے۔ $N(0,0,z)$ پر برقی دباو حاصل کریں۔

حل: شکل 4.7-الف میں صورت حال دکھایا گیا ہے۔ $z = 0$ سطح پر کروی نظام کار داس $\boldsymbol{r}$ اور نلکی محدد کار داس ρ برابر ہوتے ہیں۔ گول دائرے پہ $\boldsymbol{r'}$ کے مقام پر چھوٹی لکیر $\mathrm{d}L' = b\,\mathrm{d}\phi$ لکھی جا سکتی ہے۔ برقی دباو $\boldsymbol{r}$ پر درکار ہے۔ شکل کو دیکھتے ہوئے مسئلہ فیثا غورث کی مدد سے $\left|\boldsymbol{r'} - \boldsymbol{r}\right| = \sqrt{b^2+z^2}$ لکھا جا سکتا ہے۔ یوں مساوات 4.27 استعمال کرتے ہوئے نقطہ $(0,0,z)$ پر

$$V = \int_0^{2\pi} \frac{\rho_L b\,\mathrm{d}\phi}{4\pi\epsilon_0\sqrt{b^2+z^2}} = \frac{\rho_L b}{2\epsilon_0\sqrt{b^2+z^2}}$$

برقی دباو پایا جائے گا۔ گول دائرے کے عین وسط یعنی $(0,0,0)$ پر یوں $\frac{\rho_L}{2\epsilon_0}$ وولٹ کا برقی دباو پایا جائے گا۔

مساوات 4.2 میں B کو لا محدود فاصلے پر لیتے ہوئے کسی بھی دو نقطوں A اور C کے حتمی برقی دباو یوں لکھے جا سکتے ہیں۔

$$V_A = -\int_\infty^A \boldsymbol{E}\cdot\mathrm{d}\boldsymbol{L}$$
$$V_C = -\int_\infty^C \boldsymbol{E}\cdot\mathrm{d}\boldsymbol{L}$$

شکل 4.7-ب میں یہ نقطے دکھائے گئے ہیں۔ اب اگر V_A دس وولٹ جبکہ V_C تین وولٹ کے برابر ہو تب C کے حوالے سے A پر سات وولٹ ہوں گے یعنی $V_{AC} = 7\,\mathrm{V}$ ہو گا۔ اسی طرح A کے حوالے سے C پر منفی سات وولٹ ہوں گے یعنی $V_{CA} = -7\,\mathrm{V}$ ہو گا۔ یوں اگر کسی بھی راستے C سے A جایا جائے تو برقی دباو میں سات وولٹ کا اضافہ ہو گا جبکہ کسی بھی راستے واپس C لوٹنے سے برقی دباو میں سات وولٹ ہی کی کمی رونما ہو گی۔ آپ دیکھ سکتے ہیں کہ کسی بھی نقطے سے شروع ہو کر بند دائرے پر چلتے ہوئے واپس اسی نقطے تک پہنچنے سے برقی دباو میں کل کوئی تبدیلی پیدا نہیں ہو گی۔ اس حقیقت کو یوں لکھا جاتا ہے

$$V_{AC} + V_{CA} = -\int_C^A \boldsymbol{E}\cdot\mathrm{d}\boldsymbol{L} - \int_A^C \boldsymbol{E}\cdot\mathrm{d}\boldsymbol{L} = 0$$

جہاں پہلے C سے A اور پھر A سے واپس C پہنچا گیا۔ بند دائرے کے تکمل کو دو ٹکڑوں میں لکھنے کی بجائے اسے بند تکمل کی شکل میں لکھتے ہوئے اسی مساوات کو یوں بہتر لکھا جا سکتا ہے

$$\oint \boldsymbol{E}\cdot\mathrm{d}\boldsymbol{L} = 0 \tag{4.28}$$

جہاں تکمل کے نشان پر گول دائرہ بند تکمل کو ظاہر کرتا ہے۔

مساوات 4.28 کہتا ہے کہ کسی بھی طرح پیدا کئے گئے برقی میدان میں بند دائرے پر پورا چکر لگانے کے لئے صفر توانائی درکار ہوتی ہے۔ حقیقت میں یہ مساوات صرف وقت کے ساتھ نہ تبدیل ہونے والے برقی میدان یعنی ساکن برقی میدان[14] کے لئے درست ہے۔ اس کتاب میں وقت کے ساتھ بدلتے میدان پر بعد میں غور کیا جائے گا۔ ایسے میدان جس میں بند دائرے پر چلنے کی خاطر کوئی توانائی درکار نہ ہو کو بقائی میدان[15] کہتے ہیں۔ ساکن تجاذبی میدان بھی بقائی میدان[16] ہے۔ یوں تجاذبی میدان میں پہاڑی کی چوٹی تک پہنچنے سے مخفی توانائی میں جتنا اضافہ پیدا ہو، چوٹی سے واپس اترنے پر مخفی توانائی میں اتنی ہی کمی رونما ہو گی اور یوں آپ کی ابتدائی اور اختتامی مخفی توانائی عین برابر ہوں گے۔

---

[14] static electric field

[15] conservative field

[16] یہ جملہ لکھنے کے ٹھیک ایک دن بعد نرگس مولولا اور ان کے ساتھیوں نے تجاذبی موجیں دریافت کیں۔ اس دریافت سے پہلے کسی بھی تجاذبی میدان کو بقائی میدان تصور کیا جاتا تھا۔ آج سے ہم ساکن تجاذبی میدان کو ہی بقائی میدان کہیں گے۔



شکل 4.8: برقی دباو کی ڈھلوان برقی میدان ہے۔

4.5 برقی دباو کی ڈھلوان 1106

شکل 4.8 میں دو انتہائی قریب ہم قوہ سطحیں دکھائی گئی ہیں جن پر V_1 اور V_2 برقی دباو پایا جاتا ہے۔ ہم قوہ سطح V_1 پر کسی نقطہ B سے ہم قوہ سطح V_2 پر کسی نقطہ A تک کا سمتی فاصلہ $\mathrm{d}\boldsymbol{L}$ لیتے ہوئے B سے A تک حرکت کرنے سے برقی دباو میں $-\boldsymbol{E}\cdot\mathrm{d}\boldsymbol{L}$ تبدیلی رونما ہو گی جہاں برقی میدان کو $\boldsymbol{E}$ لکھا گیا ہے۔

$$\mathrm{d}V = V_2 - V_1 = -\boldsymbol{E}\cdot\mathrm{d}\boldsymbol{L} \tag{4.29}$$

چھوٹی لمبائی $\mathrm{d}\boldsymbol{L}$ پر برقی میدان کو غیر تغیر پذیر تصور کیا جا سکتا ہے۔ چونکہ دو نقطوں کے مابین برقی دباو کا ابتدائی نقطے سے اختتامی نقطے پہنچنے کے راستے پر منحصر نہیں ہوتا لہٰذا ہم B سے C اور پھر A بھی جا سکتے تھے۔ B سے C تک فاصلے کو $\mathrm{d}\boldsymbol{L}_\parallel$ جبکہ C سے A تک فاصلے کو $\mathrm{d}\boldsymbol{L}_\perp$ لکھتے ہوئے

$$\mathrm{d}V = -\boldsymbol{E}\cdot(\mathrm{d}\boldsymbol{L}_\parallel + \mathrm{d}\boldsymbol{L}_\perp) \tag{4.30}$$

لکھا جا سکتا ہے۔ $\boldsymbol{E}$ کو ہم قوہ سطح کے متوازی اور اس کے عمودی اجزاء کی صورت میں یوں لکھا جا سکتا ہے

$$\boldsymbol{E} = \boldsymbol{E}_\parallel + \boldsymbol{E}_\perp \tag{4.31}$$

جس سے

$$\mathrm{d}V = -(\boldsymbol{E}_\parallel + \boldsymbol{E}_\perp)\cdot(\mathrm{d}\boldsymbol{L}_\parallel + \mathrm{d}\boldsymbol{L}_\perp) = -E_\parallel\,\mathrm{d}L_\parallel - E_\perp\,\mathrm{d}L_\perp \tag{4.32}$$

حاصل ہوتا ہے جہاں $\boldsymbol{E}_\parallel$ اور $\mathrm{d}\boldsymbol{L}_\parallel$ کے مابین صفر درجے کا زاویہ ہونے کی بنا پر $\boldsymbol{E}_\parallel\cdot\mathrm{d}\boldsymbol{L}_\parallel = E_\parallel\,\mathrm{d}L_\parallel$ لکھا گیا ہے جبکہ $\boldsymbol{E}_\parallel$ اور $\mathrm{d}\boldsymbol{L}_\perp$ کے مابین نوے درجے کا زاویہ ہونے کی بنا پر $\boldsymbol{E}_\parallel\cdot\mathrm{d}\boldsymbol{L}_\perp = 0$ ہے۔ اس مساوات کا پہلا جزو $-E_\parallel\,\mathrm{d}L_\parallel$ نقطہ B اور C کے درمیان برقی دباو دیتا ہے۔ ہم قوہ سطح پر ہر جگہ برابر برقی دباو پایا جاتا ہے لہٰذا B اور C کے درمیان کسی قسم کا برقی دباو نہیں پایا جاتا یعنی $-E_\parallel\,\mathrm{d}L_\parallel$ صفر کے برابر ہے۔ اب چونکہ $\mathrm{d}L_\parallel$ صفر کے برابر نہیں ہے لہٰذا کسی بھی ہم قوہ سطح پر

$$\boldsymbol{E}_\parallel = 0 \tag{4.33}$$

ہو گا اور سطح پر صرف اور صرف عمودی برقی میدان پایا جائے گا یعنی

$$\boldsymbol{E} = \boldsymbol{E}_\perp \tag{4.34}$$

یوں

$$\mathrm{d}V = -E_\perp\,\mathrm{d}L_\perp \tag{4.35}$$

لکھا جا سکتا ہے۔ یہ ذہن میں رکھتے ہوئے کہ ہم قوہ سطح پر صرف عمودی میدان پایا جاتا ہے، مندرجہ بالا مساوات میں $\boldsymbol{E}_\perp$ کی جگہ $\boldsymbol{E}$ لکھتے ہیں۔

$$\mathrm{d}V = -E\,\mathrm{d}L_\perp \tag{4.36}$$

اس مساوات سے

$$E=-\frac{\mathrm{d}V}{\mathrm{d}L_{\perp}} \tag{4.37}$$

حاصل ہوتا ہے جہاں سے ظاہر ہے کہ E درحقیقت V کے ڈھلوان کے برابر مگر الٹ سمت میں ہے۔ یوں

$$\boldsymbol{E}=-\frac{\mathrm{d}V}{\mathrm{d}L_{\perp}} \tag{4.38}$$

1107 لکھا جا سکتا ہے جہاں $\boldsymbol{a}_N$ ہم قوہ سطح کا عمودی اکائی سمتیہ ہے۔

کسی نقطہ کو برقی زمین تصور کرتے ہوئے کسی دوسرے نقطے کی برقی دباو کو حتمی برقی دباو تصور کیا جاتا ہے جو نقطے کے مقام پر منحصر ہوتا ہے لہٰذا اسے $V(x,y,z)$ لکھا جا سکتا ہے جہاں برقی دباو کے آزاد متغیرات x، y اور z ہیں۔ کسی بھی قابو متغیرہ کی طرح $V(x,y,z)$ کا تفرق

$$\mathrm{d}V=\frac{\partial V}{\partial x}\,\mathrm{d}x+\frac{\partial V}{\partial y}\,\mathrm{d}y+\frac{\partial V}{\partial z}\,\mathrm{d}z \tag{4.39}$$

لکھا جا سکتا ہے۔ کارتیسی محدد میں کسی بھی برقی دباو کو

$$\boldsymbol{E}=E_x\boldsymbol{a}_{\mathrm{X}}+E_y\boldsymbol{a}_{\mathrm{Y}}+E_z\boldsymbol{a}_{\mathrm{Z}} \tag{4.40}$$

اور چھوٹی لمبائی کو

$$\mathrm{d}\boldsymbol{L}=\mathrm{d}x\boldsymbol{a}_{\mathrm{X}}+\mathrm{d}y\boldsymbol{a}_{\mathrm{Y}}+\mathrm{d}z\boldsymbol{a}_{\mathrm{Z}} \tag{4.41}$$

لکھا جا سکتا ہے۔ یہاں آپ صفحہ 5 پر دئے مساوات 1.3 پر دوبارہ نظر ڈال سکتے ہیں۔ مندرجہ بالا تین مساوات کو مساوات 4.29 میں پُر کرتے ہوئے

$$\frac{\partial V}{\partial x}\,\mathrm{d}x+\frac{\partial V}{\partial y}\,\mathrm{d}y+\frac{\partial V}{\partial z}\,\mathrm{d}z=-E_x\,\mathrm{d}x-E_y\,\mathrm{d}y-E_z\,\mathrm{d}z \tag{4.42}$$

حاصل ہوتا ہے۔ y اور z تبدیل کئے بغیر (یعنی $\mathrm{d}y=0$ اور $\mathrm{d}z=0$ لیتے ہوئے) x تبدیل کرنے سے اس مساوات کے بائیں اور دائیں ہاتھ کا پہلا جزو یعنی $\frac{\partial V}{\partial x}\,\mathrm{d}x$ اور $-E_x\,\mathrm{d}x$ تبدیل ہوتے ہیں لہٰذا یہ لازم ہے کہ یہ دونوں اجزاء برابر ہوں یعنی $\frac{\partial V}{\partial x}\,\mathrm{d}x=-E_x\,\mathrm{d}x$ جس سے $E_x=-\frac{\partial V}{\partial x}$ حاصل ہوتا ہے۔ اگر $\frac{\partial V}{\partial x}\,\mathrm{d}x$ اور $-E_x\,\mathrm{d}x$ برابر نہ ہوں تب مساوات کے ایک طرف تبدیلی دوسرے طرف کے تبدیلی کے برابر نہیں ہو گی اور یوں مساوات کے دونوں اطراف برابر نہیں رہیں گے۔ اسی طرح صرف y اور صرف z تبدیل کئے جا سکتے ہیں۔ یوں

$$\begin{aligned}E_x&=-\frac{\partial V}{\partial x}\\E_y&=-\frac{\partial V}{\partial y}\\E_z&=-\frac{\partial V}{\partial z}\end{aligned} \tag{4.43}$$

لکھا جا سکتا ہے جسے مساوات 4.40 میں پُر کرتے

$$\boldsymbol{E}=-\left(\frac{\partial V}{\partial x}\boldsymbol{a}_{\mathrm{X}}+\frac{\partial V}{\partial y}\boldsymbol{a}_{\mathrm{Y}}+\frac{\partial V}{\partial z}\boldsymbol{a}_{\mathrm{Z}}\right) \tag{4.44}$$

1108 لکھا جا سکتا ہے۔

اگر ہم

$$\nabla=\frac{\partial}{\partial x}\boldsymbol{a}_{\mathrm{X}}+\frac{\partial}{\partial y}\boldsymbol{a}_{\mathrm{y}}+\frac{\partial}{\partial z}\boldsymbol{a}_{\mathrm{Z}} \qquad \text{کارتیسی محدد میں ڈھلوان کی مساوات} \tag{4.45}$$

لکھیں جہاں کسی بھی مقداری f کے لئے ∇f سے مراد $\frac{\partial f}{\partial x}\boldsymbol{a}_{\mathrm{X}}+\frac{\partial f}{\partial y}\boldsymbol{a}_{\mathrm{y}}+\frac{\partial f}{\partial z}\boldsymbol{a}_{\mathrm{Z}}$ ہو تب مندرجہ بالا مساوات کو

$$\boldsymbol{E}=-\nabla V \tag{4.46}$$

لکھا جا سکتا ہے۔ ∇V کو برقی دباو کی ڈھلوان[17] پڑھا جاتا ہے۔ مساوات 4.45 کا بایاں ہاتھ ڈھلوان کی علامت جبکہ اس کا دایاں ہاتھ ڈھلوان کے عمل کو ظاہر کرتا ہے۔ اگرچہ ہم نے ڈھلوان کا عمل برقی دباو اور برقی میدان کے لئے حاصل کیا، حقیقت میں یہ عمل سائنس کے دیگر متغیرات کے لئے بھی درست ثابت ہوتا ہے۔ اس کی مقبولیت اسی حقیقت کی وجہ سے ہے کہ یہ جگہ جگہ پیش آتا ہے۔ ڈھلوان کا عمل مقداری پر کیا جاتا ہے جبکہ اس کا حاصل جواب سمتیہ ہوتا ہے۔ صفحہ 82 پر مساوات 3.32 پھیلاو کی تعریف بیان کرتا ہے جہاں پھیلاو کا عمل سمتیہ پر کرتے ہوئے مقداری[18] حاصل کی جاتی ہے۔ پھیلاو کے اس مساوات کو یہاں موازنے کے لئے دوبارہ پیش کرتے ہیں۔

$$\nabla\cdot\boldsymbol{D}=\frac{\partial D_x}{\partial x}+\frac{\partial D_y}{\partial y}+\frac{\partial D_z}{\partial z} \tag{4.47}$$

مشق 4.3: تفاعل $f(x,y,z)=3+z^2e^y\sin x$ کا ڈھلوان حاصل کریں۔

جواب: $z^2e^y\cos x\boldsymbol{a}_{\mathrm{X}}+z^2e^y\sin x\boldsymbol{a}_{\mathrm{y}}+2ze^y\sin x\boldsymbol{a}_{\mathrm{Z}}$

مثال 4.4: نقطہ $N_1(x_1,y_1,z_1)$ سے نقطہ $N_2(x_2,y_2,z_2)$ کا سمتی فاصلہ $\boldsymbol{R}_{21}=(x_2-x_1)\boldsymbol{a}_{\mathrm{X}}+(y_2-y_1)\boldsymbol{a}_{\mathrm{y}}+(z_2-z_1)\boldsymbol{a}_{\mathrm{Z}}$ ہے جبکہ ان کے مابین فاصلہ $R_{21}=\sqrt{(x_2-x_1)^2+(y_2-y_1)^2+(z_2-z_1)^2}$ ہے۔ نقطہ N_2 پر $\frac{1}{R_{21}}$ کی ڈھلوان حاصل کریں۔

حل: نقطہ N_2 پر ڈھلوان حاصل کرتے وقت x_2، y_2 اور z_2 کو متغیرات تصور کیا جاتا ہے جبکہ x_1، y_1 اور z_1 کو اٹل قیمتیں تصور کیا جاتا ہے۔ یوں ڈھلوان کی تعریف

$$\nabla_2=\frac{\partial}{\partial x_2}\boldsymbol{a}_{\mathrm{X}}+\frac{\partial}{\partial y_2}\boldsymbol{a}_{\mathrm{y}}+\frac{\partial}{\partial z_2}\boldsymbol{a}_{\mathrm{Z}}$$

لکھی جائے گی جہاں ∇_2 کے زیر نوشت میں 2 یاد دہانی کراتا ہے کہ نقطہ N_2 کے متغیرات ڈھلوان حاصل کرتے ہوئے استعمال کئے جائیں گے۔ ڈھلوان کا پہلا جزو

$$\begin{aligned}
\frac{\partial}{\partial x_2}\frac{1}{R_{21}}&=\frac{\partial}{\partial x_2}\left[(x_2-x_1)^2+(y_2-y_1)^2+(z_2-z_1)^2\right]^{-\frac{1}{2}}\\
&=-\frac{1}{2}\left[(x_2-x_1)^2+(y_2-y_1)^2+(z_2-z_1)^2\right]^{-\frac{3}{2}}\left[2(x_2-x_1)\right]\\
&=\frac{-(x_2-x_1)}{\left[(x_2-x_1)^2+(y_2-y_1)^2+(z_2-z_1)^2\right]^{\frac{3}{2}}}
\end{aligned}$$

[17] gradient
[18] طلباء و طالبات عموماً ڈھلوان کے حاصل جواب کے اکائی سمتیات کو غائب کرتے ہوئے انہیں پھیلاو کے ساتھ منسلک کر لیتے ہیں۔ایسا کرنے سے گریز کریں۔

یعنی

$$\frac{\partial}{\partial x_2}\frac{1}{R_{21}}=\frac{-(x_2-x_1)}{R_{21}^3}$$

حاصل ہوتا ہے۔ بقایا دو اجزاء بھی بالکل اسی طرح حل کرتے ہوئے

$$\nabla_2\frac{1}{R_{21}}=\frac{-(x_2-x_1)\boldsymbol{a}_{\mathrm{x}}-(y_2-y_1)\boldsymbol{a}_{\mathrm{y}}-(z_2-z_1)\boldsymbol{a}_{\mathrm{z}}}{R_{21}^3}$$

یعنی

$$\nabla_2\frac{1}{R_{21}}=-\frac{\boldsymbol{R}_{21}}{R_{21}^3}=-\frac{\boldsymbol{a}_{R21}}{R_{21}^2} \tag{4.48}$$

لکھا جا سکتا ہے۔

مشق 4.4: مندرجہ بالا مساوات میں نقطہ N_2 پر ڈھلوان حاصل کی گئی۔ اب آپ نقطہ N_1 پر $\frac{1}{R_{21}}$ کی ڈھلوان حاصل کرتے ہوئے ثابت کریں کہ

$$\nabla_1\frac{1}{R_{21}}=\frac{\boldsymbol{R}_{21}}{R_{21}^3} \tag{4.49}$$

کے برابر ہے۔ یوں

$$\nabla_1\frac{1}{R_{21}}=-\nabla_2\frac{1}{R_{21}} \tag{4.50}$$

لکھا جا سکتا ہے۔

4.5.1 نلکی محدد میں ڈھلوان

نلکی محدد میں برقی دباو کے آزاد متغیرات نلکی محدد کے متغیرات ہوں گے اور یوں برقی دباو $V(\rho,\phi,z)$ لکھا جائے گا۔ مساوات 4.39، مساوات 4.40 اور مساوات 4.41 کو نلکی محدد میں یوں لکھ سکتے ہیں

$$\mathrm{d}V=\frac{\partial V}{\partial\rho}\,\mathrm{d}\rho+\frac{\partial V}{\partial\phi}\,\mathrm{d}\phi+\frac{\partial V}{\partial z}\,\mathrm{d}z \tag{4.51}$$

$$\boldsymbol{E}=E_\rho\boldsymbol{a}_\rho+E_\phi\boldsymbol{a}_\phi+E_z\boldsymbol{a}_{\mathrm{z}} \tag{4.52}$$

$$\mathrm{d}\boldsymbol{L}=\mathrm{d}\rho\boldsymbol{a}_\rho+\rho\,\mathrm{d}\phi\boldsymbol{a}_\phi+\mathrm{d}z\boldsymbol{a}_{\mathrm{z}} \tag{4.53}$$

جہاں چھوٹی لمبائی $\mathrm{d}\boldsymbol{L}$ کو صفحہ 27 پر مساوات 1.44 کی مدد سے لکھا گیا ہے۔ مندرجہ بالا تین مساوات کو مساوات 4.29 میں پُر کرتے ہوئے

$$\frac{\partial V}{\partial \rho}\,\mathrm{d}\rho + \frac{\partial V}{\partial \phi}\,\mathrm{d}\phi + \frac{\partial V}{\partial z}\,\mathrm{d}z = -\left(E_\rho\,\mathrm{d}\rho + E_\phi \rho\,\mathrm{d}\phi + E_z\,\mathrm{d}z\right) \tag{4.54}$$

حاصل ہوتا ہے۔ ϕ اور z تبدیل کئے بغیر (یعنی $\mathrm{d}\phi = 0$ اور $\mathrm{d}z = 0$ لیتے ہوئے) ρ تبدیل کرنے سے اس مساوات کے بائیں اور دائیں ہاتھ کا پہلا جزو یعنی $\frac{\partial V}{\partial \rho}\,\mathrm{d}\rho$ اور $-E_\rho\,\mathrm{d}\rho$ تبدیل ہوتے ہیں۔ اگر یہ اجزاء ہر صورت برابر رہیں صرف اور صرف اسی صورت مندرجہ بالا مساوات کے دونوں بازو برابر رہیں گے لہٰذا $\frac{\partial V}{\partial \rho}\,\mathrm{d}\rho = -E_\rho\,\mathrm{d}\rho$ ہو گا جس سے $E_\rho = -\frac{\partial V}{\partial \rho}$ حاصل ہوتا ہے۔ اسی طرح باری باری ϕ اور z تبدیل کرتے ہوئے

$$\begin{aligned}
E_\phi \rho\,\mathrm{d}\phi &= -\frac{\partial V}{\partial \phi}\,\mathrm{d}\phi \\
E_z\,\mathrm{d}z &= -\frac{\partial V}{\partial z}\,\mathrm{d}z
\end{aligned}$$

لکھے جا سکتے ہیں جس سے E_ϕ اور E_z کے مساوات حاصل ہوتے ہیں۔ ان تمام جوابات کو یکجا کرتے ہیں۔

$$\begin{aligned}
E_\rho &= -\frac{\partial V}{\partial \rho} \\
E_\phi &= -\frac{1}{\rho}\frac{\partial V}{\partial \phi} \\
E_z &= -\frac{\partial V}{\partial z}
\end{aligned} \tag{4.55}$$

انہیں مساوات 4.52 میں پُر کرتے ہوئے

$$\boldsymbol{E} = -\left(\frac{\partial V}{\partial \rho}\boldsymbol{a}_\rho + \frac{1}{\rho}\frac{\partial V}{\partial \phi}\boldsymbol{a}_\phi + \frac{\partial V}{\partial z}\boldsymbol{a}_\mathrm{z}\right) \tag{4.56}$$

حاصل ہوتا ہے۔ اس کو مساوات 4.46 کی شکل میں لکھتے ہوئے نلکی محدد میں ڈھلوان کی مساوات

$$\nabla = \frac{\partial}{\partial \rho}\boldsymbol{a}_\rho + \frac{1}{\rho}\frac{\partial}{\partial \phi}\boldsymbol{a}_\phi + \frac{\partial}{\partial z}\boldsymbol{a}_\mathrm{z} \tag{4.57}$$

نلکی محدد میں ڈھلوان کی مساوات

1124 حاصل ہوتی ہے۔ مساوات 4.45 اور مساوات 4.57 کا موازنہ کریں۔ کارتیسی محدد کی مساوات نسبتاً آسان ہے۔

1125 4.5.2 کروی محدد میں ڈھلوان

صفحہ 33 پر مساوات 1.64 کروی محدد میں چھوٹی لمبائی $\mathrm{d}\boldsymbol{L}$ کی مساوات ہے۔ کروی محدد میں کسی بھی نقطے کے برقی دباو کو $V(r, \theta\phi)$ لکھا جا سکتا ہے جبکہ کسی بھی سمتیہ کی طرح $\boldsymbol{E}$ کو تین عمودی حصوں میں لکھا جا سکتا ہے۔ یوں ہم مساوات 4.39، مساوات 4.40 اور مساوات 4.41 کو کروی محدد میں یوں لکھ سکتے ہیں۔

$$\mathrm{d}V = \frac{\partial V}{\partial r}\,\mathrm{d}r + \frac{\partial V}{\partial \theta}\,\mathrm{d}\theta + \frac{\partial V}{\partial \phi}\,\mathrm{d}\phi \tag{4.58}$$

$$\boldsymbol{E} = E_r\boldsymbol{a}_\mathrm{r} + E_\theta\boldsymbol{a}_\theta + E_\phi\boldsymbol{a}_\phi \tag{4.59}$$

$$\mathrm{d}\boldsymbol{L} = \mathrm{d}r\boldsymbol{a}_\mathrm{r} + r\,\mathrm{d}\theta\boldsymbol{a}_\theta + r\sin\theta\,\mathrm{d}\phi\boldsymbol{a}_\phi \tag{4.60}$$

1126 ان تین مساوات کو مساوات 4.29 میں پُر کرتے ہوئے

$$\frac{\partial V}{\partial r}\,\mathrm{d}r + \frac{\partial V}{\partial \theta}\,\mathrm{d}\theta + \frac{\partial V}{\partial \phi}\,\mathrm{d}\phi = -\left(E_r\,\mathrm{d}r + E_\theta r\,\mathrm{d}\theta + E_\phi r \sin\theta\,\mathrm{d}\phi\right) \tag{4.61}$$

حاصل ہوتا ہے۔ اب اگر ہم صرف r کو تبدیل کریں تب $\mathrm{d}\theta = 0$ اور $\mathrm{d}\phi = 0$ ہوں گے لہٰذا مندرجہ بالا مساوات کے بائیں دائیں بازو کا پہلا جزو یعنی $\frac{\partial V}{\partial r}\,\mathrm{d}r$ اور $-E_r\,\mathrm{d}r$ تبدیل ہوں گے۔ یہ اجزاء بالکل برابر ہونے کی صورت میں ہی مساوات کے دونوں بازو برابر رہیں گے لہٰذا ہم $\frac{\partial V}{\partial r}\,\mathrm{d}r = -E_r\,\mathrm{d}r$ لکھ سکتے ہیں جس سے $E_r = -\frac{\partial V}{\partial r}$ حاصل ہوتا ہے۔ اسی طرح باری باری اور تبدیل کرتے ہوئے مساوات کے دونوں بازو کے اجزاء برابر لکھتے ہوئے

$$\begin{aligned}
\frac{\partial V}{\partial \theta}\,\mathrm{d}\theta &= -E_\theta r\,\mathrm{d}\theta \\
\frac{\partial V}{\partial \phi}\,\mathrm{d}\phi &= -E_\phi r \sin\theta\,\mathrm{d}\phi
\end{aligned}$$

حاصل ہوتا ہے جس سے E_θ اور E_ϕ کے مساوات حاصل ہوتے ہیں۔ ان تمام جوابات کو یکجا کرتے ہیں۔

$$\begin{aligned}
E_r &= -\frac{\partial V}{\partial r} \\
E_\theta &= -\frac{1}{r}\frac{\partial V}{\partial \theta} \\
E_\phi &= -\frac{1}{r\sin\theta}\frac{\partial V}{\partial \phi}
\end{aligned}$$

ان قیمتوں کو مساوات 4.59 میں پُر کرتے ہوئے

$$\boldsymbol{E} = -\left(\frac{\partial V}{\partial r}\boldsymbol{a}_{\mathrm{r}} + \frac{1}{r}\frac{\partial V}{\partial \theta}\boldsymbol{a}_\theta + \frac{1}{r\sin\theta}\frac{\partial V}{\partial \phi}\boldsymbol{a}_\phi\right) \tag{4.62}$$

لکھا جا سکتا ہے جس سے کروی محدد میں ڈھلوان کی مساوات یوں لکھی جا سکتی ہے۔

$$\nabla = \frac{\partial}{\partial r}\boldsymbol{a}_{\mathrm{r}} + \frac{1}{r}\frac{\partial}{\partial \theta}\boldsymbol{a}_\theta + \frac{1}{r\sin\theta}\frac{\partial}{\partial \phi}\boldsymbol{a}_\phi \qquad \text{کروی محدد میں ڈھلوان کی مساوات} \tag{4.63}$$

1127

مشق 4.5: صفحہ 84 پر حصہ 3.10 میں پھیلاو کی عمومی مساوات کا حصول دکھایا گیا جہاں عمومی محدد کے متغیرات (u, v, w) اور اکائی سمتیات $(\boldsymbol{a}_u, \boldsymbol{a}_v, \boldsymbol{a}_w)$
1129 لئے گئے۔ ایسا ہی کرتے ہوئے ڈھلوان کی عمومی مساوات حاصل کریں۔

جواب:

$$\nabla = \frac{1}{K_1}\frac{\partial}{\partial u}\boldsymbol{a}_u + \frac{1}{K_2}\frac{\partial}{\partial v}\boldsymbol{a}_v + \frac{1}{K_3}\frac{\partial}{\partial w}\boldsymbol{a}_w \qquad \text{ڈھلوان کی عمومی مساوات}$$

1130

1131

1132 مثال 4.5: صفحہ 4.15 پر مساوات 4.15 نقطہ چارج کا برقی دباو دیتا ہے۔ مساوات 4.62 کے استعمال سے کروی محدد میں $\boldsymbol{E}$ کی مساوات حاصل کریں۔



شکل 4.9: جفت قطب

حل: برقی دباو $V = \frac{Q}{4\pi\epsilon_0 r}$ کروی محدد کے رداس پر منحصر ہے جبکہ θ اور ϕ کا اس میں کوئی کردار نہیں لہٰذا مساوات 4.62 میں $\frac{\partial V}{\partial \theta}$ اور $\frac{\partial V}{\partial \phi}$ صفر کے برابر ہوں گے۔اس طرح $\frac{\partial V}{\partial r}$ لیتے ہوئے $\boldsymbol{E} = \frac{Q}{4\pi\epsilon_0 r^2}\boldsymbol{a}_{\mathrm{r}}$ حاصل ہوتا ہے۔

یہاں بتلاتا چلوں کہ حقیقی دنیا میں عموماً برقی دباو معلوم ہوتی ہے جس سے برقی میدان کا حصول درکار ہوتا ہے۔اس کی مثال بجلی کی دو تاریں ہو سکتی ہیں جن کے درمیان 220 V پایا جاتا ہے اور جن کے درمیان آپ برقی میدان جاننا چاہتے ہوں۔

4.6 جفت قطب

شکل 4.9-الف میں محدد کے مرکز سے $\frac{d}{2}$ فاصلے پہ z محدد پر ایک جانب $+Q$ اور دوسری جانب $-Q$ نقطہ چارج دکھائے گئے ہیں۔یوں برابر مقدار مگر الٹ علامت کے نقطہ چارجوں کے درمیان d فاصلہ ہے۔ایسی جوڑی چارجوں کو **جفت قطب**[19] کہا جاتا ہے۔ہمیں جفت قطب سے دور نقطہ N پر برقی میدان اور برقی دباو کی قیمتیں درکار ہیں۔کسی بھی دور نقطے سے یہ دونوں چارج تقریباً مرکز پر دکھائی دیتے ہیں۔دور نقطے سے ایسا نقطہ مراد ہے جہاں مرکز سے نقطے تک کا فاصلہ r جفت قطب چارجوں کے درمیان فاصلہ d سے بہت زیادہ ہو یعنی جب $d \gg r$ ہو۔ہم دیکھ سکتے ہیں کہ r یا θ تبدیل کرنے سے برقی میدان تبدیل ہو گا جبکہ ϕ تبدیل کرنے سے ایسا نہیں ہو گا۔شکل 4.9-الف میں R_1 اور R_2 دونوں r کی جانب جھک کر N پر آ ملتے ہیں۔نقطہ N کو جتنا دور لے جایا جائے اتنی ہی R_1 اور R_2 دونوں r کے متوازی صورت اختیار کرتے ہیں حتٰی کہ آخر کار یہ شکل 4.9-ب کی طرح نظر آتے ہیں۔آئیں اس شکل کی مدد سے دور نقطے پر برقی دباو اور برقی میدان حاصل کریں۔

شکل 4.9-ب میں R_1، R_2 اور r تینوں z محدد کے ساتھ θ زاویہ بناتے ہیں۔چارج $+Q$ سے R_2 پر عمود بناتے ہوئے

$$
\begin{aligned}
R_2 - R_1 &= d\cos\theta \\
R_1 &= r - \frac{d}{2}\cos\theta \\
R_2 &= r + \frac{d}{2}\cos\theta
\end{aligned}
\tag{4.64}
$$

لکھا جا سکتا ہے۔شکل 4.9-الف میں N پر برقی دباو V مساوات 4.22 کی مدد سے

$$
V = \frac{1}{4\pi\epsilon_0}\left(\frac{Q}{R_1} - \frac{Q}{R_2}\right) = \frac{Q}{4\pi\epsilon_0}\left(\frac{R_2 - R_1}{R_1 R_2}\right)
\tag{4.65}
$$

---

[19] dipole

لکھی جا سکتی ہے۔ مساوات 4.64 کی مدد سے اسے

$$
\begin{aligned}
V &= \frac{Q}{4\pi\epsilon_0} \frac{d\cos\theta}{(r-\frac{d}{2}\cos\theta)(r+\frac{d}{2}\cos\theta)} \\
&= \frac{Q}{4\pi\epsilon_0} \frac{d\cos\theta}{(r^2-\frac{d^2}{4}\cos^2\theta)} \\
&= \frac{Q}{4\pi\epsilon_0 r^2} \frac{d\cos\theta}{(1-\frac{d^2}{4r^2}\cos^2\theta)}
\end{aligned}
$$

لکھا جا سکتا ہے۔ نیچے قوسین میں $\cos\theta \leq 1$ اور $r \gg d$ کی وجہ سے $\frac{d^2}{4r^2}\cos^2\theta \ll 1$ ہو گا اور یوں $\frac{d^2}{4r^2}\cos^2\theta$ کو نظرانداز کیا جا سکتا ہے۔ یوں

$$
V = \frac{Qd\cos\theta}{4\pi\epsilon_0 r^2} \tag{4.66}
$$

حاصل ہوتا ہے۔ مساوات 4.62 کو استعمال کرتے ہوئے اس مساوات سے برقی میدان لکھتے ہیں۔

$$
\boldsymbol{E} = \frac{Qd}{4\pi\epsilon_0 r^3}\left(2\cos\theta\boldsymbol{a}_{\text{r}} + \sin\theta\boldsymbol{a}_\theta\right) \tag{4.67}
$$

ہم پہلے برقی دباو اور پھر ڈھلوان کی مدد سے برقی میدان حاصل کرنے کے بجائے پہلے برقی میدان اور پھر تکمل استعمال کرتے ہوئے برقی دباو حاصل کر سکتے ہیں البتہ ایسا کرنا اتنا آسان ثابت نہیں ہوتا۔ شوق رکھنے والوں کے لئے مثال 4.6 میں اسی طریقے کو استعمال کرتے ہوئے دور نقطے پر جفت قطب سے پیدا میدان اور برقی دباو حاصل کئے گئے ہیں۔

جفت قطب کا چارج $|Q|$ ضرب چارجوں کے درمیان سمتی فاصلہ $\boldsymbol{d}$ کو **معیار اثر جفت قطب**[20] کہتے ہیں اور اسے $\boldsymbol{p}$ سے ظاہر کیا جاتا ہے۔ یوں

$$
\boldsymbol{p} = Q\boldsymbol{d} \tag{4.68}
$$

کے برابر ہے جہاں سمتی فاصلہ منفی چارج سے مثبت چارج کی سمت میں ہوتا ہے لہٰذا شکل 4.9 میں $\boldsymbol{d} = d\boldsymbol{a}_{\text{z}}$ ہے۔ اس طرح چونکہ $\boldsymbol{a}_{\text{z}} \cdot \boldsymbol{a}_{\text{r}} = \cos\theta$ کے برابر ہے لہٰذا یوں ہم مساوات 4.66 کو

$$
V = \frac{\boldsymbol{p}\cdot\boldsymbol{a}_{\text{r}}}{4\pi\epsilon_0 r^2} \tag{4.69}
$$

لکھ سکتے ہیں۔ اسی مساوات کو مزید یوں بھی لکھا جا سکتا ہے

$$
V = \frac{1}{4\pi\epsilon_0|\boldsymbol{r}-\boldsymbol{r}'|^2}\boldsymbol{p}\cdot\frac{\boldsymbol{r}-\boldsymbol{r}'}{|\boldsymbol{r}-\boldsymbol{r}'|} \tag{4.70}
$$

جہاں $\boldsymbol{r}$ اس نقطے کی نشاندہی کرتا ہے جہاں برقی دباو حاصل کیا جا رہا ہو جبکہ $\boldsymbol{r}'$ جفت قطب کے مرکز کی نشاندہی کرتا ہے۔ یہ مساوات کسی بھی محدد نظام سے آزاد مساوات ہے۔

مساوات 4.66 کے تحت r بڑھانے سے برقی دباو r^2 گنا کم ہوتا ہے۔ یاد رہے کہ اکیلے چارج کا برقی دباو ایسی صورت میں r گنا کم ہوتا ہے۔ ہمیں تعجب نہیں ہونا چاہیے چونکہ دور سے جفت قطب کے دو چارج نہایت قریب قریب نظر آتے ہیں جس سے مثبت چارج کا اثر منفی چارج کا اثر تقریباً ختم کرتا ہے۔ یہی حقیقت مساوات 4.67 میں بھی نظر آتا ہے جہاں r بڑھانے سے $\boldsymbol{E}$ کی قیمت r^3 گنا کم ہوتی ہے۔

جب تک Q ضرب $\boldsymbol{d}$ کی قیمت تبدیل نہ ہو اس وقت تک دور کسی بھی نقطے پر جفت قطب کے اثرات میں کوئی تبدیلی رونما نہیں ہوتی۔ یوں Q کو کم یا زیادہ کرتے ہوئے اگر $\boldsymbol{d}$ کو یوں تبدیل کیا جائے کہ $Q\boldsymbol{d}$ تبدیل نہ ہو تو جفت قطب سے دور نقطے پر جفت قطب کے اثرات میں کوئی تبدیلی نہیں پائی جائے گی۔ اب اگر ہم $Q\boldsymbol{d}$ کی قیمت محدود رکھتے ہوئے $\boldsymbol{d}$ کو اتنا کم کر دیں کہ اسے صفر تصور کیا جا سکے اور ساتھ ہی ساتھ Q کو اتنا بڑھا دیں کہ اسے لامحدود تصور کیا جا سکے تو ایسی صورت میں ہمیں **نقطہ جفت قطب** حاصل ہو گا۔

---

[20] dipole moment



شکل 4.10: جفت قطب کے ہم قوہ اور سمت بہاو خط۔

4.6.1 جفت قطب کے سمت بہاو خط

ہم پہلے صفحہ 64 پر حصہ 2.7 میں سمت بہاو خط[21] پر غور کر چکے ہیں۔ آئیں جفت قطب کے سمت بہاو خط کھینچنا دیکھیں۔ برقی دباو کے سمت بہاو خط مساوات 4.66 کی مدد سے کھینچے جا سکتے ہیں۔ اس مساوات میں $\frac{Qd}{4\pi\epsilon_0}$ مستقل ہے جسے ایک کے برابر لیتے ہوئے $V=\frac{\cos\theta}{r^2}$ حاصل ہوتا ہے۔ مختلف برقی دباو کی قیمتوں کے لئے اسے کھینچ کر برقی دباو کے سمت بہاو خط حاصل کئے جاتے ہیں۔ شکل 4.10 میں $V=0.2,0.4,0.6,0.8$ کے لئے اس مساوات کے خط دکھائے گئے ہیں۔ مساوات 4.65 کے تحت دونوں چارج سے برابر فاصلہ پر $V=0$ حاصل ہوتا ہے۔ یوں $z=0$ لا محدود سطح پر برقی دباو صفر ہو گا اور یہ بطور برقی زمین کردار ادا کرے گی۔

جفت قطب کے میدان کے سمت بہاو خط مساوات 4.67 کی مدد سے کھینچے جاتے ہیں۔ اس مساوات کا پہلا جزو کسی بھی نقطے پر $\boldsymbol{a}_{\mathrm{r}}$ سمت میں میدان E_r دیتا ہے جبکہ اس کا دوسرا جزو اسی نقطے پر $\boldsymbol{a}_{\theta}$ سمت میں میدان E_θ دیتا ہے۔ اس طرح اس نقطے پر ہم

$$\frac{E_r}{E_\theta}=\frac{\mathrm{d}r}{r\,\mathrm{d}\theta}=\frac{2\cos\theta}{\sin\theta}$$

یا

$$\frac{\mathrm{d}r}{r}=\frac{2\cos\theta}{\sin\theta}\,\mathrm{d}\theta$$

لکھ کر تکمل لیتے ہوئے

$$\ln r=2\ln\sin\theta+\ln M$$

یا

$$r=M\sin^2\theta \tag{4.71}$$

حاصل کرتے ہیں جہاں $\ln M$ تکمل کا مستقل ہے۔ یہ مساوات جفت قطب کے میدان کے سمت بہاو خط دیتا ہے جنہیں شکل 4.10 میں $M=1,1.5,2,2.5$ کے لئے کھینچا گیا ہے۔ برقی زمین پر برقی میدان عمودی ہے۔

[21] streamlines

مثال 4.6: شکل 4.9-الف میں دکھائے گئے جفت قطب سے دور کسی نقطے N پر پہلے برقی میدان اور پھر اس برقی میدان کو استعمال کرتے ہوئے برقی دباو حاصل 116
کریں۔ 1166

صفحہ 24 پر مثال 1.8 میں $\boldsymbol{R}_1 = R_1 \boldsymbol{a}_1$ اور $\boldsymbol{R}_2 = R_2 \boldsymbol{a}_2$ سمتیوں کو کروی نظام میں لکھنا دکھایا گیا ہے۔ انہیں یہاں دوبارہ پیش کرتے ہیں۔

$$
\begin{aligned}
\boldsymbol{R}_1 &= (r - \frac{d}{2}\cos\theta)\boldsymbol{a}_{\mathrm{r}} + \frac{d}{2}\sin\theta \boldsymbol{a}_\theta \\
\boldsymbol{R}_2 &= (r + \frac{d}{2}\cos\theta)\boldsymbol{a}_{\mathrm{r}} - \frac{d}{2}\sin\theta \boldsymbol{a}_\theta
\end{aligned}
$$

جس سے $R_1 = |\boldsymbol{R}_1| = \sqrt{\boldsymbol{R}_1 \cdot \boldsymbol{R}_1}$ حاصل کرتے ہیں۔

$$
\begin{aligned}
R_1 &= \sqrt{\left(r - \frac{d}{2}\cos\theta\right)^2 + \left(\frac{d}{2}\sin\theta \boldsymbol{a}_\theta\right)^2} \\
&= r\sqrt{1 - \frac{d}{r}\cos\theta + \frac{d^2}{r^2}} \\
&\approx r\sqrt{1 - \frac{d}{r}\cos\theta} \qquad (d \ll r)
\end{aligned}
\tag{4.72}
$$

آخری قدم پر $r \gg d$ کی بنا پر $\frac{d^2}{r^2}$ کو رد کیا گیا ہے۔ ہم جانتے ہیں کہ

$$
(a+b)^n = a^n + \frac{na^{n-1}b}{1!} + \frac{n(n-1)a^{n-2}b^2}{2!} + \cdots
$$

لکھا جا سکتا ہے۔ اگر $a = 1$ اور $b = -\frac{d}{r}\cos\theta$ کے برابر ہوں تب مساوات 4.72 میں دئے R_1 کی طاقت تین کے لئے ہم لکھ سکتے ہیں

$$
R_1^3 = r^3(1 - \tfrac{d}{r}\cos\theta)^{\frac{3}{2}} = r^3\left(1 - \tfrac{3d}{2r}\cos\theta + \cdots\right)
$$

اس مساوات کے پہلے دو جزو دکھائے گئے ہیں۔ اس کے تیسرے جزو میں $\frac{d^3}{r^3}$ چوتھے جزو میں $\frac{d^4}{r^4}$ پائے جاتے ہیں لہٰذا پہلے دو اجزاء کے علاوہ تمام اجزاء کو نظرانداز کیا جا سکتا ہے۔ یوں

$$
R_1^3 = r^3\left(1 - \frac{3d}{2r}\cos\theta\right) \tag{4.73}
$$

صورت اختیار کر لیتا ہے۔ یہی عمل R_2^3 کے لئے کرنے سے

$$
R_2^3 = r^3\left(1 + \frac{3d}{2r}\cos\theta\right) \tag{4.74}
$$

حاصل ہوتا ہے۔ صفحہ 44 پر مساوات 2.18 کو استعمال کرتے ہوئے دونوں چارجوں سے کل برقی میدان ان کے علیحدہ علیحدہ میدان کے مجموعہ لے کو یوں لکھا جا سکتا ہے۔

$$
\begin{aligned}
\boldsymbol{E} &= \frac{Q}{4\pi\epsilon_0}\frac{\boldsymbol{R}_1}{R_1^3} - \frac{Q}{4\pi\epsilon_0}\frac{\boldsymbol{R}_2}{R_2^3} \\
&= \frac{Q}{4\pi\epsilon_0}\left(\frac{\left[(r - \frac{d}{2}\cos\theta)\boldsymbol{a}_{\mathrm{r}} + \frac{d}{2}\sin\theta\boldsymbol{a}_\theta\right]}{r^3(1 - \frac{3d}{2r}\cos\theta)} - \frac{\left[(r + \frac{d}{2}\cos\theta)\boldsymbol{a}_{\mathrm{r}} - \frac{d}{2}\sin\theta\boldsymbol{a}_\theta\right]}{r^3(1 + \frac{3d}{2r}\cos\theta)}\right) \\
&= \frac{Qd}{4\pi\epsilon_0 r^3}\left(\frac{2\cos\theta\boldsymbol{a}_{\mathrm{r}} + \sin\theta\boldsymbol{a}_\theta}{(1 - \frac{3d}{2r}\cos\theta)(1 + \frac{3d}{2r}\cos\theta)}\right)
\end{aligned}
$$

اس مساوات میں کسر کے نچلے حصے کو ضرب دیتے ہوئے $(1-\frac{9d^2}{4r^2}\cos^2\theta\approx 1)$ لکھا جا سکتا ہے جہاں $\frac{d^2}{r^2}$ والے جزو کو نظر انداز کیا گیا ہے۔ یوں

$$\boldsymbol{E}=\frac{Qd}{4\pi\epsilon_0 r^3}(2\cos\theta\boldsymbol{a}_{\mathrm{r}}+\sin\theta\boldsymbol{a}_\theta) \tag{4.75}$$

حاصل ہوتا ہے جو مساوات 4.67 ہی ہے۔

آئیں اب مساوات 4.75 سے نقطہ $N_0(r,\theta,\phi)$ پر برقی دباو حاصل کریں۔ ہم برقی زمین کو لا محدود فاصلے پر رکھتے ہیں۔ لا محدود فاصلے پر نقطہ $N_3(\infty,\theta',\phi')$ سے کروی محدد کے مرکز کی جانب سیدھا چلتے ہوئے ہم پہلے $N_2(r,\theta',\phi')$ تک پہنچتے ہیں۔ اس کے بعد صرف θ تبدیل کرتے ہوئے ہم $N_1(r,\theta,\phi')$ پہنچیں گے اور آخر کار r اور θ تبدیل کئے بغیر $N_0(r,\theta,\phi)$ پہنچیں گے۔

صفحہ 33 پر مساوات 1.64 کروی محدد میں چھوٹی لمبائی $\mathrm{d}\boldsymbol{L}$ کی مساوات ہے۔ اسے یہاں دوبارہ لکھتے ہیں۔

$$\mathrm{d}\boldsymbol{L}=\mathrm{d}r\boldsymbol{a}_{\mathrm{r}}+r\,\mathrm{d}\theta\boldsymbol{a}_\theta+r\sin\theta\,\mathrm{d}\phi\boldsymbol{a}_\phi \tag{4.76}$$

N_3 سے N_2 تک چلتے ہوئے $\mathrm{d}\theta=0$ اور $\mathrm{d}\phi=0$ ہوں گے لہٰذا N_3 کے حوالے سے N_2 پر برقی دباو V_{23}

$$\begin{aligned}V_{23}&=-\int_{N_3}^{N_2}\boldsymbol{E}\cdot\mathrm{d}\boldsymbol{L}=-\frac{Qd}{4\pi\epsilon_0}\int_{N_3}^{N_2}\frac{(2\cos\theta\boldsymbol{a}_{\mathrm{r}}+\sin\theta\boldsymbol{a}_\theta)\cdot\mathrm{d}r\boldsymbol{a}_{\mathrm{r}}}{r^3}\\&=-\frac{Qd}{4\pi\epsilon_0}\int_{N_3}^{N_2}\frac{2\cos\theta\,\mathrm{d}r}{r^3}=\left.\frac{Qd\cos\theta}{4\pi\epsilon_0 r^2}\right|_{\infty,\theta',\phi'}^{r,\theta',\phi'}=\frac{Qd\cos\theta'}{4\pi\epsilon_0 r^2}\end{aligned}$$

حاصل ہوتا ہے۔ اب N_2 سے N_1 چلتے ہیں۔ ہم اس راستے $\mathrm{d}r=0$ اور $\mathrm{d}\phi=0$ رکھتے ہیں لہٰذا

$$\begin{aligned}V_{12}&=-\int_{N_2}^{N_1}\boldsymbol{E}\cdot\mathrm{d}\boldsymbol{L}=-\frac{Qd}{4\pi\epsilon_0}\int_{N_2}^{N_1}\frac{(2\cos\theta\boldsymbol{a}_{\mathrm{r}}+\sin\theta\boldsymbol{a}_\theta)\cdot r\,\mathrm{d}\theta\boldsymbol{a}_\theta}{r^3}\\&=-\frac{Qd}{4\pi\epsilon_0}\int_{N_2}^{N_1}\frac{\sin\theta\,\mathrm{d}\theta}{r^2}=\frac{Qd}{4\pi\epsilon_0}\left.\frac{\cos\theta}{r^2}\right|_{r,\theta',\phi'}^{r,\theta,\phi'}=\frac{Qd}{4\pi\epsilon_0}\frac{(\cos\theta-\cos\theta')}{r^2}\end{aligned}$$

ہو گا۔ اب N_1 سے N چلتے ہیں۔ اس راستے $\mathrm{d}r=0$ اور $\mathrm{d}\theta=0$ رکھے گئے ہیں لہٰذا

$$V_{01}=-\int_{N_1}^{N_0}\boldsymbol{E}\cdot\mathrm{d}\boldsymbol{L}=-\frac{Qd}{4\pi\epsilon_0}\int_{N_1}^{N_0}\frac{(2\cos\theta\boldsymbol{a}_{\mathrm{r}}+\sin\theta\boldsymbol{a}_\theta)\cdot r\sin\theta\,\mathrm{d}\phi\boldsymbol{a}_\phi}{r^3}=0$$

حاصل ہوتا ہے جہاں $\boldsymbol{a}_{\mathrm{r}}\cdot\boldsymbol{a}_\phi=0$ اور $\boldsymbol{a}_\theta\cdot\boldsymbol{a}_\phi=0$ کی بدولت تکمل صفر کے برابر لیا گیا ہے۔ یوں V_{23}، V_{12} اور V_{01} جمع کرتے ہوئے N_3 سے N_0 تک کا برقی دباو

$$V_0=V_{03}=V_{23}+V_{12}+V_{01}=\frac{Qd\cos\theta}{4\pi\epsilon_0 r^2} \tag{4.77}$$

حاصل ہوتا ہے جو مساوات 4.66 ہی ہے۔

مندرجہ بالا مثال سے آپ نے دیکھ لیا ہو گا کہ پہلے برقی میدان اور بعد میں برقی دباو حاصل کرنا زیادہ مشکل کام ہے۔ برقی دباو کی افادیت اس مثال سے صاف ظاہر ہے۔ حقیقی دنیا میں عموماً برقی دباو ہی معلوم ہوتی ہے جیسے دو متوازی دھاتی چادروں کے درمیان برقی دباو یا گھریلو صارفین کے ہاں دو برقی تاروں کے درمیان برقی دباو۔ ہم ایسی برقی دباو جانتے ہوئے اس سے مختلف متغیرات حاصل کرتے ہیں۔

4.7 ساکن برقی میدان کی کثافت توانائی

برقی دباو پر غور کرتے ہوئے ہم نے دیکھا کہ برقی میدان میں لا محدود فاصلے سے چارج کو کسی نقطہ منتقل کرنے کے لئے توانائی درکار ہوتی ہے۔ یہ توانائی چارج کو حرکت دینے والا محرک مہیا کرتا ہے۔ چونکہ توانائی اٹل ہے لہٰذا یہ توانائی بصورت مخفی توانائی چارج میں منتقل ہو جاتی ہے۔ جب تک بیرونی قوت چارج کو اس نقطے پر روکے رکھے یہ توانائی چارج میں بطور مخفی توانائی رہے گی۔ اگر چارج کو بیرونی طاقت نہ روکے تو مخفی توانائی حرکی[22] توانائی میں تبدیل ہوتے ہوئے چارج کو حرکت دے گی۔ یوں اب چارج از خود کام کرنے کے قابل ہو گا۔

آئیں دیکھیں کہ اگر اسی طرح مختلف چارج کو لا محدود فاصلے سے مختلف مقامات پر لا کر وہیں روکے رکھا جائے تو اس پورے نظام کی کل مخفی توانائی کتنی ہو گی۔ یہ توانائی ان چارجوں کو اپنی اپنی جگہوں پر منتقل کرنے کے لئے درکار بیرونی توانائی کے مجموعے سے حاصل کی جا سکتی ہے۔

شروع خالی خلاء سے کرتے ہیں۔ خالی خلاء میں چونکہ کوئی چارج نہیں پایا جاتا لہٰذا اس میں برقی میدان صفر کے برابر ہو گا۔ یوں پہلے چارج Q_1 کو لا محدود فاصلے سے نقطہ N_1 منتقل کرنے کے لئے صفر توانائی درکار ہو گی۔ اب چونکہ خلاء میں Q_1 موجود ہے لہٰذا دوسرے چارج Q_2 کو نقطہ N_2 منتقل کرنے کے لئے $Q_2 V_{2,1}$ توانائی درکار ہو گی جہاں N_2 پر پہلے چارج کی وجہ سے پیدا برقی دباو کو $V_{2,1}$ لکھا گیا ہے۔ $V_{2,1}$ لکھتے ہوئے زیر نوشت میں پہلا عدد منتقل کئے جانے والے چارج کی نشاندہی کرتا ہے جبکہ پہلا عدد منتقلی کے نقطے پر برقی دباو پیدا کرنے والے چارج کی نشاندہی کرتا ہے۔ یوں

$$\text{چارج } Q_2 \text{ منتقل کرنے کے لئے درکار توانائی} = Q_2 V_{2,1}$$

لکھا جائے گا۔ اب خلاء میں دو عدد چارج پائے جاتے ہیں لہٰذا نقطہ N_3 پر Q_1 سے پیدا $V_{3,1}$ اور Q_2 سے پیدا $V_{3,2}$ برقی دباو ہوں گے۔ یوں N_3 پر کل $V_{3,1} + V_{3,2}$ برقی دباو ہو گا لہٰذا

$$\text{چارج } Q_3 \text{ منتقل کرنے کے لئے درکار توانائی} = Q_3 V_{3,1} + Q_3 V_{3,2}$$

اور اسی طرح

$$\text{چارج } Q_4 \text{ منتقل کرنے کے لئے درکار توانائی} = Q_4 V_{4,1} + Q_4 V_{4,2} + Q_4 V_{4,3}$$

ہو گا۔ یہی طریقہ کار مزید چارج منتقل کرنے کے لئے درکار توانائی دریافت کرنے کے لئے استعمال کیا جائے گا۔ کل مخفی توانائی W تمام چارجوں کو منتقل کرنے کے لئے درکار توانائی کے برابر ہو گا جو مندرجہ بالا طرز کے تمام جوابات کا مجموعہ ہو گا یعنی

$$\begin{aligned} W &= Q_2 V_{2,1} + Q_3 V_{3,1} + Q_3 V_{3,2} + Q_4 V_{4,1} + Q_4 V_{4,2} + Q_4 V_{4,3} + \cdots \\ &= Q_2 (V_{2,1}) + Q_3 (V_{3,1} + V_{3,2}) + Q_4 (V_{4,1} + V_{4,2} + V_{4,3}) + \cdots \end{aligned} \tag{4.78}$$

مندرجہ بالا مساوات میں کسی رکن مثلاً $Q_4 V_{4,2}$ کو دیکھیں۔ اسے یوں

$$Q_4 V_{4,2} = Q_4 \frac{Q_2}{4\pi\epsilon_0 R_{42}} = Q_2 \frac{Q_4}{4\pi\epsilon_0 R_{24}} = Q_2 V_{2,4}$$

لکھا جا سکتا ہے جہاں Q_2 اور Q_4 کے درمیان مقداری فاصلے کو R_{42} یا R_{24} لکھا جا سکتا ہے۔ اس طرح $Q_4 V_{4,2}$ کو $Q_2 V_{2,4}$ لکھا جا سکتا ہے۔ اس طرح مساوات 4.78 کے ہر جزو کو تبدیل کرتے ہوئے اسے

$$\begin{aligned} W &= Q_1 V_{1,2} + Q_1 V_{1,3} + Q_2 V_{2,3} + Q_1 V_{1,4} + Q_2 V_{2,4} + Q_3 V_{3,4} + \cdots \\ &= Q_1 (V_{1,2} + V_{1,3} + V_{1,4} + \cdots) + Q_2 (V_{2,3} + V_{2,4} + \cdots) + Q_3 (V_{3,4} + \cdots) \end{aligned} \tag{4.79}$$

[22] kinetic energy

لکھا جا سکتا ہے۔ مساوات 4.78 اور مساوات 4.79 کو جمع کرتے ہوئے

$$
\begin{aligned}
2W = \quad & Q_1(V_{1,2} + V_{1,3} + V_{1,4} + \cdots) \\
& + Q_2(V_{2,1} + V_{2,3} + V_{2,4} + \cdots) \\
& + Q_3(V_{3,1} + V_{3,2} + V_{3,4} + \cdots) \\
& + \cdots
\end{aligned}
\tag{4.80}
$$

حاصل ہوتا ہے۔ اس مساوات کے پہلے قوسین میں $V_{1,2}$ نقطہ N_1 پر Q_2 کا پیدا کردہ برقی دباو ہے۔ اسی طرح $V_{1,3}$ نقطہ N_1 پر Q_3 کا پیدا کردہ برقی دباو ہے جبکہ $V_{1,4}$ یہیں پر Q_4 کا پیدا کردہ برقی دباو ہے۔ یوں قوسین میں بند قیمت نقطہ N_1 پر تمام چارجوں کا مجموعی برقی دباو V_1 ہے۔ یاد رہے کہ N_1 پر برقی دباو حاصل کرتے وقت یہیں پر پائے جاتے چارج Q_1 کو شامل نہیں کیا جاتا۔ یوں

$$
V_1 = V_{1,2} + V_{1,3} + V_{1,4} + \cdots
$$

کے برابر ہے۔ اس طرح مندرجہ بالا مساوات سے

$$
W = \frac{1}{2}\left(Q_1V_1 + Q_2V_2 + Q_3V_3 + \cdots\right) = \frac{1}{2}\sum_{m=1}^{n} Q_mV_m
\tag{4.81}
$$

حاصل ہوتا ہے جہاں

$$
\begin{aligned}
V_1 &= V_{1,2} + V_{1,3} + V_{1,4} + \cdots \\
V_2 &= V_{2,1} + V_{2,3} + V_{2,4} + \cdots \\
V_3 &= V_{3,1} + V_{3,2} + V_{3,4} + \cdots
\end{aligned}
$$

1183 لکھے گئے ہیں۔

ایسی حجم جس میں حجمی چارج کثافت ρ_h پائی جائے کی کل مخفی توانائی حاصل کرنے کی غرض سے چھوٹے چھوٹے حجم $\mathrm{d}h$ میں چارج $\mathrm{d}Q = \rho_h \,\mathrm{d}h$ کو نقطہ چارج تصور کرتے ہوئے مساوات 4.81 کا استعمال کیا جا سکتا ہے۔ ایسی صورت میں یہ مساوات تکمل کی شکل اختیار کر لے گی یعنی

$$
W = \frac{1}{2}\int_h \rho_h V \,\mathrm{d}h
\tag{4.82}
$$

1184 جہاں تکمل پورے حجم h کے لئے حاصل کیا گیا ہے۔

مثال 4.7 میں کارتیسی محدد استعمال کرتے ہوئے مندرجہ ذیل مساوات کا ثبوت دکھایا گیا ہے۔

$$
\nabla \cdot (V\boldsymbol{D}) = V(\nabla \cdot \boldsymbol{D}) + \boldsymbol{D} \cdot (\nabla V)
\tag{4.83}
$$

مساوات 4.83 اور صفحہ 82 پر مساوات 3.33 کے استعمال سے مساوات 4.82 کو یوں لکھا جا سکتا ہے۔

$$
\begin{aligned}
W &= \frac{1}{2}\int_h (\nabla \cdot \boldsymbol{D})V \,\mathrm{d}h \\
&= \frac{1}{2}\int_h \left[\nabla \cdot (V\boldsymbol{D}) - \boldsymbol{D} \cdot (\nabla V)\right] \mathrm{d}h
\end{aligned}
\tag{4.84}
$$

اس مساوات میں تکمل کے دو اجزاء ہیں۔ پہلے جزو کو مسئلہ پھیلاو، جسے صفحہ 87 پر مساوات 3.43 دیتا ہے، کی مدد سے بند سطحی تکمل کی صورت میں یوں لکھا جا سکتا ہے۔

$$
\frac{1}{2}\int_h \nabla \cdot (V\boldsymbol{D}) \,\mathrm{d}h = \frac{1}{2}\oint_S (V\boldsymbol{D}) \cdot \mathrm{d}\boldsymbol{S}
\tag{4.85}
$$

ہاں بائیں جانب حجم h جبکہ دائیں جانب اس حجم کی سطح S پر تکمل حاصل کیا جاتا ہے۔ h اس حجم کو ظاہر کرتا ہے جس میں مساوات 4.82 کے تمام چارج پائے جاتے ہیں۔ مساوات 4.82 میں حجم کے ایسے حصے بھی ہوں گے جہاں چارج کثافت ρ_h کی قیمت صفر ہو گی۔ ایسے حصوں کا تکمل $\rho_h = 0$ کی بنا پر صفر کے برابر ہو گا۔ یوں اگر حجم کو لامحدود کر دیا جائے تب بھی تکمل کی قیمت وہی رہے گی چونکہ ایسی اضافی حجم میں $\rho_h = 0$ ہو گا۔ مساوات 4.85 میں یوں حجم کو لامحدود لیا جا سکتا ہے۔ لامحدود حجم کو گھیرتی سطح کو کرہ شکل کا تصور کرتے ہوئے ایسی سطح $4\pi r^2$ کے برابر ہو گی جہاں $r \to \infty$ ہو گا۔ لامحدود رداس کی سطح سے دیکھتے ہوئے کسی بھی شکل کا چارج کثافت نقطہ مانند چارج Q نظر آئے گا جو سطح پر $D = \frac{Q}{4\pi r^2}$ میدان اور $V = \frac{Q}{4\pi\epsilon_0 r}$ برقی دباو پیدا کرے گا۔ یوں مساوات 4.85 کے دائیں جانب بند تکمل رداس کے ساتھ $\frac{1}{r}$ کا تعلق رکھتا ہے اور $r \to \infty$ کی صورت میں ایسا تکمل صفر کے برابر ہو گا۔ یوں مساوات 4.84 کو

$$W = -\frac{1}{2}\int_h \boldsymbol{D}\cdot(\nabla V)\,\mathrm{d}h$$

یا

$$W = \frac{1}{2}\int_h \boldsymbol{D}\cdot\boldsymbol{E}\,\mathrm{d}h = \frac{\epsilon_0}{2}\int_h E^2\,\mathrm{d}h \tag{4.86}$$

1185 لکھا جا سکتا ہے جہاں مساوات 4.46 اور صفحہ 70 پر مساوات 3.3 کی مدد لی گئی ہے۔

1186

مثال 4.7: مساوات 4.83 کو

$$\nabla\cdot(V\boldsymbol{D}) = V(\nabla\cdot\boldsymbol{D}) + \boldsymbol{D}\cdot(\nabla V)$$

1187 کو ثابت کریں۔

حل: مساوات 4.83 کا بائیں بازو حل کرتے ہیں۔

$$\begin{aligned}
\nabla\cdot(V\boldsymbol{D}) &= \nabla\cdot(V[D_x\boldsymbol{a}_{\mathrm{X}} + D_y\boldsymbol{a}_{\mathrm{Y}} + D_z\boldsymbol{a}_{\mathrm{Z}}])\\
&= \nabla\cdot(VD_x\boldsymbol{a}_{\mathrm{X}} + VD_y\boldsymbol{a}_{\mathrm{Y}} + VD_z\boldsymbol{a}_{\mathrm{Z}})\\
&= \frac{\partial(VD_x)}{\partial x} + \frac{\partial(VD_y)}{\partial y} + \frac{\partial(VD_z)}{\partial z}\\
&= \frac{\partial V}{\partial x}D_x + V\frac{\partial D_x}{\partial x} + \frac{\partial V}{\partial y}D_y + V\frac{\partial D_y}{\partial y} + \frac{\partial V}{\partial z}D_z + V\frac{\partial D_z}{\partial z}
\end{aligned}$$

ایک جیسے اجزاء کو اکٹھے کرتے ہوئے

$$\nabla\cdot(V\boldsymbol{D}) = V\left(\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z}\right) + \frac{\partial V}{\partial x}D_x + \frac{\partial V}{\partial y}D_y + \frac{\partial V}{\partial z}D_z$$

لکھا جا سکتا ہے۔ اب مساوات 4.83 کا دایاں بازو حل کرتے ہیں جہاں

$$V\nabla\cdot\boldsymbol{D} = V\left(\frac{\partial D_x}{\partial x} + \frac{\partial D_y}{\partial y} + \frac{\partial D_z}{\partial z}\right)$$

اور

$$\boldsymbol{D}\cdot\nabla V=(D_x\boldsymbol{a}_{\mathrm{x}}+D_y\boldsymbol{a}_{\mathrm{y}}+D_z\boldsymbol{a}_{\mathrm{z}})\cdot\left(\frac{\partial V}{\partial x}\boldsymbol{a}_{\mathrm{x}}+\frac{\partial V}{\partial y}\boldsymbol{a}_{\mathrm{y}}+\frac{\partial V}{\partial z}\boldsymbol{a}_{\mathrm{z}}\right)$$
$$=D_x\frac{\partial V}{\partial x}+D_y\frac{\partial V}{\partial y}+D_z\frac{\partial V}{\partial z}$$

کے برابر ہیں۔انہیں جمع کرتے ہوئے مساوات 4.83 کا بایاں بازو ہی ملتا ہے۔ یاد رہے کہ $D_x\frac{\partial V}{\partial x}$ کو $D_x\frac{\partial V}{\partial x}$ لکھا جا سکتا ہے۔

مثال 4.8: صفحہ 54 پر مساوات 2.44 دو لا محدود چادروں کے درمیان برقی میدان دیتا ہے جہاں ایک چادر پر $+\rho_S$ اور دوسری چادر پر $-\rho_S$ سطحی کثافت چارج پایا جاتا ہے۔ اگر ان چادروں کے مابین فاصلہ a ہو تب چادروں پر آمنے سامنے S سطح لیتے ہوئے حجم aS میں کل مخفی توانائی حاصل کریں۔

حل: چادروں کے مابین $E=\frac{\rho_S}{\epsilon_0}$ ہے جو اٹل مقدار ہے لہٰذا اسے مساوات 4.86 میں تکمل سے باہر لے جایا جا سکتا ہے۔ یوں

$$W=\frac{\epsilon_0}{2}\frac{\rho_S^2}{\epsilon_0^2}\int_h \mathrm{d}h=\frac{\rho_S^2 Sa}{2\epsilon_0}\tag{4.87}$$

حاصل ہوتا ہے۔ آئیں اسی نتیجے کو مساوات 4.82 کی مدد سے حاصل کریں۔ منفی چادر کو برقی زمین تصور کرتے ہوئے مثبت چادر پر $Ea=\frac{\rho_S a}{\epsilon_0}$ برقی دباو ہو گا۔ منفی چادر پر برقی دباو چونکہ صفر لیا گیا ہے لہٰذا مساوات 4.82 کا تکمل لیتے ہوئے منفی چادر پر تکمل صفر کے برابر ہو گا۔ اسی طرح دونوں چادروں کے درمیان چارج نہیں پایا جاتا لہٰذا اس حجم پر بھی تکمل صفر کے برابر ہو گا۔ مثبت چادر پر سطحی چارج کثافت کو حجمی چارج کثافت میں یوں تبدیل کیا جا سکتا ہے۔ الٹ قطب کے چارجوں کے مابین قوت کشش پایا جاتا ہے لہٰذا چادروں پر آپس میں قریبی سطحوں پر چارج پایا جائے گا۔ یوں مثبت چادر کے S حصے پر چارج $\rho_S S$ کو t موٹائی اور S رقبے کے حجم پر تقسیم کرتے ہوئے $\frac{\rho_S}{t}$ حجمی چارج کثافت تصور کیا جا سکتا ہے جہاں t نہایت کم موٹائی ہے یعنی $t\to 0$ ہے۔ اس چارج کو $(a-t/2)$ تا $(a+t/2)$ خطے میں تصور کرتے ہوئے یوں

$$W=\frac{1}{2}\int_S\int_{a-t/2}^{a+t/2}\frac{\rho_S}{t}\frac{\rho_S a}{\epsilon_0}\,\mathrm{d}x\,\mathrm{d}S=\frac{\rho_S^2 Sa}{2\epsilon_0}\tag{4.88}$$

ہی دوبارہ حاصل ہوتا ہے۔

اس باب میں ہم مخفی توانائی کی بات کرتے رہے لیکن کہیں پر بھی یہ ذکر نہیں کیا کہ مخفی توانائی آخر کہاں ذخیرہ ہوتی ہے۔ اس کا جواب آج تک کوئی نہیں بتلا سکا ہے۔ آئیں دیکھیں کہ یہ بتلانا اتنا مشکل کیوں ہے۔

مساوات 4.87 سے ایسا معلوم ہوتا ہے کہ مخفی توانائی دو چادروں کے درمیان برقی میدان میں ذخیرہ ہے البتہ مساوات 4.88 کے حصول کو دیکھتے ہوئے ایسا معلوم ہوتا ہے کہ منفی چادر اور چادروں کے درمیان صفر توانائی پائی جاتی ہے جبکہ تمام کی تمام مخفی توانائی مثبت چادر پر ہے۔ اسی طرح اگر ہم مثبت چادر کو برقی زمین تصور کرتے تب منفی چادر پر برقی دباو $-Ea$ ہوتا اور مخفی توانائی منفی چادر میں نظر آتی۔ ہم دو چادروں کے بالکل درمیانی نقطے کو برقی زمین لے سکتے ہیں۔ ایسا کرتے ہوئے مثبت چادر پر $\frac{Ea}{2}$ اور منفی چادر پر $\frac{-Ea}{2}$ برقی دباو حاصل ہوتی ہے اور مخفی توانائی برابر دونوں چادروں میں نظر آئے گی۔ برقی زمین کو دو چادروں کے درمیان کسی بھی نقطے پر رکھا جا سکتا ہے اور ایسا کرنے سے مثبت اور منفی چادروں میں مخفی توانائی کی تقسیم کے جوابات تبدیل ہوتے رہیں گے۔ اگرچہ ان تمام طریقوں سے کل مخفی توانائی کی صحیح قیمت حاصل ہوتی ہے لیکن ان سے کسی صورت یہ معلوم نہیں کیا جا سکتا ہے کہ مخفی توانائی ذخیرہ کہاں ہوتی ہے۔ اس حقیقت کے ساتھ ہی زندگی بسر کرنا سیکھ لیں۔

سوالات

سوال4.1: میدان $\boldsymbol{E} = 5\boldsymbol{a}_{\rho} - 3\boldsymbol{a}_{\phi} + 2\boldsymbol{a}_{\text{z}} \,\frac{\text{V}}{\text{m}}$ میں $1\,\mu\text{C}$ چارج کو نقطہ $N(5, 45°, 4)$ سے نقطہ $M(5, 45°, 6)$ کی جانب نہایت کم فاصلہ $1\,\mu\text{m}$ منتقل کرنے کے لئے درکار توانائی دریافت کریں۔اسی طرح $(5, 45.3°, 4)$ ، $(7, 45°, 4)$ اور $(10, 66°, 12)$ کی جانب منتقل کرنے کے لئے درکار توانائی بھی حاصل کریں۔

جوابات: $-2\,\text{pJ}$ ، $3.013\,\text{pJ}$ ، $-2.753\,\text{pJ}$ ،$3.013\,\text{pJ}$

سوال4.2: میدان $\boldsymbol{E} = 100\boldsymbol{a}_{\text{x}} - 250\boldsymbol{a}_{\text{y}} + 50\boldsymbol{a}_{\text{z}}) \,\frac{\text{V}}{\text{m}}$ دیا گیا ہے۔چارج $25\,\text{C}$ کو نہایت کم فاصلہ $1\,\text{mm}$ نقطہ $(3, 4, 6)$ سے نقطہ $(5, 10, -2)$ کی سمت میں منتقل کرنے کے لئے کتنی توانائی درکار ہے۔اسی طرح $\boldsymbol{a}_{\text{x}}$ ، $\boldsymbol{a}_{\text{y}}$ اور $\boldsymbol{a}_{\text{x}} + \boldsymbol{a}_{\text{y}} + 2\boldsymbol{a}_{\text{z}}$ سمت میں منتقل کرنے کے لئے درکار توانائی بھی حاصل کریں۔

جوابات: $-0.2\,\text{J}$ ، $0.5\,\text{J}$ ، $0.115\,\text{J}$

سوال4.3: میدان $\boldsymbol{E} = 0.2x(\sin 0.1z\boldsymbol{a}_{\text{x}} - 2\cos 0.15x\boldsymbol{a}_{\text{y}} + 0.02z\boldsymbol{a}_{\text{z}}) \,\frac{\text{V}}{\text{m}}$ دیا گیا ہے۔نقطہ $N(3, 2, 4)$ پر $\boldsymbol{E}$ حاصل کریں۔اس نقطے سے $(5, 6, -2)$ جانب $12\,\text{C}$ چارج نہایت کم فاصلہ $2.5\,\mu\text{m}$ منتقل کرنے کے لئے درکار توانائی حاصل کریں۔

جوابات: $0.177\boldsymbol{a}_{\text{x}} - 1.081\boldsymbol{a}_{\text{y}} + 0.048\boldsymbol{a}_{\text{z}}$ ، $17.06\,\mu\text{J}$

سوال4.4: میدان $\boldsymbol{E} = (2x^3 + yz^2)\boldsymbol{a}_{\text{x}} - 3z^2\boldsymbol{a}_{\text{y}} + xy^2z\boldsymbol{a}_{\text{z}} \,\frac{\text{V}}{\text{m}}$ کا لکیری تکمل $\int \boldsymbol{E} \cdot \text{d}\boldsymbol{L}$ نقطہ $N(1, 2, 3)$ تا نقطہ $P(6, 1, 2)$ مندرجہ ذیل دو راستوں پر حاصل کریں۔(الف) پہلے x محدد کے متوازی چلیں،اس کے بعد y محدد کے متوازی چلیں اور آخر میں z محدد کے متوازی چلیں۔(ب) پہلے نقطہ سے بالکل سیدھا دوسرے نقطے کی طرف چلتے ہوئے تکمل حاصل کریں۔ایسا مساوات $z = y + 1$ اور مساوات $x = 11 - 5y$ پر بیک وقت چلتے ہوئے ممکن ہو گا۔

جوابات: 749.5 ، 698.9

سوال4.5: میدان $\boldsymbol{E} = 2x\boldsymbol{a}_{\text{x}} - 3z\boldsymbol{a}_{\text{y}} + 2\boldsymbol{a}_{\text{z}} \,\frac{\text{V}}{\text{m}}$ میں $5\,\mu\text{C}$ کا چارج نقطہ $(0, 2, -4)$ تا نقطہ $(2, 4, -12)$ منتقل کرنے کے لئے درکار توانائی حاصل کریں۔(الف) باری باری x ، y اور z محدد کے متوازی چلیں۔(ب) ابتدائی نقطے سے اختتامی نقطے تک بہ راستہ $z = x^2 - y^2$ ، $y = x + 2$ چلیں۔

جوابات: $-60\,\mu\text{J}$ ، $-180\,\mu\text{J}$

سوال4.6: برقی میدان $\boldsymbol{E} = (y + z)\boldsymbol{a}_{\text{x}} + (x + z)\boldsymbol{a}_{\text{y}} + (x + y)\boldsymbol{a}_{\text{z}}$ میں $-0.1\,\text{C}$ کے چارج کو نقطہ $(1, 0, 2)$ سے نقطہ $(0, 0, 2)$ اور یہاں سے نقطہ $(0, 1, 2)$ لایا جاتا ہے۔دونوں راستوں کی علیحدہ علیحدہ اور کل درکار توانائی حاصل کریں۔

جوابات: $0.2\,\text{J}$، $-0.2\,\text{J}$ اور $0\,\text{J}$

سوال4.7: میدان $\boldsymbol{E} = 2x^2y\boldsymbol{a}_{\text{x}} + y^2\boldsymbol{a}_{\text{y}} + (x + z)\boldsymbol{a}_{\text{z}}$ میں چارج $-2.2\,\mu\text{C}$ کو نقطہ $N(2, 1, 1)$ سے $P(4, 3, 1)$ منتقل کرنے کے لئے درکار توانائی دریافت کریں۔راستہ $6y = x^2 + 2$، $z = 1$ اختیار کیا گیا ہے۔

جواب: $191.9\,\mu\text{J}$

سوال4.8: محدد کے مرکز پر Q چارج پایا جاتا ہے۔اس کے میدان میں چارج q کو نقطہ N سے P منتقل کرنے کے لئے درکار توانائی حاصل کریں جہاں ان کی تفصیل اور راستے کی تفصیل کچھ یوں ہے۔الف) $N(r_1,\theta_1,\phi_1)$ تا $P(r_2,\theta_1,\phi_1)$ ایسے راستے پر جس پر θ اور ϕ تبدیل نہیں ہوتے۔ب) $N(r_1,\theta_1,\phi_1)$ تا $P(r_1,\theta_2,\phi_1)$ ایسے راستے پر جس پر r اور θ تبدیل نہیں ہوتے۔پ) $N(r_1,\theta_1,\phi_1)$ تا $P(r_1,\theta_1,\phi_2)$ ایسے راستے پر جس پر r اور ϕ تبدیل نہیں ہوتے۔

جوابات: $\frac{Qq}{4\pi\epsilon_0}\left(\frac{1}{r_2}-\frac{1}{r_1}\right)$ ، 0 ، 0

سوال4.9: محدد کے مرکز پر $r = 5\,\mathrm{mm}$ رداس کے کرہ پر سطحی کثافت چارج $25\,\frac{\mathrm{nC}}{\mathrm{m}^2}$ پایا جاتا ہے۔نقطہ $A(0.015, 30^\circ, 45^\circ)$ پر حتمی برقی دباو V_A اور نقطہ $B(0.035, 60^\circ, 15^\circ)$ پر حتمی برقی دباو V_B حاصل کریں۔نقطہ A کو برقی زمین تصور کرتے ہوئے برقی دباو V_{BA} حاصل کریں۔

جوابات: $4.706\,\mathrm{V}$ ، $2.017\,\mathrm{V}$ ، $-2.689\,\mathrm{V}$

سوال4.10: میدان $\boldsymbol{E} = 50z\sin\phi\boldsymbol{a}_\rho + 50z\cos\phi\boldsymbol{a}_\phi + 10\rho\sin\phi\boldsymbol{a}_\mathrm{z}\,\frac{\mathrm{V}}{\mathrm{m}}$ میں محدد کے مرکز پر صفر وولٹ تصور کرتے ہوئے نقطہ $N(2, 150^\circ, 3)$ پر برقی دباو حاصل کریں۔ایسا کرتے ہوئے تکمل بہ راستہ $\rho = \frac{12\phi}{5\pi}$ ، $z = \frac{18\phi}{5\pi}$ حاصل کریں۔

جواب: $-150\,\mathrm{V}$

سوال4.11: سطح $x = 0$ پر سطحی کثافت چارج $2\,\frac{\mathrm{nC}}{\mathrm{m}^2}$ پائی جاتی ہے۔نقطہ $A(5,3,-6)$ کو صفر وولٹ لیتے ہوئے نقطہ $N(6,-2,9)$ پر برقی دباو V_{NA} حاصل کریں۔

جواب: $112.94\,\mathrm{V}$

سوال4.12: کارتیسی y محدد پر لکیری کثافت چارج $15\,\frac{\mathrm{nC}}{\mathrm{m}}$ پایا جاتا ہے۔نقطہ $P(5,2,6)$ کو صفر وولٹ اور پر تصور کرتے ہوئے نقطہ $N(10,8,10)$ پر برقی دباو حاصل کریں۔اگر نقطہ $P(5,2,6)$ پر $200\,\mathrm{V}$ وولٹ کا برقی دباو ہوتا تب نقطہ $N(10,8,10)$ پر برقی دباو کیا ہوتا؟

جواب: $-160\,\mathrm{V}$ ، $40\,\mathrm{V}$

سوال4.13: کارتیسی z محدد پر $5\,\frac{\mathrm{nC}}{\mathrm{m}}$ اور x محدد پر $-2\,\frac{\mathrm{nC}}{\mathrm{m}}$ لکیری کثافت چارج پائے جاتے ہیں۔نقطہ $A(5,3,6)$ پر $50\,\mathrm{V}$ ہونے کی صورت میں نقطہ $N(8,-2,5)$ پر برقی دباو حاصل کریں۔

جواب: $10.954\,\mathrm{V}$

سوال4.14: سطح $z = 0$ پر رداس a کی گول ٹکیا پر سطحی کثافت چارج ρ_S پائی جاتی ہے۔نقطہ $(0,0,z)$ پر حتمی برقی دباو حاصل کریں۔

جواب: $\frac{\rho_S}{2\epsilon_0}(\sqrt{z^2+a^2} - z)$

سوال4.15: سطح $z = 0$ پر رداس $a \le \rho \le b$ کی گول ٹکیا پر سطحی کثافت چارج ρ_S پائی جاتی ہے۔نقطہ $(0,0,z)$ پر حتمی برقی دباو حاصل کریں۔

جواب: $\frac{\rho_S}{2\epsilon_0}(\sqrt{z^2+b^2} - \sqrt{z^2+a^2})$

سوال4.16: لکیری کثافت چارج $15x\,\frac{\mathrm{nC}}{\mathrm{m}}$ محدد x کے متوازی $0 \le x \le 2$ ، $y = 4$ ، $z = 2$ پر پائی جاتی ہے۔محدد کے مرکز پر حتمی برقی دباو حاصل کریں۔

جواب: $57.54\,\mathrm{V}$

سوال 4.17: ہمیں برقی دباو $V(x,y,z)=3x^2y^2+5xz^2-10\ln(x-y)\,\mathrm{V}$ معلوم ہے۔ نقطہ $N(5,-3,8)$ پر V، $\boldsymbol{E}$، $\boldsymbol{D}$ اور ρ_h کی قیمتیں حاصل کریں۔

جوابات: $2254\,\mathrm{V}$، $-589\boldsymbol{a}_{\mathrm{X}}+449\boldsymbol{a}_{\mathrm{y}}-400\boldsymbol{a}_{\mathrm{Z}}\,\frac{\mathrm{V}}{\mathrm{m}}$، $-5.21\boldsymbol{a}_{\mathrm{X}}+3.97\boldsymbol{a}_{\mathrm{y}}-3.54\boldsymbol{a}_{\mathrm{Z}}\,\frac{\mathrm{nC}}{\mathrm{m}^2}$، $1.48\,\mathrm{nC/m^3}$

سوال 4.18: ہمیں $V(\rho,\phi,z)=10\rho^2\sin\phi$ معلوم ہے۔ $\boldsymbol{E}$ اور ρ_h کے مساوات حاصل کریں۔

جوابات: $-20\rho\sin\phi\boldsymbol{a}_\rho-10\rho\cos\phi\boldsymbol{a}_\phi$، $-30\epsilon_0\sin\phi$

سوال 4.19: مکعب $0<x<1$، $0<y<1$، $0<z<1$ میں $V(x,y,z)=x^3+y^3+3z$ ہے۔ اس مکعب میں کل چارج حاصل کریں۔

جواب: $-53\,\mathrm{pC}$

سوال 4.20: سطح $2x^2-4y^3+2z=-100$ ہم قوہ سطح ہے جس پر برقی دباو $220\,\mathrm{V}$ ہے۔ نقطہ $N(7,4,29)$ پر $|E|=30\,\frac{\mathrm{V}}{\mathrm{m}}$ ہونے کی صورت میں اس نقطے پر $\boldsymbol{E}$ کی مساوات حاصل کریں۔

جواب: $4.3\boldsymbol{a}_{\mathrm{X}}-29.7\boldsymbol{a}_{\mathrm{y}}+0.31\boldsymbol{a}_{\mathrm{Z}}$

سوال 4.21: نقطہ $(0,0,-10)$ پر $\boldsymbol{p}_1=15\boldsymbol{a}_{\mathrm{Z}}\,\mathrm{nC\,m}$ اور نقطہ $(0,0,5)$ پر $\boldsymbol{p}_2=-25\boldsymbol{a}_{\mathrm{Z}}\,\mathrm{nC\,m}$ جفت قطب پائے جاتے ہیں۔ نقطہ $(0,0,-5)$ پر V اور $\boldsymbol{E}$ حاصل کریں۔

جوابات: $7.64\,\mathrm{V}$، $1.71\boldsymbol{a}_{\mathrm{Z}}\,\frac{\mathrm{V}}{\mathrm{m}}$

سوال 4.22: محدد کے مرکز پر $\boldsymbol{p}=15\epsilon_0\boldsymbol{a}_{\mathrm{Z}}$ جفت قطب پایا جاتا ہے۔ ان سطحوں کی مساوات حاصل کریں جن پر $E_z=0$ کے برابر ہے۔ صرف $\boldsymbol{E}\neq 0$ کی صورت پر غور کریں۔

جواب: $x^2+y^2-2z^2=0$ یعنی ایسی مخروط جس کا $\theta=54.7^\circ$ یا $\theta=125.3^\circ$ ہو۔

سوال 4.23: سیدھی لکیر پر تین یکساں چارج Q پائے جاتے ہیں۔ قریبی چارجوں کے درمیان فاصلہ d ہے۔ اس نظام میں کل توانائی دریافت کریں۔ اگر چار عدد چارج اسی طرح رکھے جائیں تب توانائی کتنی ہو گی؟

جوابات: $\frac{5}{2}\,\frac{Q^2}{4\pi\epsilon_0 d}\,\mathrm{J}$، $\frac{13}{3}\,\frac{Q^2}{4\pi\epsilon_0 d}\,\mathrm{J}$

سوال 4.24: مثال 4.8 کے طرز پر L لمبائی ہم محوری تار میں مخفی توانائی حاصل کریں۔ اندرونی تار کا رداس a جبکہ بیرونی تار کا رداس b ہے۔

جواب: $W=\frac{\pi La^2\rho_S^2}{\epsilon_0}\ln\frac{b}{a}$

سوال 4.25: خطہ $a\le r\le b$ میں $V=\frac{0.1}{r^2}\,\mathrm{V}$ برقی دباو پایا جاتا ہے جہاں $0<a$، $0<b$ ہیں۔ اس خطے میں کل مخفی توانائی دریافت کریں۔

جواب: $\frac{0.08\pi\epsilon_0}{3}\left(\frac{1}{a^3}-\frac{1}{b^3}\right)$

باب 16

سوالات

16.1 موصل